






ԶՄԻԱԾԻՆ

1986



ԽԳ

ՏԱՐԻ



ԷԶՄԻԱԾԻՆ



ՊԱՇՏՈՆԱԿԱՆ
ԱՄՍԱԳԻՐ
ՀԱՅՐԱՊԵՏԱԿԱՆ
ԱԹՈՌՈՒՅ
Ս. ԷԶՄԻԱԾՆԻ

ՎԻԿԻԼՈՍՈՐ



1986



ՀՐԱՄԱՆԱԻ

Տ. Տ. ՎԱԶԳԵՆԻ ԱՌԱՋՆՈՅ

ՎԵՀԱՓԱՌ ԵՒ ՍՐԲԱՋՆԱԳՈՅՆ ԿԱԹՈՂԻԿՈՍԻ
ԱՄԵՆԱՅՆ ՀԱՅՈՑ

[illegible]

ՀԱՐԱՆ ԱՍՏԻՆԻ ԼՈՒՅՏԻ ԴԱՐՈՒՄ ԴԱՐԱՍԱՐԱՆԻ
ՏՆՈՐԻ ՄԱՍԻՆԻՆ, ԵՎ ԴԱՅՈՒՆՆԵՐ ԿԱՍԱԿՈՍ ՏՈՒՆ ԴԵՐԱՆ ԿՈՒՇԻՆ,
ՄԵՐ ԴԿՈՍՈՒՆԵՐԱՆ ՄԵՐՈՆ ՈՂՅՈՒՆԵՆ ԵՎ ԱՍՈՒՐՈՆՈՆ ՕՐԿԵՍՏՐԱՆԻ
ԴԱՅԱՍԱՆԱԶՅՈՐ ԵՎԵՆԵՐՈՍԻՆ ՄԵՐ ԱՊՈՐԻ ՄԱՐԿԻ ԷՏԱՆԻՆԵՐԸ

Handwritten musical notation on a single staff, featuring a large initial 'A' and dense script.

A close-up photograph of a musical manuscript page. The page is filled with handwritten musical notation on five-line staves. The ink is dark, and the handwriting is cursive. In the lower-left corner, there is a rectangular stamp that reads "1915-1916". The paper appears aged and slightly yellowed.

[illegible]

A close-up of a manuscript page showing musical notation on staves with square neumes and Latin text in Gothic script. The page is aged and yellowed, with some red ink used for initials or rubrics. The notation is written on four-line staves, and the text is in a dense, formal Gothic hand.

[Faint handwritten notes on lined paper]

70

Handwritten musical score for "L'Alceste" by Jean-Baptiste Lully. The page features two staves of music, with the notation including clefs, key signatures, and various musical symbols. The manuscript is written in brown ink on aged, yellowed paper. The text "L'Alceste" and "Lully" are visible at the top of the page.

193

193

Handwritten musical notation on a staff, with the text "Handwritten musical notation" written below it.

ՀԱՅԿԱՍՏԱՆԻ ԿՈՄՍՏԱՅԻՆ ԿԵՆՏՐԱԼԻ ՆԱԽԱՐԱՐՈՒԹՅԱՆ ԿՈՄԻՏԵ

Handwritten musical notation on a single staff. The notation includes a treble clef, a key signature of one sharp (F#), and a 2/4 time signature. The melody consists of several measures with eighth and sixteenth notes, and rests. The handwriting is in dark ink on aged, slightly discolored paper.



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ ԿՈՆԴԱԿՆ
ՀԱՂԼԵԻ ՀԱՄԱԼՍԱՐԱՆԻ ՏՆՕՐԵՆՈՒԹՅԱՆԸ ԵՎ ՀԱՅԱԳԵՏ
ԴՈԿՏ. ՀԵՐՄԱՆ ԿՈՂՑԻՆ՝ ՀԱՅՐ ԻՈՀԱՆՆԵՍ ԼԵՓՍԻՈՒՄԻ
ՄԱՀՎԱՆ 60-ԱՄՅԱԿԻ ԱՌԹԻՎ

ՀԱՂԼԵԻ «ՄԱՐՏԻՆ ԼՈՒԹԵՐ»-Ի ԱՆՈՒԱՆ ՀԱՄԱԼՍԱՐԱՆԻ
ՏՆՕՐԵՆՈՒԹԵԱՆ, ԵՒ ՀԱՅԱԳԵՏ ԴԱՍԱԽՕՍ ՏՈՔԹ. ՀԵՐՄԱՆ ԿՈՂՑԻՆ,
ՄԵՐ ՔՐԻՍՏՈՆԵԱԿԱՆ ՍԻՐՈՅ ՈՂՋՈՅՆԸ ԵՒ ԱՍՏՈՒԾՈՅ ՕՐՀՆՈՒԹԻՒՆԸ
ՀԱՅԱՍՏԱՆԵԱՅՑ ԵԿԵՂԵՑԻՈՅ ՄԱՅՐ ԱԹՈՒ ՍՈՒՐԲ ԷԶՄԻԱԾՆԻՑ

Հայոց Մայր Երկրից և Հայ Եկեղեցու պատմական կենտրոն Սուրբ Էջմիածնից բերում ենք ողջոյն և օրհնութիւն Հայր Իոհաննէս Լեփսիուսի յիշատակին, որին նուիրուած է ձեր գիտական նիստը, նրա մահուան վաթսուամեակի առթիւ, նպատակ ունենալով մեր օրերի աշխարհին ներկայացնելու մեծանուն գերմանացի հոգևորականի առաքելատիպ կեանքն ու կրօնական, գիտական և ընկերային ծառայութեանց բեղուն վաստակը:

Մեր գոհունակութիւնը և Մեր ջերմ գնահատանքն ենք յայտնում Ձեզ, որ երջանիկ գաղափարն էք ունեցել ձեր պատմական համալսարանի յարկի տակ կազմակերպելու սոյն հանդիսաւոր նիստը, որին հաճել էք հրաւիրել Մայր Աթոռիս Երկու ներկայացուցիչներին, որոնք պիտի լինեն Մայր Աթոռիս դիւանապետը Տ. Ներսէս եպիսկոպոս Պոպապետն և Կենտրոնական Եւրոպայի Մեր պատուիրակը Տոքթ. Մեսրոպ Ժ. վարդապետ Գրիգորեան: Նրանք պիտի մասնակցեն ձեր հանդիսութիւններին բերելով բոլորիդ Մեր եղբայրական ողջոյնը և բարի մաղթանքները:

Հայ Եկեղեցու և ժողովրդի համար Հայր Լեփսիուսը խորհրդանիշն է գերման ապգի քրիստոնէական խղճի և արդարութեան զգացումի: Նրա անունը յաւերժ արձանագրուած կը մնայ քսաներորդ դարի պատմութեան գրքում որպէս այդպիսին, իսկ հայ ապգի պատմութեան էջերում որպէս քաջակորով:

ախոյեան մարդասիրութեան, որպէս անձնագործի բարի հովիւ Յիսուսանման և որպէս դրօշ ու որպէս կոշ արդարութեան:

1915—1916 տարիներին էր, երբ Օսմանեան կառավարութիւնը ծրագրեց ու գործադրութեան դրեց բնաջնջումը հայ ազգաբնակչութեան Թուրքիոյ ամբողջ տարածքի վրայ: Իրենց պատմական հայրենի հողից տեղահան արուեցին ու կոտորուեցին անասելի տառապանքների մէջ աւելի քան մէկ ու կէս միլիոն հայ քրիստոնեաներ, քարուքանդ արուեցին հայաբնակ քաղաքներ, գիւղեր, բազմադարեան հայ եկեղեցական ու մշակութային յուշարձաններ, հրկիպուեցին բազմահազար ձեռագործեր և հայ արուեստի գործեր: Կատարուեց քսաներորդ դարի առաջին ցեղասպանութիւնը անմարդկային սառնասրտութեամբ: Այդ տարիներին պատերազմ էր աշխարհում, երբ սուլթանական Թուրքիայի կառավարիչները առիթը գտել էին մեծ ոճիրը գործելու, վայելելով լուռ մեղսակցութիւնը դաշնակից Վիլհելմեան Գերմանիայի կառավարութեան:

Այս ողբերգութեան օրերին էր ահա, որ գտնուեց մի քաջ հովիւ՝ Հայր Իոհաննէս Լեփսիուսը, որ իր արդար ձայնը հնչեցրեց բարձր ու համարձակ ի պաշտպանութիւն նահատակուող մի քրիստոնեայ ժողովրդի:

Ճշմարիտ է, որ Հայր Լեփսիուսի ձայնը խափանուեց կայսերական շահերի հարուածով, սակայն այդ ձայնը հզօր հնչեց քաղաքակիրթ մարդկութեան դատաստանի առաջ և շարունակում է հետպիտէ աւելի հզօր հնչել մեր օրերին իբրև երկինք բարձրացող արդարութեան աղաղակ:

Հայ եկեղեցին ու համայն հայ ազգը որ ի Սովետական Հայաստան և որ ի սփիւռս աշխարհի, երախտապարտ հոգով յիշում են Հայր Լեփսիուսի արդար պայքարը, նրա հրապարակած հայանպաստ պատմական գրքերը՝ «Հայաստան և Եւրոպա» 1896-ին և «Գերմանիա և Հայաստան» 1919-ին, խոնարհում են նրա յիշատակի առաջ ու աղօթում, որ նրա բարի հոգին միշտ լուսաւոր մնայ երկնային յաւերժութեան մէջ և այստեղ, երկրի վրայ, մարդկութեան յիշողութեան մէջ:

Հայոց ցեղասպանութեան օրերից անցել են 70 տարիներ, սակայն Հայր Լեփսիուսի բողոքող խօսքը հնչում է այսօր աշխարհով մէկ, առաւել ուժգնութեամբ, առաւել լայն արձագանքով:

Երբեմն ոճիրները միառժամանակ մնում են թաքցուած կամ քողարկուած, սակայն արդարութեան լոյսը կարելի է ընդմիշտ խափանել: Արդարութեան լոյսը ճեղքում է խաւարը, փշրում է ստի ու կեղծիքի պատնէշը, քանդում ոճիրի բոյնը և յաղթական ճառագայթում հորիզոնից հորիզոն: «Յանցանել մորկի, եղծանի ամբարիշտն, իսկ արդարոյն խոյս տուեալ՝ կեցցե՛ յաւիտեան» (Առակք Սողոմ. Ժ 25):

Հայ եկեղեցին ու նրա ժողովուրդը հայցում են երկնքից ու մարդկանցից, մեր օրերի աշխարհից, ճանաչումը ցեղասպանութեան եղբրական ճշմարտութեան և արդար հատուցումը՝ հայութեան 1915-ի նահատակութեան: Այս նուիրական ճանապարհի վրայ, 1915-ի ողբերգութեան մեծ վկան՝ Հայր Լեփսիուսը, այսօր էլ հանդիսանում է հայ ազգի անհուն վշտի միփթարիչը ու քաջամարտ պաշտպանը նրա արդար դատի:

Ու այս հանդիսաւոր առիթով Մենք յոյս ենք յայտնում, որ Հայր Լեփսիուսի ձայնը լսելի կը դառնայ նաև թուրք ազգի մերօրեայ սերունդներին, և կը գայ աստուածադիր օրը, երբ նրանք էլ հայերի կողքին կ'աղօթեն մեր նահատակների հոգիների խաղաղութեան համար: Ավնիւ ու աստուածասէր մարդիկ երկրագնդի բոլոր հորիզոններից աղօթելու են ու գործելու, որ յետ այսու աշխարհում ոչ մի տեղ, ոչ մի ազգութեան կեանքում չկրկնուեն նման ողբերգութիւններ, և մեծ ու փոքր ժողովուրդներ ապրեն ու գոյատևեն

այս երկրագնդի վրայ՝ որ բոլորին սնուցում է հաւասարապէս, այս արևի տակ՝ որ բոլորին լուսաւորում է հաւասարապէս, Աստուծոյ օրհնութեան ներքն՝ որ բոլորին բաշխում է հաւասարապէս:

Երանի մարդիկ ու ազգութիւններ լսէին եղբայրացնող այս պատգամը՝ Աստուծոյ, արևի ու մայր հողի:


Երանի մարդիկ ու ազգութիւններ կեանքի կոչէին պատգամը մեծ սաղմոսերգուի՝ «Ողորմութիւն և ճշմարտութիւն պատահեցին, արդարութիւն և խաղաղութիւն համբուրեցին» (Սաղմ. 27- 11): Ամէն:

Հարցի Դ

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Տուաւ կոնդակս ի 10 Փետրուարի
1986 Փրկչական ամի,
եւ ի տոմարիս Հայոց ՌՆԼԵ
ի մայրավանս Սրբոյ Էջմիածնի:
Հմր. 1410





ԴՈՎՏ. ՀԱՅՐ ԻՈՂԱՆՆԵՍ ԼԵՓՍԻՈՒՄԻ ՄԱՀՎԱՆ 60-ԱՄՅԱԿԻՆ ՆՎԻՐՎԱԾ ԳԻՏԱԺՈՂՈՎ

Սույն թվականի փետրվարի 18—19 օրերին, Արևելյան Գերմանիայի Հալլե-Վիտենբերգ թաղաքի Մարտին Լութերի անվան համալսարանի աստվածաբանական ֆակուլտետին կից Լեփսիուսի արխիվի տնօրենության կողմից, համալսարանի արևելագիտության և հնագիտության, ինչպես նաև պատմության ու հասարակագիտության ֆակուլտետների համագործակցությամբ կազմակերպվել էր մի գիտաժողով՝ նվիրված դոկտոր հայր Իոհաննես Լեփսիուսին, նրա մահվան 60-րդ տարեկիցի առթիվ:

Փետրվարի 18-ի առավոտյան, ժամը 9-ին, համալսարանի Չերնիշևսկու անվան շենքի ընդարձակ դահլիճում գիտաժողովի բացումը կատարեց համալսարանի պրոռեկտոր դոկտ. պրոֆ. Ռ. Բավրմանը: Այնուհետև Հալլե-Մառնայից Առաքելական Եկեղեցու և Նորին Սրբություն Ամենայն Հայոց Վեհափառ Ս. Տ. Վազգեն Ա Հայրապետի անունից ողջույնի խոսքով հանդես եկավ Մայր Աթոռի դիվանապետ Ս. Ներսես եպս. Պոպապալանը՝ ընթերցելով Նորին Վեհափառության սրբատառ կոնդակը նվիրված դոկտ. հայր Իոհաննես Լեփսիուսի հիշատակին և ուղղված Մարտին Լութերի անվան համալսարանի դասախոս և սույն գիտաժողովի կազմակերպիչ դոկտ. Գոլցին:

Ողջույնի խոսքերով հաջորդաբար հանդես եկան՝ ԳԴՀ-ի Ավետարանական Եկեղեցիների Միության անունից եպիսկոպոս դոկտ. Կ. Ֆորբը, Ռուսաց ուղղափառ Եկեղեցու անունից՝ Բեռլինի և Կենտրոնական

Եվրոպայի եկկարխ Ֆեոդոս արքեպիսկոպոսը, Գերմանա-հայկական ընկերության ներկայացուցիչ, ԳՖՀ-ի Հայդելբերգի համալսարանի պրոֆ. դոկտ. Ֆ. Հայերը:

Գիտաժողովի նիստին հատկացված սրահում ցուցադրված էին դոկտ. Իոհաննես Լեփսիուսի արխիվը, նրա հրատարակած աստվածաբանական և ընկերային հարցերին վերաբերվող շահեկան գրքերը, նրա ընտանեկան նկարները և անձնական իրերը:

Առավոտյան ժամը 10-ին սկսվեցին գիտաժողովի աշխատանքները: Ձեկուցումներով հանդես եկան Մարտին Լութերի անվան համալսարանի աստվածաբանական ֆակուլտետի ղեկան դոկտ. Հ. Գոլցը «Հայոց դատապաշտպան հայր դոկտ. Իոհաննես Լեփսիուսի կյանքն ու գործունեությունը» թեմայով, Կենտրոնական Եվրոպայի հայրապետական պատմիրակ դոկտ. Մեսրոպ ծ. վրդ. Գրիգորյանը «Հալլե-Մառնայից Նորագույն ժամանակներում» թեմայով, ԳՖՀ-ի Հայդելբերգի համալսարանի պրոֆ. դոկտ. Մ. Ռ. Լեփսիուսը՝ «Դոկտ. Ի. Լեփսիուսի պատանեկության և ուսանողական տարիների մասին» թեմայով:

Միջօրեի ճաշի դադարից հետո գիտաժողովը շարունակվեց: Ձեկուցումներով հանդես եկան պրոֆ. դոկտ. Յ. Գլասնեկը (ԳԴՀ) «Երիտթուրքական ռեժիմի բնույթը Օսմանյան կայսրությունում» թեմայով, հոգժ. Ս. Սեպուխ ծ. վրդ Սարգսյանը՝ «Հայ-գերմանական գիտական կապերը Գարեգին Ա

Հովսեփյան կաթողիկոսի գործունեության մեջ» թեմայով, Վենետիկի Մխիթարյան միաբանությունից դուկտ. հայր Լևոն Ջեքիյանը «Մխիթարյան միաբանության ներդրումը հայ մշակույթի և գիտության պահպանման գործում» թեմայով, պրոֆ. դուկտ. Պ. Նազելը (ԳԴՀ) «Գերմանացի արևելագետների արձագանքումը Օսմանյան կայսրության մեջ հայերի ճակատագրի վերաբերյալ» թեմայով: Ապա Վեկուցեց ԳԴՀ-ի Գիտությունների ա-

կան երգեր և հատվածներ Կոմիտասյան պատարագից:

Էկումենիկ այս արարողության ընթացքում քարոզով հանդես եկավ Մագդեբուրգ քաղաքի եպիսկոպոս դուկտ. Դեմկեն, որն իր խոսքում յուրովի մեկնաբանեց հայկական խաչքարի նշանակությունը՝ այն նմանեցնելով հայ ժողովրդի անցյալի չարչարանքներին և ներկայի հարությանը: Ապա քարոզեց Տ. Ներսես եպս. Պոպապայանը



Ներսես եպս. Պոպապայանը դուկտ. Կուցին է հանձնում Վեհափառ Հայրապետի սրբատառ կոնդակը

կաղեմիայի անդամ պրոֆ. դուկտ. Յ. Իրմշե-րը «Յուլենի Մարկվարտ, կյանքը, գործն ու ազդեցությունը» թեմայով:

Երեկոյան, ժամը 18-ին, գիտաժողովը իր առաջին օրվա աշխատանքներն ավարտեց: Ժողովի մասնակիցները ընթրիքից հետո հրավիրվեցին Հալլե հսդաքի Մարկտ հրապարակում գտնվող Ս. Աստվածածնի տաճարը, որտեղ գիտաժողովի մասնակիցների և խուռնեքամ հավատացյալների ներկայությամբ կատարվեց էկումենիկ ժամասացություն: Ժամասացությունը իրենց մասնակցությունը բերեցին Ավետարանական, Կաթոլիկ և Հայ Առաքելական Եկեղեցիները, ինչպես նաև Կոլեգիում Վոկալե Հալլե և Հալլե Օկտեետ երկու երգչախմբերը, որոնք գեղարվեստական բարձր մակարդակով կատարեցին մի շարք եվրոպական եկեղեցա-

«Հավատը՝ սիրուց մղված» (Գաղ. Ե 6) բնաբանով:

Հաջորդ օրը, փետրվարի 19-ի առավոտյան նիստի ընթացքում ելույթներ ունեցան դուկտ. Ս. Սամեսը (ԳԴՀ)՝ «Օսմանյան կայսրությունում իայ քրիստոնյաների ճակատագրի մասին» թեմայով, պրոֆ. դուկտ. Ֆ. Հայերը (ԳՖՀ)՝ «Անգլիացի պետական գործիչ Վիլյամ Էվարթ Գլեդսթոնի և հայերի 1894—96 թվականների կոտորածի մասին» թեմայով, պրոֆ. դուկտ. Բ. Բրենտիսը (ԳԴՀ)՝ «Գերմանական աշխատավորական շարժումը և Գերմանիայի հումանիստական ավանդույթները հայկական հարցում» թեմայով, դուկտ. Բ. Մալիխը (ԳԴՀ)՝ «Քրիստոնյա միլլենիսները Օսմանյան կայսրության մեջ 19-րդ դարում գերմանացի պատմաբանների տեսակետից, մասնավորապես՝ Թրայլեկի»

թեմայով, պրոֆ. դոկտ. Ա. Անդերլեն (ԳԴՀ)՝ «Հայերի և վրացիների նկատմամբ ցարական քաղաքականության շուրջ» թեմայով:

Ճաշի դադարից հետո գիտաժողովը շարունակեց իր աշխատանքները, որոնց ընթացքում ելույթներ ունեցան դոկտ. Յ. Բրոյստեն (ԳԴՀ)՝ «Հայաստանի աշխարհագրական հետազոտությունը» թեմայով (այս առթիվ ցուցադրվեցին Հայաստանին վերաբերող քարտեզներ և սահիկներ): Պրոֆ.

նը: Նա իր խոսքում գնահատանքով անդրադարձավ գիտաժողովի բոլոր մասնակիցների՝ պատմական կարևոր տեղեկություններով հագեցված գիտահետազոտական լուրջ աշխատանքներին: Այնուհետև սրբապան հայրը Նորին Սրբություն Վեհափառ Հայրապետի անունից շնորհավորեց գիտաժողովի բոլոր մասնակիցներին՝ բերելով նրանց Սուրբ Էջմիածնի օրհնությունները և հայ ժողովրդի երախտիքը:



Ելույթ է ունենում Իոհաննես Լեփսիուսի թոռնորդի դոկտ. պրոֆ. Մ. Ռ. Լեփսիուսը

դոկտ. Հանկը (Բելգիա) Վեկուցեց «Արևմտահայության ճակատագիրը ժամանակակից ռուս գրականության մեջ» թեմայով, հայր դոկտ. Ք. Դիդրիխը (ԳԴՀ)՝ «Իոհաննես Լեփսիուսը և հարավ-ռուսական շրջանադասները» թեմայով, դոկտ. Մ. Սենսը (ԳԴՀ)՝ «20-րդ դարում հին արևելյան եկեղեցիների հետ աստվածաբանական երկխոսության պարզացման ընթացքի մասին» թեմայով: Վերջին Վեկուցողը եղավ պրոֆ. դոկտ. Գ. Բասարակը (ԳԴՀ), որի Վեկուցման թեման էր «Հայ Առաքելական եկեղեցին խաղաղասիրական աշխատանքում» (Աստ, էջ 10):

Կարճ դադարից հետո տեղի ունեցավ մտքերի փոխանակում և գիտաժողովի աշխատանքների եզրակացում:

Այս առթիվ եզրափակիչ խոսքով հանդես եկավ Տ. Ներսես եպիսկոպոս Պոպապայա-

Այս առթիվ ելույթներ ունեցան նաև պրոֆ. դոկտ. Գ. Քրիչմարը (ԳՖՀ) և գիտաժողովի կազմակերպիչ դոկտ. Հ. Գուլը:

Ելեկիյան, ժամը 20-ին, Հալլե քաղաքի Մարիցբուրգ դղյակի սրահներից մեկում տրվեց պաշտոնական ճաշկերույթ ի պատիվ գիտաժողովի մասնակիցների: Ճաշկերույթին ներկա էին Մարտին Լութերի անվան համալսարանի պրոռեկտոր պրոֆ. դոկտ. Ռ. Բավրմանը, պետական իշխանությանց ներկայացուցիչներ, բարձրաստիճան հյուրեր, տեղական եկեղեցիների ներկայացուցիչներ ու գիտաժողովի մասնակիցներ: Ճաշկերույթի ընթացքում պրոֆ. դոկտ. Գ. Բասարակը բաժակաճառ արտասանեց և առաջարկեց խմել Ամենայն Հայոց Վեհափառ Վազգեն Ա Հայրապետի կենացը: Բոլոր ներկաները հոտնկայս խմեցին Վեհափառի կենացը: Ի պատասխան սույն կենացի, շնորհակալու-

թյան խոսքով հանդես եկավ Ս. Ներսես եպս. Պոպապայանը:

ԳԴՀ-ում գտնվելու օրերին, դոկտ. Հ. Գուլգի հրավերով, Ս. Ներսես եպիսկոպոսը այցելեց Մարտին Լութերի անվան համալսարանի աստվածաբանական ֆակուլտետը և ծանոթացավ տեղի աշխատանքներին, այցելեց նաև ֆակուլտետի գրադարաններն ու լսարանները՝ գոհունակությամբ տեղեկանալով, որ նույն այդ լսարաններում բազում տասնամյակներ առաջ սովորել ու աշխատել են Մայր Աթոռի միաբաններ Գարեգին սարկավազ Հովսեփյանը, Կարապետ սարկավազ Տեր-Մկրտչյանը, Գևորգ սարկավազ Չորեքչյանը, Կոմիտաս վարդապետը և Հայ եկեղեցու բազմաթիվ այլ երախտավորներ:

Ուրբաթ օրը, փետրվարի 21-ին, Մագդեբուրգ քաղաքի եպիսկոպոս դոկտ. Դեմկեի հրավերով Ս. Ներսես եպիսկոպոսը, ընկերակցությամբ Ս. Մեսրոպ ծայր. վարդապետի և հայր Լևոն Ջեքիլանի (Մխիթարյան Ուխտից), այցելեց Մագդեբուրգի Ս. Մորիս մայր տաճար, որտեղ կատարվեց գոհաբանական աղոթք: Այա Դեմկե եպիսկոպոսը բարիգալստյան խոսքով ողջունեց հյուրերին: Հյուրերի անունից ողջունի և շնորհակալության խոսք ասաց Ս. Ներսես եպիսկոպոսը՝ փոխանցելով Ամենայն Հայոց Հայրապետի եղբայրական ողջունները Ս. Դեմկե եպիսկոպոսին և օրինությունները Ս. Մորիս տաճարի հավատացյալներին:

Գերաշնորհ Ս. Դեմկե եպիսկոպոսը Մագդեբուրգի նախկին արքեպիսկոպոսարանում, ի պատիվ Հայ եկեղեցու ներկայացուցիչների, տվեց մասնավոր ճաշկերույթ: Մայր Աթոռի ներկայացուցիչները երկոյան մեծ տպավորությամբ բաժանվեցին հյուրընկալ Դեմկե եպիսկոպոսից և նրա հարգարժան ընտանիքից:

Փետրվարի 22-ին, շաբաթ օրը առավոտյան, Ս. Ներսես եպիսկոպոսը այցելեց Նաոմ-

բերգի հոգևոր ակադեմիա, կրույց ունեցավ ակադեմիայի ռեկտոր դոկտ. Վալտերի հետ, ապա 12-րդ դարում կառուցված ակադեմիայի մատռան մեջ կատարվեց Էկումենիկ մի կարճ մաղթանք: Այնուհետև Դոմինաֆոն Ուլբրոն հյուրերին առաջնորդեց Նաոմբերգի մայր տաճար:

Հետմիջօրեին Ս. Ներսես սրբազանը, դոկտ. Գուլգի ընկերակցությամբ, մեկնեց Սաքսոնիայի կենտրոն Լայպցիգ քաղաքը, ուր 20-րդ դարի սկզբին «Աբգար Հովհաննիսյան» հրատարակչությունը հայերեն և գերմաներեն լեզուներով հրատարակել է բազմահատոր գրքեր:

Նույն օրը, ժամը 17-ին, հյուրերը ներկա եղան նոր Կեվանտ համերգասրահում երգեհոնային երաժշտության մի համերգի:


Ավելի ուշ, ժամը 20-ին, Ս. Ներսես եպիսկոպոսը, ընկերակցությամբ դոկտ. Գուլգի, մեկնեց Արևելյան Բեռլին:

Փետրվարի 23-ին, կիրակի օրը, Ներսես եպիսկոպոսը Արևելյան Բեռլինի «Հովհաննես Թալ» թաղամասի Ավետարանական Եկեղեցու հոգևոր հովիվ Ի. Գրաուսթի կողմից հրավիրվել էր եկեղեցի՝ մասնակցելու կիրակնօրյա եկեղեցական արարողությանը: Հոգևոր հովիվը համառոտ տեղեկություններ տվեց հավատացյալներին Հայ եկեղեցու և ժողովրդի մասին, որից հետո Ս. Ներսես եպիսկոպոսը քարոզեց «Քանզի ի սմա ծագեաց մեզ լոյս ի Հայաստան աշխարհի» բնաբանով: Ժամասացությունից հետո Մայր Աթոռի ներկայացուցչի և հավատացյալների միջև տեղի ունեցավ ջերմ կրույց:

Փետրվարի 24-ին, երկուշաբթի օրը, առավոտյան, Ս. Ներսես սրբազանը ջերմ տպավորություններով մեկնեց Արևելյան Բեռլինից՝ Մայր Աթոռ Սուրբ Էջմիածին վերադառնալու համար:

ԹՂԱԿԻՑ





ՊՐՈՖ. ԳԵՐՀԱՐԴ ԲԱՍԱՐԱԿԻ ԶԵԿՈՒՅՈՒՄԸ*

ՀԱՅ ԵԿԵՂԵՑՈՒ ԳՈՐԾՈՒՆԵՈՒԹՅՈՒՆԸ Ի ՆՊԱՍՏ ԽԱՂԱՂՈՒԹՅԱՆ

Ֆրիդրիխ Լուֆսը, որը 1887-ից մինչև 1926 թվականը այստեղ եկեղեցական պատմություն էր ուսումնասիրում, գրում է. «Հայ եկեղեցին արևելյան ազգային եկեղեցիների շարքում ոչ միայն պատվականագույնն է, այլև ամենանշանավոր և հոգևոր կենսունակություն ունեցողը»:

Օտարների նման հաստատումները հիմնավորվում և վավերական են դառնում հայագի հեղինակների վկայություններով, որոնք առավել ևս արժեքավոր և լուսաբանող են, երբ վերաբերում են Հայ եկեղեցու տեսանկյունից մի հերետիկոսի, այսինքն՝ հայ բողոքականի: Եկեղեցուց արտաքսման մասին նա գրում է. «Նա (Եկեղեցին) վտարում է տվյալ անձին ոչ միայն եկեղեցուց, այլև ազգային հավաքականությունից: «Ազգ» և «Կրոն» գաղափարները միևնույնն էին: Հայը միաժամանակ քրիստոնյա էր և ոչ թե մի կողմից հայ և մյուս կողմից քրիստոնյա»: Ազգի և եկեղեցու, եկեղեցու և ազգի այս նույնությունը, ոչ որպես մեկի նույնականությունը մյուսի հետ նշանակում է, որ պատմությունը, պատմական ճակատագիրը հա-

վասարապես է բաժին ընկել երկուսին միաժամանակ՝ թե՛ պատերազմի և թե՛ խաղաղության ընթացքին, ինչպես և հավաքական գոյությանը ընդհանրապես: Վերոհիշյալի արտահայտությունն են նկատում, օրինակի համար, որ Հայոց Կաթողիկոս Գևորգ 6-րդը 1950 թ. հոկտեմբեր 16-ին Մոսկվայում գումարված Սովետական Միության խաղաղության երրորդ համաժողովին ընտրվում է խաղաղության պաշտպանության կոմիտեի անդամ... և ժողովրդի կողմից նա կոչվում է «հայրենասեր կաթողիկոս»:

Ես պետք է ներկայացնեմ խաղաղության պաշտպանության ի խնդիր Հայ Առաքելական եկեղեցու ներդրումների զանազան երեսները: Նյութի վերաբերյալ առանձին ուսումնասիրություն ինձ ծանոթ չէ: Անցյալին վերաբերող տվյալների համար ես հենվում եմ հիմնականում Ֆրիդրիխ Հայերի կողմից «Աշխարհի եկեղեցիները» շարքում հրատարակված «Հայ եկեղեցին» հատորյակի վրա: Մեր օրերի վերաբերյալ օգտագործում եմ ունեցած որոշ տեղեկություններ և նյութեր՝ Էջմիածնի կողմից ինձ տրամադրված:

Ցավոք պետք է ասենք, որ անցյալում ընդհանուր առմամբ եկեղեցիների համար

* Տպագրվում է փոքրիկ հապավումներով:

«խաղաղությունը» զրեթե նյութ չի եղել: Վիճակը փոխվում է Հոկտեմբերյան հեղափոխությունից հետո, երբ խաղաղությունը Լենինի հայտնի կոչի մեջ հայտարարվում է որպես մարդկության պարտավորություն: Սա ամենևին միայն պրոպագանդայի նյութ չէր: Սովետական երիտասարդ պետությունը ձեռնամուխ եղավ խաղաղությունը իր քաղաքական բարձրագույն նպատակը հռչակելու: Ուստի վարմանալի չէ, որ 1920 թ. Հայաստան ներխուժած Քեմալ Աթաթուրքի բանակի դեմ «Հայ կոմունիստները... Կարմիր բանակին օգնության կանչեցին և 1920 թ. նոյեմբերին... Հայաստանը դարձավ Սովետական Հանրապետություն»: Մի ծանրակշիռ քայլ, որով հին հայկական, նոր սովետական հայկական հայրենիքը այսուհետև պաշտպանվում էր թուրքական հերթական հարձակողական գործողություններից: 1934 թ.,— գրում է Տ. Մեսրոպ ծ. վրդ. Գրիգորյանը,— «Նյու Յորք Թայմս»-ի մոսկովյան թղթակիցը Էջմիածնում հարցապրուց է անցկացնում խորհրդի 1-ինի հետ Սովետական Միության մեջ Հայաստանից Եկեղեցու վիճակի մասին: Կաթողիկոսը իր երախտագիտությունն է հայտնում Ռուսաստանին՝ խաղաղության ապահովման և օգնության համար, որ ռուսները ցուցաբերեցին հայերին՝ իրենց հայրենիքի վերաջինման աջատանքներում, որ կառավարությունը ցուցաբերում է բոլոր խնդիրները բարի կամեցողությամբ և փոխադարձ հասկացողությամբ լուծելու պատրաստակամություն»: Հանրածանոթ է, որ Ռուս Օրթոդոքս Եկեղեցին կապմեջ Դիմիտրի Դոնսկոյի անվան տանկային շարայունը ընդդեմ գերմանական ֆաշիստ ներխուժողների, սակայն շատ քչերին է ծանոթ, ինչպես Տ. Մեսրոպ ծ. վրդ. Գրիգորյանն է հիշատակում, որ նաև Հայ Առաքելական Եկեղեցին է նման քայլի ձեռնարկել. «Հայաստանում կաթողիկոսական տեղապահ Գևորգ արքեպիսկոպոս Չորեքչյանը Ստալինից արտոնություն է ստանձնել ազգային հերոս Սասունցի Դավթի անունով տանկային շարայուն կազմելու: Արքեպիսկոպոսը դրան հավաքեց սփյուռքի հայ համայնքներից և 18 մարտ 1944 թ. Սովետական բանակին հանձնեց տանկային շարայունը: Նա 1944 թ. մի կոչ ուղղեց Հայ ժողովրդին՝ ազդարարելով, որ պետք է իր երկիրը հայրենասիրությամբ պաշտպանել»: «1945 թ. ապրիլի 19-ին 76-ամյա տեղապահը ընդունվում է Կրեմլում: Այս հանդիպումից 10 օր հետո Սովետական բանակը մուտք է գործում Բեռլին: Թամանյանի անվան հմր. 89 խայկական դիվիզիան գններալ Նվեր Սաֆարյանի հրամանատարությամբ

մխրանքներ է գործում: Մայիսի 8-ին պատերազմը ավարտված էր և մայիսի 31-ին Գևորգ արքեպիսկոպոսը մեծարվում է Կովկասի պաշտպանության մեդալով»:

Գևորգ արքեպիսկոպոսը (կաթողիկոսական տեղապահ 1941-ից) 1945 թ. հունիսի 22-ին ընտրվում է կաթողիկոս, իբրև Գևորգ Զ: Նա քաջալերում է արտասահմանում ապրող հայերի Սովետական Հայաստան ներգաղթելու ոգևորությունը:

Տ. Մեսրոպ ծ. վրդ. Գրիգորյանը հիշատակում է. «Գևորգ 6-րդը աշխատում էր նաև խաղաղության պաշտպանության ի խնդիր: 1950 թ. օգոստոսի 5-ին Թբիլիսիում նա ստորագրում է Ռուսաց Պատրիարք Ալեքսեյի, վրաց կաթողիկոս Կալիստրատոսի հետ խաղաղության իրովարտակ: Նա մահանում է 1954 թ.»:

Գևորգ Զ-ին՝ 1955 թ. սեպտեմբերի 30-ին միաձայնությամբ հաջորդ է ընտրվում Վաչգեն Ա-ն: Հայ Առաքելական Եկեղեցու խաղաղության ի նպաստ ներդրումը ամբողջապես սկենդում է դեպի կաթողիկոսը: Նա, ի տարբերություն բողոքական Եկեղեցու, ներկայացուցիչն է իր Եկեղեցու ողջ գործունեության: Եկեղեցին որոշ առումով կենտրոնացած է նրա անձի մեջ: Նույնիսկ երբ Եկեղեցու նվիրապետության որևէ անդամ ինչ-որ եկեղեցական պարտականություն է ստանձնում, այդ կատարվում է կաթողիկոսի օրհնությամբ: Կաթողիկոսն է, որ Եկեղեցու անդամներին առաջադրում է որոշակի պարտականություններ՝ ի հարկին Գերագույն Հոգևոր խորհրդի համաձայնությամբ: «Գ. Հ. խորհուրդը բոլոր կարևոր հարցերում կանգնած է կաթողիկոսի կողքին, որպես խորհրդատու: Սկզբում այն բաղկացած էր միայն եպիսկոպոսներից, բայց 1945-ից սկսյալ մաս են կազմում աշխարհիկ կրթագիտական անձինք: Ներկայի Հոգևոր խորհուրդը կազմված է 4 եպիսկոպոսներից, (2-ը Սովետական Միությունից, 2-ը արտասահմանից) և 3 աշխարհականներից, որոնք դասախոսներ են Հայ գրականության, պատմության և լեզվի»:

Հայ Առաքելական Եկեղեցին խաղաղության ի նպաստ իր պարտավորությունը իրականացնում է տարբեր կերպով: Մի դեպքում դա ուղղակի կաթողիկոսի կողմից տարված աշխատանք է, կամ նրա կողմից պարտավորեցված Եկեղեցու որևէ անդամի գործունեությունը՝ լինի ձամփորդություն արտասահման, արտասահմանյան պատվիրակությունների ընդունելություն, այսինքն հե-

ղինակավոր անձերի ընդունելություն Սուրբ Էջմիածնում: Մյուս դեպքում գործունեություն ապգային խաղաղասիրական կապակերպություններից ներս, զոր օրինակ համագործակցություն այլ եկեղեցիների և Սովետական Միության կրոնական կապակերպությունների հետ՝ Սովետական Միության խաղաղության կոմիտեի շրջանակում, և վերջապես համագործակցություն կամ անդամակցություն միջազգային խաղաղության կապակերպություններում, Աշխարհի խաղաղության խորհրդում կամ Քրիստոնեական խաղաղության ժողովում:

Արդ, նման գործունեության ամբողջական պատկերը ներկայացնելը գերազանցում է բանաստեղծության հնարավորությունները և անկասկած նաև իմ գիտելիքները: Այդ իսկ պատճառով պիտի սահմանափակվեմ առանձին օրինակներ ներկայացնելով:

Նման դեպքերում, ի դեպ իմ տեղեկություններն ամենևին էլ միայն գրականության սահմաններում չեն ամփոփված: Ինձ համար արտակարգ առանձնաշնորհում եմ նկատում Նորին Սրբությանը 1961-ից Պրագայի համաքրիստոնեական խաղաղության կոնֆերանսից սկսյալ բավականին հաճախ հանդիպելը և նրա անձի մեջ հայրաբար ընկեր և ճշմարիտ եղբայր գտած լինելը:

Այսպիսով ես հաճախ եղա ընդունելությունների, որ նա տալիս էր արտասահմանյան այցելուներին, և միշտ տեսնում էի, որ ժողովուրդների միջև խաղաղության խնդիրը պրոյեցների նախասիրած նյութերից էր: Իր քարոզների մեջ նույնպես նա երբեք չի հոգնում խաղաղությունը ավետարանելու՝ շատ հաճախ այն առնչելով իր ժողովրդի նկատմամբ 1915 թ. կատարված ցեղասպանության հետ: Ես մեջբերում եմ կատարում Ծննդյան առթիվ խոսված քարոզից. «Հիսուս Քրիստոսի ծնունդով Աստուծո և մարդու միջև կյանքի և խաղաղության մի պայման սկսվեց... Ով փնտրում է խաղաղությունը, նա կգտնի Աստծուն»:

1959 թ. հոկտեմբերին Վազգեն Ա կաթողիկոսը դիմել է Սովետական Միության Մինիստրների խորհրդի նախագահին և ԱՄՆ-ի պրեզիդենտին. այդ դիմումի մեջ ասված է. «Քրիստոնեությունը հիմնականում սիրո և խաղաղության վարդապետություն է մարդկային և հասարակական կյանքում... «և յերկիր խաղաղություն, ի մարդիկ հաճություն»:

Քանի որ Ամենայն Հայոց կաթողիկոսը աշխարհասփյուռ համայնքներ ունի հովվելու, ուստի իր համայնքի անդամներին այցելելու նպատակով (հաճախ ճամփորդություններ է կատարում արտասահման: Այս-


պես օրինակ. 1968 թ. մայիս 2-ին Ամերիկա կատարած հովվապետական այցելության ժամանակ հանդիպում ունեցավ ՄԱԿ-ի ժամանակի գլխավոր քարտուղար Ու. Թանթի հետ Միացյալ ազգերի կապակերպության գլխավոր շենքում: Ի միջի այլոց կաթողիկոսը ասել է. «Մեր ցանկությունն է, որ ՄԱԿ-ը աստիճանաբար մի ուժ դառնա... միայն խաղաղության ոգին և փոխադարձ բարի կամքն է եղել աղբյուրը երջանկության և մարդկային առաջընթացի»: Հայ ժողովրդի ցեղասպանության 50-ամյակի առթիվ կաթողիկոսը իր կոնդակում գրել է (և այս կոնդակը մասնավորապես հատկանշական է, որ Սովետական Միությունը մեծարվում է իբրև խաղաղության պաշտպան իր պատմության մեջ հաճախ ձևոված և վտանգված մի (հայ) ժողովրդի). «Մեր ժողովրդի դարավոր պատմությունը կենդանի մի հուշարձան է, որը վեր է բարձրանում մարդկային հորիզոնում... և մեր սրբազան երկիրը՝ Հայաստանը, ապրում է իր վերապարծնքը իբրև ապգային պետականություն»: Վստահորեն սա բնորոշ նկարագրություն է և ամեն անգամ, երբ մարդ այցելում է Հայաստան, վարմանքով և ուրախությամբ հաստատում է, թե ինչպիսի նոր առաջընթացներ են արձանագրվել: Բայց այդուհանդերձ խաղաղությունը ինչպես անցյալում, այնպես էլ այսօր վտանգված է. և այդ պատճառով, երբ տեղեկանում ես, որ սահմանից այն կողմ ՆԱՏՈ-ի հանձնարարականով ամերիկյան ատոմական ռակետներ են ուղղված այդ երկրի վրա, մի երկիր, որը ամեն օր Էջմիածնի մոտ գտնվող ատոմական էլեկտրակայանից հոսանք է մատակարարում Թուրքիային: Ատոմական ռակետներ, ատոմական հոսանքի դիմաց, ինչպիսի փոխանակություն: Սա հիշեցնում է մի դրվագ, որին ես ականատես եղա Սովետական Միության վրա հարձակման նախօրեին: Մինչ գերմանական զորաբանակները արդեն հարձակման հրաման էին ստացել և դարանակալ՝ Բուգ գետի ափին էին, սահմանի մյուս կողմում պայծառ լուսավորված մի կայարանում ցորենի վագոններ էին բեռնավորվում՝ Գերմանիայի համար նախատեսված: Ցեղասպանությունը մասնավորապես մեկ էլ է առնչվում: Սա ոչ առաջինն էր և ոչ էլ վերջինը՝ տեխնիկապես կատարելագործված մեր դարաշրջանում: Դրանցից երեքին գերմանացիները ուղղակի կամ անուղղակի մասնակից էին: 1905 թ. ցեղասպանություն էր գործում Հերոսի նկատմամբ: 1915-ին լուրջություն պահպանեց Բարձր դռան առջև, թեև ներխուժումը անարդյունք չպիտի մնար: Հայր Լեփ-

սիուսի հիշատակը հուշում է մեզ այդ մասին: Եվ 1945 թ. իրականացվեց դարի մեծագույն ցեղասպանությունը՝ Սովետական Միության, Լեհաստանի և հրեաների նկատմամբ: Մարդկությունը ապատագրվեց գերմանական ֆաշիզմից՝ խաղաղության համար, որը ամեն դեպքում, մնացել է անկայուն, և որի համար պետք է շարունակել պայքարել: Այդ պայքարը մղում է հայոց Եկեղեցին Սովետական միության Եկեղեցիների հետ միասին: Կաթողիկոսը և Հայ Եկեղեցու մյուս հոգևորականները մասնակցում էին միջկրոնական խաղաղության մեծ համաժողովներին Սովետական Միությունից ներս: Այսպես խոսք առավ կաթողիկոսը 1982 թ. մայիսին՝ Մոսկվայում գումարված «Կրոնական ներկայացուցիչների հավաք, կյանքի սուրբ պարզեցում ատոմական աղետից փրկելու համար» համաժողովում: Իր ողջույնի խոսքում նա ի միջի այլոց ասաց. «Մենք հաճույքով ընդունում ենք ի գիտություն, որ արդարության և խաղաղության ոգին արտացոլված պիտի լինեն ՄԱԿ-ի բոլոր գլխավոր փաստաթղթերում... Թող երբեք մայրերը չողբան իրենց որդիների մահը, թող երեխաները խաղաղությամբ քնեն և առավոտյան Վարդ արթնանան»: Կաթողիկոսը իր խոսքը ավարտեց Մատթեոսի Ավետարանի Լեռան քարոսի խաղաղարարներին ուղղված երանիտով:

Հելսինկիի խաղաղության համաշխարհային համաժողովում 1965 թ. հուլիսի 12-ին Հայոց Ծայրագույն Պատրիարքը հայտարարեց. «Հնագույն քրիստոնեական Եկեղեցիներից մեկի կրոնապետի հանգամանքով ցանկանում ենք ընդգծել, թե ինչպիսի նշանակալի դեր կարող են ստանձնել Եկեղեցիները՝ խաղաղության մթնոլորտ ստեղծելու համար: Խաղաղության մթնոլորտ ստեղծելու առաքելությունը պարզապես պատկանում է Եկեղեցուն, այն մտնում է նրա Սուրբ պարտականությունների մեջ»:

Հայ Առաքելական Եկեղեցու և նրա կաթողիկոս Վազգեն Ա-ի ջանքերը խաղաղության ի նպաստ արժանացել են 1966 թ.՝ խաղաղության պահպանության Ստոկհոլմյան կոմիտեի Ժողովի Քուրի Փրայսեյ պարգևին, 1968 թ.՝ Սովետական Միության Պատվո Շքանշանին, 1978 թ. «Ժողովուրդների բարեկամության» բարձր պարգևին:

Քրիստոնեական խաղաղության համաժողովը հիմնվել է 1958 թ.: Մեկ տարի ընդմիջումներով գումարված երեք անընդհատ նախաժողովներից հետո 1961 թ. կայացավ առաջին խաղաղության համաքրիստոնեական համաժողովը, որին իր մասնակցությունը բերեց Հայ Առաքելական Եկեղեցու պատմիչականությունը՝ գլխավորությամբ Պատրիարք-կաթողիկոս Վազգեն Առաջինի: Կաթողիկոսը խոսեց «Խաղաղությունը և Քրիստոնեական արդարությունը» թեմայով: Նա ասաց, «Արդարև հնարավոր չէ խաղաղ գոյավիճակ հուսալ կամ ապահովել անհատի կամ հասարակության համար առանց արդարության... քանզի արդարության պտուղն է կյանքի ծառը» (Առակաց ԺԱ, 30): Ծառունակելով իր մտքերը խաղաղության շուրջ կաթողիկոսը բնութագրեց այն իբրև քրիստոնյաների արժեքավոր ժառանգություն: «Խաղաղության իդեալը մի աշխարհ է, մի աշխարհայացք... Հանդես գալ ընդդեմ պատերազմի, նշանակում է խոնարհվել Աստուծո կամքի առջև»: Հայ Եկեղեցին՝ 1961 թ. սկսած օգտաշատ կերպով գործակցում է Խաղաղության քրիստոնեական համաժողովին: Մի անգամ ժողովին մասնակցություն է բերում իր պատգամավորների միջոցով, ուրիշ անգամ հրավիրում է, որ այն կայանա Հայաստանում: Այդպես պատահեց միջազգային քարտուղարության, ինչպես նաև մյուս մասնաճյուղերի հետ, առանձնակի պատասխանատվություն ստանձնեց Հայ Եկեղեցին Միջին Արևելքի մասնաճյուղի համար, որի ժողովները բավիցս գումարվեցին Հայաստանում: Մասնաճյուղի նախագահը ներկայացնում էր Հայ Եկեղեցին: Վերջապես անհրաժեշտ է նաև հիշատակել, որ Հայ Եկեղեցին նաև ֆինանսական նշանակալի օգուտ է տվել Խաղաղության համաքրիստոնեական համաժողովին: Ընդհանուր հայտարարի բերելով կարելի է ասել, որ փոքրիկ Հայ Եկեղեցին մեծ նպաստ ունի աշխարհի խաղաղության և արդարության նվիրված աշխատանքներում: Այս բոլորի կողքին նաև Հայ Եկեղեցու գործունեությունը Եկեղեցիների համաշխարհային խորհուրդում, որտեղ Հայ Առաքելական Եկեղեցին ակնառու տեղ է գրավում ոչ միայն որպես «պատմիչականություն», այլև «ամենանշանավոր» և «հոգևոր կենսունակություն ունեցող» արևելյան ազգային Եկեղեցի:



ՍՐԲՈՑ ՂԵՎՈՆԴՅԱՆՑ ՏՈՆԸ ՄԱՅՐ ԱԹՈՌՈՒՄ

Փետրվարի 4-ին, երեքշաբթի.—Տօն Սրբոց Ղևոնդեանց քահանայիցն:

Մեր ազգային-եկեղեցական պատմության մեջ Ս. Ղևոնդյանց անունն ու նահատակությունը գրավում են բացառիկ կարևոր տեղ: Ս. Ղևոնդյանց նահատակությունը և խնկելի հիշատակը սերտորեն կապված են 451 թվականի Վարդանանց հերոսամարտի հետ:

Նրանք էին՝ Ս. Ղևոնդյանք, «Վասն Յիսուսի և վասն Հայրենեայց» մղված հերոսական պայքարի ոգեշնչողներն ու կապակերպիչները: Եթե մինչև Ավարայրի հերոսամարտը հայ հոգևորականները բնակ էին մտնում ճակատամարտի միջոցին որպես աղոթողներ, Ավարայրում հոգևորականներն էլ ռազմի դաշտ իջան որպես զինված մարտիկներ՝ կռվելու ճշմարտության և ապատության թշնամիների դեմ:

Վարդանանց քաջամարտիկ հայրենասերների հետ նահատակվեցին նաև Ս. Ղևոնդյանք, «յի վնոյն նահատակութեամբ նահատակեցաւ և Աշխարհս Հայոց» (Փարպեցի):

Ս. Ղևոնդյանց նահատակ հոգևորականների մեջ բոցաշունչ եկեղեցական էր Վանանդեցի Ղևոնդ երեցը, թե՛ խոսքով և թե՛ գործով, «Աւարայրի արծիւ, այրն հաւատարիմ և ճշմարտապաշտ»:

Ղևոնդ երեցի անունով սրբագործված նահատակ հոգևորականների ամբողջ խումբը կոչվեց «Ղևոնդեան քահանայք»: Ս. Ղևոնդյանք նահատակվեցին 454 թվականի հուլիս ամսի 31-ին, Ապար աշխարհի Ռևան գյուղի մոտ, Վարդանանց նահատակությունից երեք

տարի հետո, բանտի, աքսորի, չարչարանքի դաժան տարիների կենդանի նպիտակությամբ:

Նահատակված հոգևորականների մեջ էին՝ Հովսեփ կաթողիկոս Հողոցմեցին (Վայոց ձորից), Ռշտունյաց Սահակ եպիսկոպոսը, Վանանդեցի Ղևոնդ երեցը, Եղեգիկցի Արշեն երեցը (Բագրևանդ գավառից), Մուշե երեցը (Աղբակից), Սամվել երեցը (Այրարատի Արած գյուղից), Քաջաջ սարկավազը (Ռշտունիքից), Աբրահամ սարկավազը (Արած գյուղից) և Դենեպետը (Նյուշապուհ քաղաքից):

Ս. Ղևոնդյանց լուսապայծառ անունն ու սուրբ հիշատակը, որպես հայ հավատքի քաջարի նահատակների և հայրենասեր հոգևորականների, նվիրական ու թանկ են եղել մեր պատմության ողջ ընթացքում, հատկապես հայ հոգևորականության և մասնավորաբար Հայ Եկեղեցու կյանքի համար: Ս. Ղևոնդյանց անձնուրաց նահատակությունը, մահվան դեմ քրիստոնեական խիզախումը հանուն հայ հավատի և Հայրենի սուրբ հողի, խորունկ ներշնչման և խանդավառության անսպառ աղբյուր են հանդիսացել մեր լուսաբնակ հավատավոր նախնիների և նախնյաց ավանդույթների հավատարիմ ժառանգորդների համար:

Մայր Աթոռում այս տարի ավանդական հանդիսությամբ նշվեց Ս. Ղևոնդյանց տոնը, որին մասնակցեցին Մայր Աթոռի և Արարատյան թեմի քահանայից դասերը:

Օրվա մեծ տոնի առթիվ, Մայր տաճարում հանդիսավոր ու պատարագ մատուցեց Արա-





ՎԵՀԱՓԱՌ ՀԱՅՐԱՊԵՏԸ՝ ՇՐՋԱՊԱՏՎԱԾ ԲԱՐՁՐԱՍՏԻՃԱՆ ՀՈԳԵՎՈՐԱԿԱՆՆԵՐՈՎ ԵՎ ԱՐԱՐԱՏՅԱՆ ՀԱՅՐԱՊԵՏԱԿԱՆ ԹԵՄԻ ՔԱՀԱՆԱՅԻՑ ԴԱՍՈՎ

րատյան թեմից Տ. Գրիգոր քին. Ավետիսյանը և ոգեշունչ քարոզ խոսեց. «Երիցանց սորա զգեցուցից զփրկութիւն, և սուրբք սորա ցնծալով ցնծացեն» (Սաղմոս ՃԼԱ 16) բնաբանով:

Հավարտ ս. պատարագի Մայր Աթոռի և Արարատյան թեմի քահանաները առաջնորդվեցին Վեհարան, որտեղ Արարատյան թեմի առաջնորդական փոխանորդ գերաջնորդ Տ. Գարեգին եպս. Ներսիսյանը Վեհափառ Հայրապետին ուղղված խոսքում հայտնեց քահանայից ծառայական պատրաստակամությունն ու նվիրումը:

Այնուհետև Վեհափառ Հայրապետը, օրվա տոնի առթիվ ողջունելով քահանաներին, իր խոսքում նշեց Վարդանանց հերոսամարտում հայերի բարձր բարոյական արժանիքների մասին. անդրադարձավ հավատքի և հայրենիքի անձնվեր մարտիկ Ղևոնդ երեցի նկարագրին, նշելով, որ նա առաջինն էր, որ իր սուրը բարձրացրեց հանուն ազատության՝ ոգևորելով նույնիսկ Վարդանին: Եզրափակելով իր խոսքը Վեհափառ Հայրապետը ասաց. «Վարդան ու իր քաջերը ոչ թե պարտվեցին, այլ նահատակվեցին, իսկ քրիստոնեական ըմբռնումով ամեն նահատակություն հաղթանակ է»:





Ս. ՎԱՐԴԱՆԱՆՑ ՏՈՆԸ ԵՎ ՎԵՀԱՓԱՌ ՀԱՅՐԱՊԵՏԻ ԱՆՎԱՆԱԿՈՉՈՒԹՅԱՆ ՏԱՐԵԴԱՐՁԸ ՄԱՅՐ ԱԹՈՒՌԻՄ

Փետրվարի 6-ին, հինգշաբթի.—Տօն Արքայ Վարդանանց պորավարացն մերոց հապար երեսուն և վեց վկայիցն, որք կատարեցան ի մեծի պատերազմին:

Մայր Աթոռում, ինչպես միշտ, այս տարի ևս առանձին հանդիսավորությամբ նշվեցին Վարդանանց տոնն ու Վեհափառ Հայրապետի անվանակոչության տարեդարձը:

Փետրվարի 5-ին, չորեքշաբթի օրը, երեկոյան ժամը 17-ին, Մայր տաճարում կատարվեց Վարդանանց նախատոնակը: «Նորահրաշ» շարականի տպավորիչ երգեցողությամբ մի անգամ ևս բոլորի սրտերում պայծառացան հայրենիքի և հավատքի անվեհեր մարտիկների անունները:

Փետրվարի 6-ին, հինգշաբթի, ժամը 11-ին, Մայր տաճարում, Ավագ խորանի վրա, սկսվեց հանդիսավոր ս. պատարագ: Ժամը 12-ին, եկեղեցական թափորով Մայր տաճար իջավ Ամենայն Հայոց Հայրապետը: Օրվա պատարագիցն էր հոգևոր ձեմարանի փոխտեսուչ Տ. Հայկապուն վրդ. Նաջարյանը, որը հավարտ ս. պատարագի արտասանեց Վարդանանց հերոսամարտին նվիրված հետևյալ ոգևորիչ և հայրենասիրական քարոզը:

«Յանուն Հօր և Որդւյն և Հոգւոյն Սրբոյ, ամեն»: «Ձի եթէ տացէ Տէր յաղթութիւն ի ձեռս մեր, սատակեսցուք զպօրութիւն նոցա, զի բարձրացի կողմն ձմարտութեան. և եթէ հապեալ իցէ ժամանակ կենաց մերոց

սուրբ մահուամբ պատերազմիս, ընկալցուք խնդութեամբ սրտիւ. բայց միայն յաղթութիւնս քաջութեան վատութիւն մի՛ խառնեսցուք» (Եղիշե, Ե եղանակ):

Մայիս ամիս, 451 թվական, գարնանային մի պայծառ գիշեր էր: Աստղապարզ երկինք, լիալուսին և մի անդորր, խաղաղություն, ինչպես մի մեծ դեպքից առաջ է լինում երկրաշարժ թե մեծ հրաշք: Հղի էր ժամը: Ավարայրի դաշտում, մի բլրակի վրա գիշերային ժողով էր: Վարդան Մամիկոնյանը, հայոց սպարապետը, իր զորականներով ջրջապատված, իր վերջին պատգամներն էր տալիս նրանց և ուղարկում հանգրստանալու:

Մենակ էր Վարդանը, մենակ՝ իր մտորումների և իր հուզումների հետ: Արդյոք ճիշտ էր իր առած քայլը, արդյոք ինքը իրավունք ունե՞ր մի ողջ ժողովրդի ճակատագիրը վճռելու: Նայում էր հեռուն, այնտեղ երևում էին հայկական լեռները, որտեղ Հայկ Նահապետը կռեց իր ազատությունը, և այդ անկախությունը պահելու համար իր աղեղով պայքարեց հարավային Բելի դեմ: Այդ նույն լեռների վրա իր պատիվն ու կյանքը պահելու համար՝ Արա Գեղեցիկ իր կյանքը զոհաբերեց:

Իր ընտանեկան պատմությունը նա շատ լավ գիտեր: Մամիկոնյան տոհմը միշտ թագավորի կողքին էր և Լուսավորչի՝ պաշտ-

պանելու համար քրիստոնեությունը, պաշտպանելու համար հայ ժողովրդի ինքնությունը: Մեծերի անունները շատ էին Մամիկոնյանների տոհմում: Վաչե, Վասակ, Մուշեղ:

Կար սակայն դառն հիշողություն: 428 թ. վերջ գտավ Արշակունյաց հարստությունը: Եվ այդ օրվանից պարսիկները Հայաստանը նկատում էին իրենց՝ հողի մի մասը: Եվ հասկանալի է, որ պիտի չհանդուրժեին՝ հայ առանձին կրոն, հայ առանձին իշխանություն, հայ առանձին մշակույթ: Եվ սկսվեց ճնշումը: Բայց հայերը դիմանում էին: Եվ երբ պարսիկները տեսան, որ մեքենայությունները չօգնեցին, Հապկերտը մի նամակ գրեց՝ պահանջելով հայերից, որ միանգամ ընդմիջտ հրաժարվեն քրիստոնեությունից: Եվ հայերը պատասխանեցին այդ նամակին. **Մենք ձերն ենք մարմնապես, բայց հոգեպես մենք միայն մեկ Աստված ունենք և միայն նրան ենք պաշտում և ծառայում:**

Եվ հայ նախարարները Տիգրան կանչվեցին հաշվեհարդարի: Եղավ առերես ուրացում: Վերադարձան Հայաստան մոգերով, մոգայետներով, իբր թե տարածելու մազդեական կրոնը Հայաստան աշխարհում: Սակայն ժողովրդի ձայնը, ժողովրդի արյունը այլ բան էր պահանջում: Ժողովուրդը պահանջում էր ապատորեն իր քրիստոնեական կրոնը պաշտել: Հայ ժողովրդի համար այլևս քրիստոնեությունը զուտ խոսք չէ՛ր, արտաքին հագուստ չէ՛ր, իր արյունն ու միսն էր դարձել:

Վարդանը գիտեր իր մեծ հորից՝ Սահակ Պարթևից, որ սա այն երկիրն էր, ուր Աստված Իր Որդուն էր ուղարկել, այս տաճարն էր նախագծել, որպես Իր ժողովուրդը մյուս քրիստոնյա ժողովուրդների շարքին, որ Աստված հայ ժողովուրդը ապանելու համար Իր Սուրբ մատով գրել էր հայկական այբուբենը և Մեսրոպի Սուրբ հանձարին և մրտքին հանձնել այն, որպես հայ ժողովրդի հավիտենականության գրավական: Եվ սպարապետը չէր կարող իր ժողովրդի դեմ գնալ:

Մեկդի էր նետել կեղծ ուրացությունը: Հաշվի էր առել և՛ քաղաքականությունը, և՛ պորությունը: Մեկնել էր հյուսիս՝ Վրաստան և Աղվանք՝ այն կողմերից մաքրելու բոլոր պարսկական զորակայանները, որպեսզի թիկունքն ապահով լինի, հյուսիսային ցեղերի հետ դաջինք կնքեց, որպեսզի այնտեղից նրանք սպառնային պարսից աշխարհին: Նույնիսկ Բյուզանդիոն դիմեց՝ քրիստոնյա պետության օգնությունը ունենալու համար: Սակայն քրիստոնյա Բյուզանդիոնը, վախկոտ ու թուլամորթ իր կայսրով, աստվածաբանական ժողովների մեջ էր:


Վարդան մտածում էր իր վրանի առջև. ինքը, իր ժողովրդի ընտրյալը՝ աստղապարդ

երկինքը և իր Աստվածը, ընդդեմ հզոր Արյաց արքայի բանակին: Եվ այդ մտորումների մեջ, այդ հոգեկան խռովքի մեջ մի տեսիլք ունեցավ. իրեն երևաց այն քաջածանոթ դեմքը, որ իրեն սովորեցրել էր Աստվածաշունչը և Աստվածային պատգամները: Դա իր մեծ հայր Սահակ Պարթևն էր, որ նրան ասաց. «Մահ իմացեալ անմահութիւն է», գիտակցված մահը մահ չէր սովորական, այլ անմահություն: Այս մեկ միտքը, Աստվածային միտքը, փարատում էր նրա մեջ ամեն մի մտահոգություն, և կարծեք այլևս իր մարմինը չէր դիմանում իր հոգու ընդլվումին: Կամենում էր մենակ խուժել պարսկական բանակի մեջ և ոտնատակ անել: Այդ ռոպեին լավեց սաղմոսների երաժշտությունը, երգը: Հայ եկեղեցականները ամբողջ գիշեր բանակը ոգևորում էին իրենց սաղմոսներով և հաղթական երգերով:

Հասել էր ժամը, երբ Վարդան Մամիկոնյանը իր բանակի հետ միասին հաղորդվում էր: Հաղորդվում էր Տիրոջ արյամբ և մարմնով, որպեսզի ինքը պատարագվեր հանուն իր ժողովրդի և հանուն իր հայրենիքի: Եվ իր ոգեջունչ ճառի մեջ Վարդանն ասում է. «Ոչնչացնենք նրանց պորությունը, որպեսզի բարձրանա ճշմարտության կողմը»: Վարդան Մամիկոնյան ճշմարտության, արդար իրավունքի համար էր կռվում:

Եվ առավոտյան երկու հսկա ալիքների նման բանակները իրար վարնվեցին: Այդտեղ ոչ թե մեկը մյուսին չէր հաղթում, այլ քաջերն էին իրենց քաջությունը ցույց տալիս: Սուրբ, տեգեր, նիպակներ, նետեր՝ և Վարդանը իր սուրով ու խաչով իր զինակից մարտիրոսների հետ գնաց դեպի հավիտենականություն՝ արժանանալով փառա՛ց պատկին. և այդ օրվանից Վարդանը հավիտենականորեն շարունակում է իր ընթացքը ամեն մի հայու հոգու մեջ:

Վարդանանց պատերազմը ճակատամարտ էր միայն. մեկ օրվա ճակատամարտ: Եվ հայերը իրենց ուժով և հավատքով կարողացան եռապատիկ պարսիկներ տապալել: Ճիշտ է, որ հայերը պարտվեցին այդ ճակատամարտում, սակայն պատերազմը չավարտվեց: Ամբողջ 30 տարի ամեն մի հայկական բերդի վրա, ամեն մի հայկական բարձունքի վրա Վարդանի հոգին խրախուսում էր հայոց բանակի մնացորդներին: Եվ վերջ ի վերջո, նրանք կարողացան Վահան Մամիկոնյանի միջոցով Նվարսակի դաշնագրով ստանալ այն, ինչ որ պարսիկները աշխատում էին, խլել: Եվ այդ նույն Վարդանանքի հոգիով է, որ մեր դարասկզբին հայ ժողովուրդը պայքարեց հանուն իր գոյատևման Սասունում, Մուշում, Շապին Գարահիսարում և Մուլա դաղում: Պայքարեց, որպեսզի



իր իրավունքը պաշտպանի: Եվ պայքարելով նվազեց, քաջվեց-հասավ այս սուրբ Հոգը. նեկ թշնամին փորձեց այս հողն էլ գրավել և վերջ տալ լուսին: Բայց խավարը երբեք ու երբեք չի կարող վերջնականապես հաղթել լուսին:

Մենք լուսի որդիներ ենք, և կհավատանք լուսի վերջնական հաղթանակին խավարի վրա: Եվ հայ ժողովուրդը ի մի կանգնեց եկեղեցականներով, ռամիկով, գյուղացիով, և Սարդարապատում պաշտպանեց իր արդար իրավունքները, որպեսզի բարձրանա կողմն ճշմարտության, որ մարմին ստացավ 1920 թվականի նոյեմբերով:

Այսօր Խորհրդային Հայաստանը խաղաղ է: Այսօր ամեն ինչ, որ նրանք երազեցին, կա և գոյություն ունի: Վարդանանք և բոլոր նրանք, որոնք զոհվեցին, զոհվեցին, որպեսզի մենք Հայրենիք ունենանք, որպեսզի մենք Հոգ ունենանք, որպեսզի մենք մշակո՛ւյթ ունենանք, և որպես ժողովուրդ ուրիշների կողքին պատվով՝ բաց ճակատով ապրենք: Հրաջք է այսօր մեր գոյությունը: Բարձունքե բարձունք պիտի բարձրանանք, լուսի ամրոցներ պիտի կառուցենք, պիտի պորանանք:

Հետևաբար սիրելի հավատացյալներ, Վարդանանք ողջ են այսօր. ողջ են մեր ամեն մեկ հայու հոգու մեջ, և մենք պետք է շարունակենք նրանց կիսատ գործը մեր պայմանների և մեր ժամանակների ձևերով:

Այսօր, սիրելի հավատացյալներ, տոնն է ազգիս Վեհափառ Հայրապետ Ս. Ս. Վաչգեն Ա Սրբազնագույն կաթողիկոսի: 30 տարի շարունակ Վաչգեն Վեհափառ Հայրապետը բազմեց Լուսավորչի գահին: Կարծեք իսկապես ձայն բազմաց, ձայն Աստուծո էր: Ժամանակը ճիշտ մարդը ընտրեց Հայրապետական գահի վրա: Աստված ճիշտ մարդը ընտրեց, հայ ժողովուրդը ընտրեց ճիշտ ժամանակին: Վաչգեն Վեհափառ 30 տարի շարունակ իր աչքի լույսը, իր հոգին կաթիլ առ կաթիլ, հյուլե առ հյուլե քամեց և տվեց Լուսավորչի կանթեղին, որպեսզի Լուսավորչի այդ կանթեղը միշտ, բոլոր մրրիկների մեջ իսկ լույս տա հայ ժողովրդին՝ և՛ այստեղ, և՛ սփյուռքում, որպեսզի նրանք տեսնեն, հասկանան Ս. Էջմիածնի իրողությունը՝ ըմբռնեն Հայ Եկեղեցու դերն ու նշանակությունը. և ըմբռնեն հայկական այս հողի արժեքն ու նպատակը: Հետևաբար մենք կշնորհավորենք մեր Հայրապետի անվանակոչությունը: Կշնորհավորենք մենք և կմաղթենք ի սրբունե, որ Աստված իրեն երկար կյանք և առողջություն պարգևի, որպեսզի, իսկապես, Լուսավորչի կանթեղը շարունակե գոյատևել և լույս սփռել մեզ բոլորիս:

Նույն օրը, ժամը 13-ին, Վեհարանի հան-

դիսությունների դահլիճում, Վեհափառ Հայրապետի նախագահությամբ, տեղի ունեցավ Վարդանանց տոնին նվիրված հանդիսություն՝ կազմակերպված հոգևոր ճեմարանի տեսչության կողմից:

Հանդիսությանը ներկա էին Մայր Աթոռի միաբանությունը, Գերագույն Հոգևոր Խորհրդի անդամները, Մայրավանքի պաշտոնեությունն ու աշխատավորները, հոգևոր ճեմարանի դասախոսական կազմն ու ուսանողությունը, հայրենի մտավորականության ներկայացուցիչներ, ուխտավորներ և այլ հյուրեր:

Հանդիսությանը ներկա էին՝ Հայկական ՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ Ստեփան Վարդանյանը և տեղակալ Անդրանիկ Հասարթյանը:

Հանդիսությունը սկսվեց Վեհափառ Հայրապետի «Հայ մեր»-ով, որից հետո հնչեց Հայկական ՍՍՀ պետական հիմնը: Հանդիսության բացման խոսքով հանդես եկավ հոգեշնորհ Ս. Հայկակուն վրդ. Նաջարյանը:

«Կամոքն Աստուծո, այս տարի ևս հավաքվել ենք՝ տոնախմբելու Վարդանանց հիշատակը: Եթե փորձենք մեր ժողովրդի պատմությունը ամփոփել մի նախադասությամբ՝ այն կհնչի որպես «ի՜նչե՛ր թե չի՜նչ»: Արդարև, մեր ողջ պատմությունը մաքառում է եղել. մաքառում լինելու, լինելով լույս տալու, ստեղծելու, կառուցելու, թեկուզ և այդ լինելը եղել է մահաճալով, ավերվելով, կոտորվելով: Մեր մաքառման ճանապարհին Վարդանանքը պատմականորեն շատ փոքր, մի աննշան դեպք է, որի կողքով օտարները անտարբերությամբ կանցնեին: Սակայն Եղիշեն պիկված իր մեծ ուսուցիչների՝ Սահակի և Մաշտոցի լուսի վենքերով, խորասուզվեց Աստվածաշնչի մեջ, գտավ այն միտքը, որով Վարդանանքը կերպարանափոխվեց խորհրդի:

Նա թարգմանը հանդիսացավ համաժողովրդական այն գիտակցության, թե մեռելով կարելի էր անմահանալ: Ահա խորհուրդը Վարդանանց. մի հավիտենական ճշմարտություն, որին հայերը դիմել էին իրենց ճակատագրական և օրհասական պահերին՝ լինի դա Սարդարապատում թե Հայրենական մեծ պատերազմում:

Պատմության մեջ գրեթե աննախադեպ է, որ մեր հայրենիքը 40 տարվա խաղաղության մի շրջան ունենա: Ճիշտ է, որ այս կարճ շրջանում զոհողությունների մեծ գնով հրաջքների հասնող բարձունքի է հասել մեր հայրենիքը, սակայն այն դեռևս քիչ է:

Մենք մեծ անցյալ ունենք, սակայն և մեծ կորուստներ ենք ունեցել, հետևաբար հայր իրավունք չունի բավականանալու քշով:

Յուրաքանչյուր հայ իր ուսերին կրում է ոչ միայն իր պատմությունը, այլև այն տասնյակների, հարյուրավորների և հազարավորների, որոնք այսօր կարող էին լինել, բայց ընկան. գիտակցորեն պոկվեցին, որ մենք լինենք և շարունակենք նրանց գործը: Եվ ով նկրտում է նսեմացնել այսօրվա մեր պետականությունը, անտեսում է նրանց հիշատակը, մեղանջում՝ թափված արյան դեմ:

Միայն ու միայն համառ ու նվիրական աշխատանքով կարող ենք պարզերես մնալ Վարդանանց և նրանց նմանների հիշատակի առաջ, և արժանի լինել արյունով ու քրտինքով շաղախված այս սուրբ հողին, մեր հրաշքների ու նպատակների միակ, ճշմարիտ գրավակահին:

Ապա Նաիրի Չարյանի «Չայն հայրենական» պոեմից մի հատված արտասանեց հոգևոր ճեմարանի Ա լսարանի սան Չավեն Լարիբյանը:

Այնուհետև Վարդանանց հերոսամարտի խորհրդին նվիրված պատմական ակնարկով հանդես եկավ հոգևոր ճեմարանի հայ ժողովրդի պատմության դասախոս Կարեն Մաթևոսյանը: Նա ի միջի այլոց ասաց. «Վարդանանց սիրանքի՝ Ավարայրի հերոսամարտի մասին խոսել, նշանակում է թափանցել ամեն մի հայրենասեր հայի ներաշխարհը, որովհետև մեր բազմադարյան պատմության այդ փառավոր էջը՝ իր սկիզբով, ընթացքով և ավարտով, իր պատճառով, գաղափարով և ընդհանրացած խորհրդով, շատ է հայկական: Այն հայկական է անգամ իր հիշատակի չխամրող երկարակեցությամբ, որովհետև շատ ժողովուրդներ կան, որ իրենց պատմության ընթացքում բազում բախտորոշ ճակատամարտեր են մղել, բայց ես չգիտեմ, կա՞րողոք մի ժողովուրդ, որ այնպես տևակալորեն և նախանձախնդիր կերպով հիշի իր կենսագրության բախտորոշ գոյամարտերից մեկը՝ ինչպես հայերն են հիշում Ավարայրը:

Պատահական չէ, որ Եղիշեն Վարդանանց պատերազմն անվանում է «Հայոց պատերազմ», քանզի ոչ թե մի թագավոր էր կռվում մի այլ թագավորի դեմ, հանուն փառքի ու իշխանության, այլ մի ողջ ժողովուրդ էր ոտքի ելել բազմագլուխ մի վիշապի դեմ՝ հանուն իր ինքնության ու հավատի:

451 թվականին դեռ հայոց մեջ թարմ էին 387 թվականին երկրի բաժանման՝ երկատման՝ 428 թվականին, հայ արքայատոհմի անկման տխուր հիշողությունները: Սակայն մի վարմանայի կանխատեսությամբ հայ ժողովուրդը գտել էր զոյառնումն ապահով: Դ հզորագույն վենքը՝ մաշտոցյան այբուբենը՝ վենքը, որի ամրության առջև փշրվեցին հետագա բոլոր դարերի նվաճողների պողպատե սրերը:

Ընդամենը 23 տարի առաջ էր հնչել Սահակ Պարթևի մարգարեական հորդորը. «ինչպե՞ս կարելի է, որ իմ ախտավոր ոչխարը փոխեն ուրիշի առողջ գազանի հետ, որի հենց առողջությունն է մեզ համար պատուհաս»: Թագավորական տունն այլևս չկար և ահա եկել էր պարսից «առողջ գազանը» և պահանջում էր հավատափոխություն: Չնայած եղան տառանկողներ, բայց հայոց պատասխանը միանշանակ էր. «Այս հավատից մեզ ո՛չ ոք չի կարող խախտել, ո՛չ հրեշտակները և ո՛չ մարդիկ, ո՛չ սուրը և ո՛չ հուրը, ո՛չ ջուրը և ո՛չ էլ որևէ այլ դառն հարված»:

Եվ որովհետև ոչ բռնակալն էր ընդունում հակաճառություն, ոչ էլ ընդվզողներն էին թուլական, հարցը պիտի լուծվեր մարտի դաշտում: 451 թվականի մայիսի 26-ին, հայոց Արտաշ գավառում, Տղմուտ գետի մոտ, իրար դեմ ելան երկու պորաբանակ: Հայրենաշունչ պատմիչի՝ Եղիշեի ճարտար գրչի շնորհիվ, մենք այժմ գիտենք ճակատամարտի մանրամասները. անգամ հայոց բանակի հրամանատարի՝ քաջ Վարդանի խոսքը՝ ուղղված մարտիկներին: Եվ ամեն անգամ այն կարդալիս դժվար է չգարմանալ հայ պորավարի հոգու ալնվության, վեհանձնության վրա: Լսվա՞ծ բան է, որ մի պորավար, պինվորներին դիմելով ասի. «Ձեզանից շատերը քաջությամբ ինձնից առավել են...»: Տեսե՛լ ենք մենք մի հրամանատարի, որ կռուվից առաջ, ինքնագովության փոխարեն, պորքին ասեր. «Շատ պատերազմներ եմ մղել ես և դուք էլ ինձ հետ, տեղ կար, որ քաջաբար հաղթեցինք թշնամիներին, տեղ էլ կար, որ նրանք հաղթեցին մեզ...»:

Բայց Վարդանի ճառի բուն գաղափարը ոգևորող էր ու համոզիչ. «Եթե մահկանացու հրամանատարի կամար... քաջ գործեր էինք կատարում, ինչքա՞ն ավելի ես [պետք է կատարենք] մեր անմահ թագավորի համար, որ ...բոլոր մարդկանց դատելու է իրենց գործերի համեմատ... Մեր պորավարը մարդ չէ, այլ բոլոր մարտիրոսների պորագլուխը...»:

Ճակատամարտն անողոք էր ու անպիշում: Հայերի կողմից գուցե ավելի հախտուն ու կատաղի, պարսից կողմից՝ ավելի սառնասիրտ ու դաժան: Երկուստեք մեծ պոհեր եղան: Առյուծաբար կռվեց և ընկավ նաև Վարդանը... «Եվ որովհետև ժամանակը գարնանային էր, ծաղկալից դաշտերը լցվեցին հորդահոս արյունով» և մեծ տրտմություն պատեց Հայոց աշխարհին: Սակայն հայերը «քաջվեցին երկրի վանապան ամուր վայրերը», շարունակելով կռիվը բռնակալի դեմ: Նրանց արդար պատերազմը շարունակվեց երկար ու ձիգ տարիներ և միայն Վախան Մամիկոն-

յանի ժամանակ պատկվեց վերջնական հաղթանակով:

Ավարայրի գնահատման հարցում ընդունված տեսակետն է, որ հայերը ռազմական պարտություն կրեցին, բայց բարոյական հաղթանակ տարան, որովհետև պարսիկներին չհաջողվեց իրագործել իրենց նախատեսածը: Կան նաև այլ կարծիքներ: Սակայն ըստ իս հայերը բարոյական հաղթանակ էին ձեռք բերել՝ մինչև Ավարայր: Ճակատամարտը ռազմական բախման զագաթնակետն էր միայն: Հապկերտի հրովարտակի մերժումը և որոշման մեջ անդրավելի մնալը՝ սա էր էականը և սա էր, որ հարատևեց նաև Ավարայրից հետո՝ տարիներ, տասնամյակներ, նաև դարեր:

Դրանից հետո շատ փորձություններ պայթեցին Հայոց աշխարհի վրա: Տեղ կար, որ հայորդիները պենք ձեռքների հաղթեցին թշնամիներին, տեղ էլ կար, որ թշնամիներն հաղթեցին: Բայց որքան էլ թշնամիներն հաղթեցին, հաղթեցին միայն ֆիզիկապես՝ քանզի Ավարայրից ի վեր, գտնված էր բարոյական հաղթանակի բառային՝ կարելի է նահատակվել, բայց չդավաճանել սեփական խղճին ու հավատին, մայրենի լեզվին ու հայրենի հողին: Ազգային ոգու անսասանության մի ողջ դպրոց է Վարդանանց «Հայոց պատերազմը»:

Որքան հեռանում ենք Ավարայրից, այնքան ավելի ենք համոզվում, որ այն սոսկ պատմական մի եղելություն չէ, այլ մի հավերժող ոգի, որն արդեն 1500 տարի անդավաճան ուղեկցում է իր ժողովրդին, որպես նրա կենսահաստատ գոյի ոսկե անկյունաքար: Այժմ, երբ ժամանակի փոթորիկների միջից, փյունիկ թռչունի պես հառնել է նորօրյա Հայաստանը և իհիև ու նոր ազգերի հետ կանգնել է 21-րդ դարի նախաշեմին, մեր սրբազան պարտքն է վառ պահել հիշատակը բոլոր նրանց, ովքեր իրենց կյանքը նվիրեցին այս լեռնառատ երկրի հավերժության համար: Եվ կարելի է վստահորեն ասել, որ չունի չեն եղել այն բյուրք բյուրոց պոեթը, որ դար ու դարեր գումարով էն Ավարայրի 1036 նահատակների «անմահների գնդին»: Վկան արդի Հայաստանը, իր ծաղկուն ներկայով, և լուսավոր հույսերով ողողված ապագայով:

Այս ձեմարանի սաներ Ռազմիկ Իսախանյանը և Արամայիս Հունանյանը գրաբար և աշխարհաբար հատվածներ արտասանեցին Եղիշի «Հայոց պատմությունից»:

Այնուհետև «Հայ Եկեղեցին և Ավարայրը» թեմայով ելույթ ունեցավ Տ. Եպրաս արեղա Ներսիսյանը: Նա մասնավորապես ասաց. «Այսօր, երբ 1500 և ավելի տարիների հեռավորությունից մեր հայացքն ենք ուղղում

Վարդանանց խորհուրդ խորին հերոսամարտին՝ վերաբնակվելու այն մեր օրերի գաղափարական մտահորիզոնով, ինքնաբերաբար պահանջ է առաջանում պատասխանել որոշ հարցերի: Ինչի՞ց և ինչպե՞ս սերվեց Վարդանանց ու Ղևոնդյանց Ոգին Ավարայրի, և թե ի՞նչն էր, որ դարձրեց այն սրբազան խորհուրդ, մնայուն արժեք հայ ժողովրդի բազմադարյան պատմության մեջ:

Այսօր, երբ խորաթափանց մտքով Վարդանանց-Ղևոնդյանց Ոգուն ականջ դրած ընթանում ենք դեպի խորհուրդն Ավարայրի, մեր առաջ պարզորեն վեր է խոյանում խորանն այն լուսո՝ ավազանը Լուսավորիչ-Մեսրոպյան, ուր մկրտվելով և Աստվածային շնորհներ պգնալով մանուկ քրիստոնյա Ոգին պիտի դառնար աննկուն ու անկոտրուկ: Ընդամենը 150 տարի առաջ էր, որ քրիստոնեական լույսը ողողելով հայոց երկնակամարը, փարատեց հեթանոսական խավարի վրա թանձր մթությունը: Այդ լույսն էր, որ ճառագեց Սահակ—Մեսրոպի մտքից ու հոգիներից ներս և նրանց ջանքերով քրիստոնեությունը հայացավ և հայությունը քրիստոնեացավ: Կենարար լույսն այդ կրելով իր հոգում, հայն այն բաշխեց ամենքին ու դարձավ լուսատու ջահ Արևելքի: Սակայն ջահն այդ հրացուք ատելի դարձավ նեկզամիտ խավարասերներին, որոնք իբրև փայրագ հողմեղ ու սառնաշունչ քամիներ խուժեցին Հայոց աշխարհի: Ընկավ հայոց թագավորությունը, սարսռաց պարսից ջահերի ոտքի կոխան դարձած հողը հայրենի: Սակայն երբեք երկյուղ չապրեց հավատը հայի: Եվ որքան էլ խոցել ցանկացան՝ մեռցնելու համար, հավատը հրաջագործեց և ապացուցեց, որ ինքն անմեռ է հայ ժողովրդի հոգում:

Ու երբ Հապկերտ Բ 451 թվականին իր ազգայնամոլ ձգտումներով ու կրոնական մոլեռանդությամբ փորձեց հրով, սրով ու աքսորով նվաճել հայ ժողովրդի կամքը, ջղթայել նրա ապատությունը, տեսավ իր դեմ միակամ, միասիրտ ու միահոգի կանգնած մի ածու պատրաստ նահատակության ի սեր իր հայրենիքին ու հավատին: Չկար այլ միջոց, ապավինած Տիրոջ կամքին իջանք Ավարայր, ելանք դեմ-դիմաց ամենակուլ պորքին պարսից, ոչ միայն հաղթելու, այլ նաև մեռնելու համար: Քանզի հավատացած էր հայը, որ հանուն քրիստոնեության իր հեղած արյունը, սերմը պիտի լինի նորածին քրիստոնեական Եկեղեցու: Այդ ընկան քաջորդիներն հայոց, ընկավ Վարդանը՝ կրծքին Ավետարան, ընկավ դասով իր քահանայից սուր ի ձեռքին Ղևոնդ երեց, որոնց հերոսական մարտիրոսության շնորհիվ միշտ կանգուն ու կենդանի մնաց Հայրենիքը՝ հայր, Եկեղեցին մայր ու ծոցածին նրանց զավակ

լեզուն Մեսրոպյան և հավատը Լուսավորչ-
յան: Ավարայրը, որ թերևս կարելի է համա-
րել քրիստոնյա աշխարհի առաջին ռազմա-
կան մեծ բախումը՝ լույսի ու խավարի,
կյանքի ու մահվան, հավատի ու հավատու-
րացության, հայրենիքի ու ստրկացման իրա-
րամբ զաղապարների, մեկ անգամ ևս
հաստատում է «խուսի» մեռնելով ապրելու
պատգամը, որ ոսկեծղիկն եղիշեն բանաձե-
վել է՝ «Մահ ոչ իմացեալ մահ է, մահ իմա-
ցեալ անմահութիւն է»: Անցել են դարեր,
բայց Հայաստանյայց եկեղեցին այսօր Վար-
դանանց ու Ղևոնդյանց արյունով գրված
«Վասն հաւատոյ ու Հայրենեաց» խաչվառը
ձեռքին ամենուր և ամենքին ներարկում է
Ոգին այդ անմահ և պատգամում անհրա-
ժեշտության դեպքում պատրաստ լինել չա-
րին դիմակայելու և, թե պետք է, նահատակ-
վելու «Վասն հաւատոյ ու Հայրենեաց»: Եվ
մենք որպես միաբան այս սրբական հաս-
տատության, չէինք ցանկանա, որ երբևիցե
անգամ իր մտքում հայն ասեր, թե Ավարայ-
րը անցյալ է, որովհետև այսօր հաղորդակ-
ցության մեջ ենք մտնում նրանց խոստն ու
կենդանի հոգու հետ, և դա կենդանի էու-
թյունն է մեր: Որպես միաբան այս սրբական
հաստատության, չէինք ցանկանա, որ երբ-
ևիցե անգամ իր մտքում հայն ասեր, թե Ա-
վարայրը անցյալ է, որովհետև հայն այսօր
ունի Սփյուռք, որ պավակներն իր հարա-
պատ ապրում են ու մաքառում գոտեպընդ-
ված ու ներքնջված Ոգով Ավարայրի, պահ-
պանելու օտարության մեջ հայրենի հավատ-
քն իրենց, և լեզուն մայրենի, այն վառ գի-
տակցությամբ, որ «Քանզի մի է մայր մեր
եկեղեցի որ երկնեացն զմեզ, և մի է հայր
մեր սուրբ հոգին՝ որ ծնաւ զմեզ. փա՛րո՛ղ
համահարք և միոյ մօր որդիք երկապռակք
լինիցին, և ոչ միաբանք»:

Եվ ինչպես Ավարայրի ճակատագրական
օրերին, այսօր նույնպես Հայաստանյայց
եկեղեցին՝ ի գլուխ ունենալով Ս. Էջմիա-
ծինը, պետք է դառնա միավորող օղակն ու
ամրացուցիչ շաղախը՝ հաղթահարելու տա-
րամետ և կենտրոնախույս տրամադրություն-
ները, որպեսզի մեր ժողովուրդը աշխարհին
ու մարդկությանը ներկայանա նույնքան
միակամ ու միաձույլ, որքան Ավարայրի օրե-
րին: Թաղետս և Բարթոլոմեոս առաքյալ-
ներով առաքելականացած, Ս. Գրիգոր Լու-
սավորիչով լուսահիմք դարձած, Սահակ-
Մեսրոպով ոգի ու հայեցողություն զգեցած
եկեղեցին էր, որ միավորեց և հավասարա-
կշռեց բոլոր տարամետ ուժերը և Ավարայրը
դարձավ «Վասն Յիսուսի և վասն Հայրենե-
աց»: Այսօր ինչպես Հայրապետն Հայոց ա-
սել է իր խոսքի մեջ. «Վարդանանց հերո-

սամարտը հայ ժողովրդի ու Հայ եկեղեցու
համար եղել է, է և կմնա միշտ իբրև ամենա-
նվիրական սրբություններից մեկը և անմո-
ռաց էջը մեր պատագրական պայքարի, ո-
րի զաղապարի ու լույսի մեջ սերունդներ
են դաստիարակվել»: Թող թնաժի հաղթա-
կան Ոգին քաջ Վարդանանց ու Ղևոնդյանց՝
մնալով ախոյան ու պաշտպան մարդկային
ապինի ու արդար իրավունքների»:

Բանախոսությունից հետո հոգևոր ճեմա-
րանի Ե լսարանի ուսանող Գևորգ Գյուլ-
գյուլյանը արտասանեց խաչիկ Դաշտենցի
«Հայրեն» և Ա լսարանի սան Համետ Մե-
րաբյանը՝ հատվածներ Սիվա Կապուտիկ-
յանի «Մտորումներ ճանապարհի կեսին»
պոեմից:

Այնուհետև հոգևոր ճեմարանի երգչա-
խումբը՝ ղեկավարությամբ ճեմարանի երա-
ժշտության դասախոս Կոմիտաս Քեջիշյանի,
կատարեց «Պալույն Ավարայրի», «Երգ մեռ-
նող հայրենասերի», «Հայրենիք», «Լռեց» եր-
գերը և «Նորահրաշ» տոնական շարականը:

Հանդիսության փակման խոսքով հանդես
եկավ Մայր Աթոռի դիվանապետ գերաշնորհ
Տ. Ներսես եպս. Պոպապայանը:

«Վեհափառ Տեր, շատ հարգելի ներկաներ:

Զմեռն եկել ու տարածել է թևերը ողջ Հա-
յաստանի վրա: Փետրվարյան ցուրտ ամիս է,
բայց որքան բախտավոր և երջանիկ ենք, որ
Հայաստանյայց եկեղեցին ձմռան այս խստա-
շունչ ամսին ամեն տարի նշում է Վարդա-
նանց պորամարտի հրաշալի հիշատակը և
դրանով ջերմացնում մեր սրտերը:

Այս հանդեսի խնամված ծրագրի համար
մեր շնորհակալությունն ենք հայտնում Հո-
գևոր ճեմարանի տեսչության, դասախոսա-
կան կազմին և սաներին, որոնք ամբողջա-
կան մի հայտագրով կարողացան հոգևոր ու-
րախությամբ, Վարդանանց ոգով լցնել և ջեր-
մացնել մեր սրտերը:

Վարդան սպարապետի և մի շարք իշխան-
ների գլխավորությամբ հազար երեսուն և վեց
պորականներ Ավարայրի դաշտում իրենց ան-
գին արյունը թափելով, մարմնավոր կյանքից
փոխադրվեցին հոգևոր կյանքի: Նրանք չմե-
ռան, այլ դարձան ոգեղեն ներշնչանք հայ
ժողովրդի հետագա պատմության ընթացքում,
նոր իմասավորում տվին գիտակցական
մահվան, իր խորքով և էությունը ամբողջա-
պես քրիստոնեական և իր գործադրության
ձևով ու ըմբռնողությամբ հարապատրերն
հայկական:

Այս համոզումով հայը ապրեց իր ողջ
պատմության ընթացքում. Սարգարապատից
մինչև հայրենական պատերազմ ամեն մեկ
մասնակից հայ փնվոր Վարդանանց ոգով
մարտնչեց չարի դեմ, երբ հարկ եղավ՝ իր


արյունը թափեց վասն հայրենիքի, վասն խաղաղության ամենայն աշխարհի և վասն բարօրության գալիք սերունդների:

Ահա այս զգացումներով դիմավորում ենք Վարդանանց տոնը:

Այսօր մեզ՝ Մայր Աթոռ Ս. Էջմիածնի պինվորյալ միաբանության համար, ինչպես նաև ի Հայաստան և ի սփյուռն աշխարհի սփռված հայության համար, ուրախության օր է, որովհետև տոնն է Ամենայն Հայոց Վեհափառ Հայրապետի անվանակոչության:

Բոլոր ներկաների անունից թույլ տվեք շնորհավորել Վեհափառ Հայրապետին: Թող Աստված երկար-երկար կյանք պարգևի Հայոց Հայրապետին և թող ամեն տարի Վարդանանց տոնին, իբրև նոր ժամանակների Վարդան զորավար, Վեհափառը լինի մեր մեջ, նախագահի այս հանդիսությանց Իր շնորհաբաշխ ներկայությամբ՝ մեզ բոլորիս միաթարելու համար:

Կեցցեն Վարդանանք»:





ՏՅԱՌՆԸՆԴԱՌԱՋ ԵՎ ՍԱՐԿԱՎԱԳԱԿԱՆ ՋԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

Դու ես լոյսն գովելի, սուրբ և առաջին լոյսն,
ի քէն փախնու ինաւարն, և զլոյս քո կենդանի,
Տէ՛ր, ծագեա՛լ ի սիրտս մեր» (Ժամագիրք)

Հայ Եկեղեցին, ամեն տարի մեծ հանդիսութեամբ՝ հոգեպալ շարականների ու երգերի երգակցությամբ, տոնում է Տյառնընդառաջը:

Քրիստոսի ծննդից 40 օր հետո, Նրա մայրը՝ Մարիամ, Նրան Տաճար է տանում «յանդիման առնել Տեառն», ահա թե ինչու այդ տոնը Հայ Եկեղեցում կոչվում է Տյառնընդառաջ: Քառասնօրյա Մանուկը ընծայվում է Հայր Աստծուն կատարելու՝ «պօրէնս վասն փրկութեան հեթանոսաց»:

Տյառնընդառաջի տոնը առավելապես լույսի տոն է: Առաջին անգամ Սիմեոն ծերունին է, որ Սողոմոնի տաճարում հոջակում է Լույսի ծնունդը: Տաճար բերված քառասնօրյա Մանուկը հոջակվում է իր ժամանակի և բոլոր ժամանակների Լույսը: Ճշմարտության և արդարության. լույսը եկել է աշխարհի, դեպի մարդիկ, որպեսզի մարդիկ ձրգտեն դեպի նա, դեպի ճշմարիտ Լույսը. «Մինչդեռ աշխարհի եմ, լոյս եմ աշխարհի» (Հովհ. Թ 5):

Հայ Եկեղեցին ընդառաջ գնալով Լույսին կանգնեցրել է Լույսի խորան Ս. Էջմիածինը և այն վառել Լուսավորչի կանթեղով, որ հավատացյալ հոգիները երկրպագելով Լույսին՝ լուսավորվեն նրանով:

Այս տարի Լույսի տոնը Մայր Աթոռում նշանավորվեց հոգևոր ճեմարանի վերջին լսարանի յոթ շնորհալի երիտասարդների սարկավազական ձեռնադրությամբ: Նրանք պարտականության գիտակցությամբ պատրաստ են Լույսից այրվելու և ծառայության հոգով ներշնչված իրենց ուժերը անմաքուր նվիրաբերելու ի պայծառություն Հայ Եկեղեցու և հայ ժողովրդի:

Փետրվարի 14-ին, ուրբաթ. Տեառնընդառաջ: Տօն քառասնօրեայ գալստեան Քրիստոսի ի Տաճարն:

Այսօր առավոտյան, ժամը 10.30-ին, Մայր տաճարի Ավագ խորանի վրա տոնական ս. պատարագ մատուցեց Տ. Եղիշե քին. Բաղրամյանը: Ս. պատարագի սուրբ գրական ընթերցումներից առաջ, սկսվեց հոգևոր ճեմարանի վերջին լսարանի յոթ ուսանողների, ինչպես նաև Ս. Գայանե վանքի կիսասարկավազ Ռազմիկ Հովհաննիսյանի սարկավազական ձեռնադրությունը, խարտավիակությամբ Տ. Եպրաս աբեղա Ներսիսյանի:

Նորընծաները իրենց կիսասարկավազական կոչումը ստացել էին փետրվարի 12-ին, հավարտ «Նաղաղական» ժամերգության: Նախորդ օրը, «Երեկոյան» ժամերգությունից հետո, հոգևոր ճեմարանի 7 լսարանի յոթ



Մի պահ ձեռնադրությունից

ուսանողներ իրավունք էին ստացել կրելու ուրար, իսկ Գ և Բ լսարանների մի խումբ սաների շնորհվել էին դպրության չորս աստիճանները:

Չեռնադոլությունը խորհրդանշվեց վկայակոչությամբ՝ «աստուածային և երկնային շնորհ, որ միշտ լնու պայտս սրբոյ սպասաւորութեան առաքելական եկեղեցւոյ, կոչէ վնոսա ի դպրութենէ ի սարկաւագութիւն ըստ վկայութեան անձանց իւրեանց և ամենայն ժողովրդեան»:

Այնուհետև Մայր Աթոռի լուսարարապետ գերաշնորհ Տ. Հուսիկ արքեպ. Սանթուրյանը, օրհնությամբ տվեց «պտուրբ ուրարս», «իջխանութիւն ընթեռնույ պտուրբ Աւետարանս, յեկեղեցիս Աստուծոյ» և «իրաման խնկարկել և բուրել հոտ անուշութեան ի սպասաւորութիւն խորհրդոյն»:

Չեռնադոլության արարողությունից հետո, ձեռնադրիչ Տ. Հուսիկ արքեպ. Սանթուրյանը նորընծաներին ուղղված ոգեշունչ և խրատական քարոյ խոսեց:

Հավարտ ս. պատարագի հոգևոր ձեմարանի տեսուչ Տ. Եկնիկ քին. Պետրոսյանը նորընծաներին առաջնորդեց Վեհարան, որտեղ Նորին Սրբությունը հայրական սիրով ընդունեց Իր հոգևոր պավակներին, օրհնեց նրանց հոգևոր ծառայության ուխտը և մաղթեց, որ լինեն հավատքին նվիրված և աղոթքի մարդիկ:

Ժամը 14.30-ին, միաբանական սեղանատանը, տրվեց ճաշկերույթ՝ ի պատիվ նորընծա սարկավագների:

Նորընծաներին ուղղված շնորհավորական խոսքով հանդես եկավ հոգևոր ձեմարանի փոխտեսուչ Տ. Հայկապուն վրդ. Նաջարյանը՝ մաղթելով, որ նորընծաները ունենան անկեղծ նվիրում Հայ Առաքելական Եկեղեցուն ու հայ ժողովրդին:

Հանուն սարկավագների, երախտագիտության և շնորհակալական խոսք ասաց Ռապիկ սարկավագ Իսախանյանը:

*
*

Տիգրան սարկավագ Ջուֆայան. ծնվել է 1963 թ. Բեյրութում: Շնորհավայրում ստացել է ութամյա կրթություն: 1976 թվականին եղել է Երուսաղեմի Ս. Հակոբյանց ծառագավորաց վարժարանի սան: 1977 թ. ընդունվել է Ս. Էջմիածնի հոգևոր ձեմարան: 1979 թ. վերադարձել է Բեյրութ: Երեք տարի ընդմիջումից հետո՝ 1982 թ. վերընդունվել է Էջմիածնի հոգևոր ձեմարան:

Գևորգ սարկավագ Գյուլգյուլյան. ծնվել է 1960 թ. սեպտեմբերի 15-ին, Բեյրութի Պուրճ-Համուտ թաղամասում: Նախնական կրթությունը ստացել է ծննդավայրի Վահան Թեքեյան Ազգային վարժարանում: 1977—1979 թթ. սովորել է Մեծի Տանն Կիլիկիո կաթողիկոսարանի դպրեմանքում: 1979 թ. ընդունվել է Մայր Աթոռի հոգևոր ձեմարան: 1980 թ. վերադարձել է Բեյրութ: 1982—1983 ուստարեջրջանին վերընդունվել է Ս. Էջմիածնի հոգևոր ձեմարան:

Հովակիմ սարկավագ Քիլեճյան. ծնվել է 1967 թ. Էջմիածնի քաղաքում: 1974—1979 թթ. սովորել է ծննդավայրի № 1 միջնակարգ դպրոցում: 1979 թ. ընդունվել է Մայր Աթոռի հոգևոր ձեմարան:

Հրաչ սարկավագ Հակոբյան. ծնվել է 1965 թ. Իրաքի Մուսուլ քաղաքում: 1970 թ. ընտանիքով բնակություն են հաստատել Բաղդադում, որտեղ և Հրաչ սարկավագը ընդունվել է «Թարգմանչաց» դպրոցը: 1979 թ. ավարտելով Բաղդադի «Թարգմանչաց» դպրոցի լրիվ դասընթացը, նույն թվականին ընդունվել է Մայր Աթոռի հոգևոր ձեմարան:


Ռապիկ սարկավագ Իսախանյան. ծնվել է 1963 թ. Իրանի Հապաքըրի գյուղում: 1969 թ. ընտանիքով ներգաղթել են Մայր Հայաստան և բնակություն հաստատել նախ Հոկտեմբերյան, ապա Էջմիածնի քաղաքներում: 1970—1980 թթ. սովորել և ավարտել է Էջմիածնի քաղաքի № 1 միջնակարգ դպրոցը և նույն թվականին ընդունվել Ս. Էջմիածնի հոգևոր ձեմարան: 1981—1983 թթ. ծառայել է Սովետական բանակում: Չորս-հինգ տարեկան ծառայությունից հետո շարունակել է ուսումը հոգևոր ձեմարանում:


Գևորգ սարկավագ Մկրտչյան. ծնվել է 1961 թ. Եղեգնաձորի շրջանի Ռինդ գյուղում: 1968—1978 թթ. սովորել և ավարտել է տեղի միջնակարգ դպրոցը: 1980—1982 թթ. ծառայել է Սովետական բանակում: 1982—1983 տարեջրջանին ընդունվել է Ս. Էջմիածնի հոգևոր ձեմարան:

Մանվել սարկավագ Մաթևոսյան. ծնվել է 1960 թ. Էջմիածնի քաղաքում: 1967—1977 թթ. սովորել և ավարտել է ծննդավայրի № 2 միջնակարգ դպրոցը: 1979—1981 թթ. ծառայել է Սովետական բանակում: 1981 թ. ընդունվել է Ս. Էջմիածնի հոգևոր ձեմարան:

Ռազմիկ սարկավագ Հովհաննիսյան. ծնվել է 1941 թ. սեպտեմբերի 1-ին, Աշտարակի շրջանի Ագարակ գյուղում: Ավարտել է տեղի միջնակարգ դպրոցը: 1960—1963 թթ. ծառայել է Սովետական բանակում: Ռազմիկ սարկավագը երկար տարիներ ծառայել է Ս. Գայանե վանքում՝ իր մասնակցությունը բերելով վանքի ծիսական արարողություններին:

«Էջմիածին» ամսագրի խմբագրությունը ջերմորեն շնորհավորում է նորընծա սարկավագներին և մաղթում, որ նրանք լինեն ճշմարտապես գիտակից սպասավորները Հայ եկեղեցու և հայ ժողովրդի:





ԵԿԵՂԵՑԱԿԱՆ ԲԵՄ. ԼՈՒՐԵՐ

Փետրվարի 2-ին, կիրակի.— Այսօր Մայր տաճարում, Ավագ խորանի վրա, ս. պատարագ մատուցեց Տ. Նարեկ քին. Մատարյանը և «Հայր մեր»-ից առաջ քարոզ խոսեց՝ «Ոչ այնպես իցե և ի ձերում միջի. այլ որ կամիցի ի ձենջ մեծ լինել՝ եղիցի ձեր պաշտօնեայ. եւ որ կամիցի ի ձենջ առաջին լինել՝ եղիցի ձեր ծառայ» (Մատթ. Ի 26—27) բնաբանով:

Ս. պատարագին ներկա էր Վեհափառ Հայրապետը:

* *

Փետրվարի 9-ին, կիրակի.— Բուն Բարեկենդան:

Այսօր Մայր տաճարում, Ավագ խորանի վրա, ս. պատարագ մատուցեց Տ. Չավեն արքեպիսկոպոսը:

«Հայր մեր»-ից առաջ քարոզ խոսեց ուխտավորաբար Մայր Աթոռում գտնվող Ուրուգվայի հայոց թեմի առաջնորդական տեղապահ Տ. Հակոբ ծ. վրդ. Գըլընձյանը՝ «Ոչ ոք կարե ասել Տեր պիտուս, եթե ոչ Հոգւովն Սրբով» (Ա Կորնթ. ԺԲ 3) բնաբանով:

Ս. պատարագին ներկա էր Վահագն Հայրապետը:

* *

Փետրվարի 12-ին, չորեքշաբթի.— Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:

* *

Փետրվարի 13-ին, հինգշաբթի.— Այսօր, երեկոյան, Մայր տաճարում, Վեհափառ Հայրապետի նախագահությամբ, տեղի ունեցավ Տյառնընդառաջի նախատոնակի ժամերգությունը:

Ավելի ուշ, ժամը 19-ին, հոգևոր ճեմարանի մարզադաշտում բոցավառվեց Տյառնընդառաջի ավանդական խարույկը:

* *

Փետրվարի 16-ին, կիրակի.— Քառասնորդական պահոց (Արտաքսման):

Այսօր Մայր տաճարում, Ավագ խորանի վրա, ս. պատարագ մատուցեց Տ. Խաչատուր քին. Ֆրանկյանը:

«Հայր մեր»-ից առաջ քարոզ խոսեց Տ. Եկրաս արքեպիսկոպոսը՝ «Վա՛յ աշխար-

հի ի գայթակղութեանց. հարկ է գալ գայթակղութեանց, բայց վա՛յ մարդոյն այնմիկ յոյր ձեռն գայցէ գայթակղութիւն» (Մատթ. ԺԸ 7) բնաբանով:


«Հայր մեր»-ից առաջ քարոզ խոսեց Տ. Հայկապուն վրդ. Նաջարյանը՝ «Հայր, մեղայ յերկինս և առաջի քո» (Ղուկաս ԺԵ 18) բնաբանով:

Փետրվարի 23-ին, կիրակի.—Քառասնորդական պահոց (Անառակին):

Այսօր Մայր տաճարում, Ավագ խորանի վրա, ս. պատարագ մատուցեց Տ. Միքայել քին. Կյուրեղյանը:

Փետրվարի 26-ին, չորեքշաբթի.— Այսօր Վեհարանում, Վեհափառ Հայրապետի նախագահությամբ, տեղի ունեցավ միաբանական հերթական հավաքույթ:





ԵԶՆԻԿ ՔԱՀԱՆԱ ՊԵՏՐՈՍՅԱՆ

Ծնվել է 1955 թվականի հունվարի 19-ին Թբիլիսիում:

1961—1967 թվականներին սովորել է Երևանի միջնակարգ դպրոցում:

1967 թվականին ընդունվել է Ս. Էջմիածնի հոգևոր ճեմարան:

1973 թվականին ավարտել է հոգևոր ճեմարանը և նույն թվականի հուլիսի 22-ին ձեռնադրվել քահանա Մայր տաճարում՝ ձեռամբ Ս. Սիոն արքեպ. Մանուկյանի:


1975 թվականի աշնանը պաշտպանել է վարդապետական թեպե՝ «Մովսես Երվնկացու դավանաբանական թղթերը» թեմայով:

1977 թվականին ընդունվել և 1981 թվականին ավարտել է Աթենքի համալսարանի աստվածաբանական ֆակուլտետը:

Տ. Եվնիկ քին, Պետրոսյանը 1980 թվականից առ այսօր վարում է Ս. Էջմիածնի հոգևոր ճեմարանի տեսչի պաշտոնը:


1985 թվականի դեկտեմբերի 16-ին Աթենքի համալսարանի աստվածաբանական ֆակուլտետում պաշտպանել է դոկտորական դիսերտացիա՝ «Հայ Եկեղեցու դիրքորոշումը սրբապատկերների նկատմամբ» թեմայով:

Աշխատության մեջ խոսվում է Հայաստանի քաղաքական և եկեղեցական վիճակի մասին Զ—ԺԲ դարերում, ապա տրվում է Հայ Եկեղեցու դիրքորոշումը Քաղկեդոնի ժողովի դավանաբանական որոշումների նկատմամբ, Հայ Եկեղեցու քրիստոսաբա-



նությունն ու դիրքորոշումը սրբապատկերների նկատմամբ մինչև Ը դար, ապա Հայ Եկեղեցու դիրքորոշումը սրբապատկերների նկատմամբ Թ—ԺԲ դարերում՝ համապատասխան եկրակացություններով:





ՎԱՀԱԳՆԻ ԾՆՈՒՆԴԸ

Խավար էր չորս դին,
Ու խավարի մեջ Աստված անխռով
Լույս էր արարում:

Ու տվեց պատգամ,
Որ լույսի միջից
Լույս ապգեր ծնվեն ու լույս կանթեղներ
Պահեն խավարում:

Արարչի կամքով փոթորիկ եղավ,
Երկինքն ավետեց,
Ու կայծակները խաչվեցին իրար:
Եղեգան փողից վազեց մի մանուկ՝
Աչքերը կրակ ու հաղթաբազուկ:
Երկնային ծովը երկնեց մի նոր ապգ,
Նայեց անհամբեր,
Ու իր ծնածից ինքը գոհ մնաց:

Հայ ապգը ծնվեց:

Ու ահեղագոչ Վահագնը լուսաչ
Վիշապների դեմ դուրս ելավ մարտի:
Խավար էր չորս դին՝
Դրա համար էլ մեր Քաջն իր ձեռքին
Սրի փոխարեն կանթեղ էր բռնել:

Նա հաղթեց՝ լույսով...
Ու կանգնեց հաստատ
Արագած սարի բարձր գագաթին՝
Լույսն իր ցանելով տիեզերքով մեկ,
Որպես Ծիր-Կաթին:

Ու անցան դարեր...
Բայց դարերի մեջ լույսն այդ չմարեց,
Նվազեց հաճախ...
Ու ամեն անգամ
Մի լուսաչ Վահագն,
Կամ մի սուրբ Մեսրոպ,
Կամ մի սուրբ Նարեկ,
Մարմինն իր դարձրեց կանթեղին պատրույգ,
Ու հոգին տվեց ձեթին կանթեղի՝
Որ լույսն Աստուծո երբեք չմարի:

Ու անցան դարեր...
Եվ եթե այսօր
Կանթեղի լույսը նվազի հանկարծ,
Ռոքի կկանգնեն բյուր հազար Վահագն,
Բյուր հազար Մեսրոպ, բյուր հազար Նարեկ,
Ու հին կանթեղը լույսն իր նորօրյա
Կսփռի նորից տիեզերքով մեկ:

ԳԵՎՈՐԳ ՍՐԿ. ՄԿՐՏՉՅԱՆ



ԹԵՄԱԿԱՆ ԿՅԱՆՔ

ԵԳԻՊՏԱՀԱՅ ԹԵՄՈՒՄ

1985 թվականին խանդավառ պայմաններում տոնախմբվեց Ալեքսանդրիայի Սուրբ Պողոս-Պետրոս եկեղեցու կառուցման և օծման 100-ամյակը:

Դեռևս 1984 թվականի սեպտեմբերի 10-ին Նորին Սուրբ Օծություն Ս. Տ. Վապգեն Ա Ամենայն Հայոց կաթողիկոսը թիվ 1297 սըրբատառ իր կոնդակով գրում էր այդ առթիվ. «Միջերկրականի ամփին բարձրացած Ս. Պողոս-Պետրոս եկեղեցին մշտավառ ջահի նըման ահա ուղիղ մեկ դարե ի վեր շարունակ քրիստոսի Ավետարանի լույսն ու ջերմությունն առատորեն կբաշխե ձեզ բոլորիդ, ի մխիթարություն ձեր հոգիներուն և ի շինություն ձեր կրոնական և մշակութային կյանքին՝ պահպանումովը մեր նախնյաց քրիստոնեական սուրբ ավանդություններուն»:

«Հորեյան մըն է այս,— խնդությամբ արձանագրում է Վեհափառ Հայրապետը Ալեքսանդրիա առաքված սրբատառ կոնդակով,— ...ոգեկան հաղթանակներեն մին եգիպտական հյուրընկալ ու մարդասեր արաբ ժողովրդի ծոցին մեջ: Հորեյան մը, որ ճըջմարիտ ավետիս մըն է նաև համայն մեր եկեղեցիին և հատկապես Մայր Աթոռ Սուրբ Էջմիածնի համար»:

Իրավ ոգեկան մխիթարություն էր, որ Վեհափառ Հայրապետը, ընդառաջելով եգիպտահայոց բարեջան առաջնորդ գերաշնորհ Տ. Ջավեն արքեպ. Չինչինյանի հրավերին, մեկ ուղարկեց մասնակցելու այդ հանդիսություններին:

1985 թվականի դեկտեմբերի 17-ին, Մոսկվա-Կահիրե չորսժամյա օդանավային թռիչքից հետո, հասանք Եգիպտոսի Արաբական Հանրապետության մայրաքաղաք: Մեզ դիմավորեց Տ. Ջավեն արքեպիսկոպոսը՝ ուղեկցողների՝ արժանապատիվ Տ. Նա-

րեկ քահանա Ֆրենճյանի ու բարեջնորհ Հարություն սարկավագի հետ: Պարզվեց, որ մինչև Ալեքսանդրիա մեկնումը 10—11 օր մնալու էինք այստեղ:

Հաջորդ օրն իսկ մզակվեց մի ծրագիր, և անմիջապես մենք առիթը ունեցանք տեսնելու Կահիրեի առաջնորդանիստ Ս. Գրիգոր Լուսավորիչ հոյակապ եկեղեցին, ճանաչելու թեմական և քաղաքական ժողովների անդամներին: Քաղաքավարական այցով եղանք համայնքի երեք՝ «Արև», «Ջահակիր» և «Հուսաբեր» թերթերի խմբագրություններում, այցելեցինք Գիպա և դիտեցինք Մեծ Բուրգը՝ աշխարհի յոթ հրաշալիքներից մեկը, Սֆինքսը, եղանք Սակկարայում, պետական-պատմական թանգարանում և այլուր:

* *

Եգիպտահայ պատմական գաղութը հին է, իսկ այսօրվա ժողովուրդը՝ դարձյալ եկեղեցասեր, հայաշունչ և հայրենասեր:

Եգիպտոսը մեզ հայտնի է մանավանդ Ալեքսանդրիայով, որը պատմությունից մեզ ծանոթ է իբրև քրիստոնեության կենտրոն՝ Կյուրեղ Աղեքսանդրացու, Աթանաս Մեծի, Որիգինեսի և ուրիշների, գիտության ու փիլիսոփայության քաղաք: Այստեղ ուսանելու է գնացել մեր պատմահայր Մովսես Խորենացին:

Ամենայն Հայոց կաթողիկոս Վապգեն Ա-ն 1956 թվականին հովվապետական այցելությամբ եղել է Եգիպտահայ թեմում և մեծ ընդունելության արժանացել պետական իշխանությունների կողմից: 1956 թվականի եպիսկոպոսական ժողովը գումարվել է Կահիրեի առաջնորդարանի մեծ դահլիճում:

Ժե դարում ստեղծվում են քաղաքական

բարենպաստ պայմաններ՝ շնորհիվ միջազգային առևտրի աշխուժացման ու մանավանդ Մուհամմեդ Ալիի՝ հայերի հանդեպ բարյացակամության: ԺԸ—ԺԹ դարերում հայ գաղութը աշխուժանում է: Հայրուր տարի առաջ կառուցված Ալեքսանդրիայի հայոց եկեղեցին արգասիքն է մշակութային-ազգային աշխույժ կյանքի: Հիմնվում են հայ դպրոցներ:



Կախիքի եկեղեցու վանգակատունը

Քաղաքի կենտրոնում գտնվող Ս. Գրիգոր Լուսավորիչ Մայր տաճարը կառուցվել է 1925—1928 թվականներին՝ հայկական ոճով: Բարերարներն են՝ Գր. Նդիայանը, Նուբար, Տիգրան և Տապրո փառաները, իսկ ճարտարապետը՝ Լևոն Նաֆիյանը:

Նույն բակում է գտնվում եռահարկ առաջնորդարանի շենքը՝ կառուցված Թորգոմ արքեպ. Գուշակյանի առաջնորդության շրջանին:

Ս. Մինաս եկեղեցին, որ կառուցվել է 1843 թվականին, վերանորոգվել է մի քանի անգամներ, գտնվում է հին գերեզմանատան մեջ: Այստեղ է, որ տարին մեկ անգամ կատարվում է սուրբ պատարագ և հոգեհանգստյան պաշտոն՝ եկեղեցու բարերարների, մեծ երախտավորների հոգիների համար:

Այժմ Եգիպտոսում հայերի թիվը տա-

սը հազարի չի հասնում: 1956 թվականին երբ Նորին Սրբություն Ս. Տ. Վապգեն Ա Ամենայն Հայոց կաթողիկոսը այցելեց Նեղոսի երկիր, հայերի թիվը հասնում էր քառասուն հազարի. մի մասը իր վերջին հանգրվանը գտավ Մայր Հայրենիքում, իսկ մյուս մասը գաղթեց հեռավոր ափեր՝ Ամերիկա և Կանադա: Չնայած այժմ հայերը թվով քիչ են, սակայն մնում են շատ հայրենասեր, եկեղեցասեր և Մայր Աթոռ Սուրբ Էջմիածնին հավատարիմ:

Ինչպես հայտնի է, այս հնավանդ գաղութը շուրջ ութսուն տարի առաջ (1906 թ.) ծնունդ տվեց նաև Հայկական Բարեգործական Ընդհանուր Միությանը, և այս կազմակերպությունն էր, որ սիրով իր մասնակցությունը բերեց «Սասունցի դավիթ» տանկային շարասյան հանգանակությանը, երբ մեր հայրենիքի գլխին կախված էր ֆաշիզմի ահավոր վտանգը:

Դեկտեմբերի 21-ի երեկոյան Հելիոպոլիս Նուբարյան ազգային վարժարանում, «Պլք-տանխան» սրահում, տեղի ունեցավ Կախիքի Հայ Աղքատախնամի տարեկան ձեռնարկը և հաջորդ օրը, դեկտեմբերի 22-ին, կատարեցինք մեր ուխտի պատարագը:

Թե՛ Աղքատախնամի տարեկան ձեռնարկին և թե՛ մեր ուխտի պատարագին հովանավորում էր Եգիպտոսի հայոց թեմի առաջնորդ Ս. Ջավեն արքեպիսկոպոսը: Մենք խոսեցինք Ս. Էջմիածնի, Մայր Հայրենիքի և Ամենայն Հայոց կաթողիկոս Ս. Տ. Վապգեն Ա-ի մասին:

Հանդեսին և սուրբ պատարագին ներկա էին գաղութի թեմական և գործադիր մարմինների անդամները, ազգային երեսփոխանները և մշակութային ջրհանակի վարիչները: «Ընդհանուր» երգչախումբը, ղեկավարությամբ երգահան Էդվարդ Հակոբյանի, Աղքատախնամի տարեկան ձեռնարկի առթիվ համերգ տվեց և կատարեց կիրակնօրյա սուրբ պատարագի երգեցողությունը:

Դեկտեմբերի 26-ին Կախիքի «Հայկական ընթերցասրահի» վարչությունը հուրասիրություն կազմակերպեց: Էդվարդ Հակոբյանը, հանուն «Հայկական ընթերցասրահի» վարչության խոսք առնելով, բարի գալուստ մաղթեց մեզ և ապա սեղմ գծերի մեջ ներկայացրեց «Հայկական ընթերցասրահի» վարչության ավելի քան 80-ամյա մշակութային և ընկերային բազմաբեղուն գործունեության պատկերը՝ շեշտելով, որ վարչությունը միշտ իրեն օժանդակ է ունեցել Մայր Հայրենիքը և Սուրբ Էջմիածինը: Մեր խոսքում դրվատեցինք նրանց նվիրումն ու համերաջակությունը, որ երաջիսքն է նրանց գուատման:

Կախիքում մենք առիթ ունեցանք քա-

դաքավարական այցելություն տալու Սովետական հյուպատոսին:

Դեկտեմբերի 28-ին մեկնեցինք Ալեքսանդրիա, ուր տեղի պիտի ունենար հոբելյանական հանդիսությունը:

Ալեքսանդրիայի Ս. Պողոս-Պետրոս 100-ամյա եկեղեցու մուտքին մեզ դիմավորեցին տեղի հոգևոր հովիվ արժանապատիվ Տ. Գրիգոր քին. Օհանյանը, ազգային վարչության անդամներն ու տասնյակ հավատացյալներ:

Ուխտի աղոթքից հետո Ալեքսանդրիայի հայ համայնքի, թեմական ու քաղաքական ժողովների անդամների անունից բարիգալուստան խոսք ասաց Տ. Չավեն արքեպ. Չինչիլյանը: Մեր հերթին պատասխան խոսքում շնորհակալություն հայտնեցինք իրավերի համար և հաղորդեցինք Նորին Սրբություն Տ. Տ. Վալզեն Ա Ամենայն Հայոց կաթողիկոսի օրհնությունները Մայր Աթոռ Սուրբ Էջմիածնից, ողջույններ՝ իրենց հայրենակիցներից և մանավանդ Հիրակի ուսանի հավատացյալ ժողովրդից:

Դեկտեմբերի 29: Տեսանք հայ համայնքի փառավոր եկեղեցին: Մտածեցինք աշխարհի խաղաղության մասին, որը համայն մարդկության և մանավանդ Հայ եկեղեցու մտահոգությունն է: Հիշեցինք կրակների մեջ այրվող Լիբանանը և այնտեղ ապրող ժողովուրդների համար մեր աղերսը առաքեցինք առ Աստված՝ ասելով. «Տեր Աստուած, տուր լիազորություն քո ամենայն աշխարհի»: Եկեղեցում հավաքված հոծ բազմությանը խոսեցինք Մայր Աթոռում տեղի ունեցած Վեհափառ Հայրապետի գահակալության 30-ամյա հանդիսությունների, Մայր Հայաստանի վերապարթունքի և արձանագրած մեծ հաջողությունների, Հիրակի թեմի մասին:

Սուրբ պատարագի ավարտին, որի երգեցողությունը կատարեց «Լուսավորիչ» երգչախումբը, եկեղեցական թափուրը շարժվեց դեպի հայոց գերեզմանները, և կատարվեց հոգեհանգստան պաշտոն հանգուցյալների հոգիների հանգստության համար:

Անուիեռն «Հոգևոր» արտասանեցինք եկեղեցու բակի մուտքին գտնվող կարմիր առանիտա քառից պատրաստված (կառուցված 1965 թ.) Աարիլյան եղեռնի հուշարձանի մոտ, մեր երկու միլիոն նահատակների հոգիների համար:

Օրն իր բացառիկությամբ շարունակվեց Պողոսյան վարժարանի «Մեքոնյան» մանկապարտեզի սրահում տեղի ունեցած ամսնոոյա հանդեսով: Մանկապարտեզի երեխաները անուշ մարմնի լեզվով, մանկական քառոտությամբ արտասանեցին, պարեզին, երգեցին: Մենք նրանց նվեր հանձնեցինք Ամենայն Հայոց Հայրապետ Տ. Տ. Վալզեն

Ա կաթողիկոսի անունից՝ Արարատ լեռան մեծադիր նկարը: Վերջում շնորհավորեցինք բոլորին՝ մաղթելով նրանց երջանիկ ու խաղաղ տարի:

Հանդեսը փակվեց Տ. Չավեն արքեպիսկոպոսի «Պահպանիչ» աղոթքով:

Հին տարվա՝ 1985 թվականի ճանապարհումը և նոր՝ 1986 տարվա դիմավորումը անցկացրինք Ալեքսանդրիայի Գործադիր ժողովի ատենապետ տիար Վահրամ Թո-



Ալեքսանդրիայի եկեղեցու զանգակատունը

սունյանի հարկի տակ, Տ. Չավեն արքեպիսկոպոսի և թեմական և քաղաքական ժողովների անդամների հետ միասին: Բոլորի մաղթանքն էր, որ հին տարին իր հետ տանի բոլոր չարիքներն ու թշնամությունները, և աշխարհում տիրի միմիայն խաղաղություն, և իրականանան մանավանդ մեր ժողովրդի բոլոր իղձերն ու երազանքները:

Նոր տարում սուրբ պատարագ մատուցեցինք Ալեքսանդրիայի Ս. Պողոս-Պետրոս եկեղեցում, որին նրկա էին բազում հավատացյալներ:

Ս. պատարագի ավարտին կատարվեց Հայրապետական մաղթանք:

Նոր տարվա առաջին օրը խանդավառ անցավ Ալեքսանդրիայի թեմական ժողովի

ցկյանս նախագահ Մարտիկ Չարքահանելյանի ընդունելության ժամանակ, որին ներկա էին Տ. Ջավեն արքեպիսկոպոսը, թեմական և քաղաքական ժողովների անդամներ, մշակութային, հասարակական և այլ ասպարեզների ներկայացուցիչներ: Նրանց շատ էր հետաքրքրում այսօրվա Մայր Հայրենիքի վերելքը և Մայր Աթոռի վիճակը: Մենք պատասխանեցինք նրանց հուզող հարցերին:

Նույնպիսի մեծ ընդունելություն կազմակերպվեց հունվարի 5-ին, Ս. Ծննդյան ճրագալույցի երեկոյան՝ տեր և տիկին Վահան Ալեքսանյանների հարկի տակ:

Հունվարի 6: Ս. Ծնունդ և Աստվածահայտություն:

Ալեքսանդրիայի Ս. Պողոս-Պետրոս եկեղեցում կատարեցինք հանդիսավոր սուրբ պատարագ: Եկեղեցին լեփ-լեցուն էր ոչ միայն հայ հավատացյալներով, այլև օտար հյուրերով:

Նորին Սրբություն Տ. Տ. Վազգեն Ա Ամենայն Հայոց կաթողիկոսի՝ Սուրբ Ծննդյան պատգամի ընթերցումից հետո, հանուն Հայ Եկեղեցու շնորհավորեցինք բոլոր ներկաների Նոր տարին՝ անդրադառնալով նաև տվետա-եզիպտական և հայ-եզիպտական բարեկամությանը, մաղթելով, որ այն շարունակվի դարեդար:

Երախտագիտական խոսք ասացինք եզիպտական կառավարությանը՝ Եզիպտոսում հայ ժողովրդի նկատմամբ ցուցաբերած դյուրությունների և վստահության համար:

Սուրբ պատարագից հետո առաջնորդարանում տեղի ունեցած հանդեսին իրենց շնորհավորանքի խոսքերով հանդես եկան հայ կաթողիկե և բողոքական փոքրամասնությունների ներկայացուցիչները, քաղաքի հունաց Պատրիարքության ներկայացուցիչ Տ. Ամբրոսիոս եպիսկոպոսը:

Կահիրեում ռադիոյով հայ ունկնդիրները լսեցին Ամենայն Հայոց Հայրապետի՝ Սուրբ Ծննդյան և Նոր տարվա պատգամը, որն ընթերցեց պատարագից Ջավեն արքեպիսկոպոսը, որից հետո Վեհափառի Սուրբ Ծննդյան քարոզը հաղորդվեց արաբերեն լեզվով:

Հունվարի 2-ին «Հառաջդիմասեր»-ի մեծ սրահում ելույթ ունեցանք «Շիրակի թեմը և Յոթվիրաց առաջնորդանիստ եկեղեցին» թեմայով:

Հաջորդ օրը, հունվարի 3-ին, նորից ելույթ ունեցանք «Տիգրան Երկաթ» հնագույն սրահում՝ «Հայկական հայրենասիրություն» թեմայով:

Բոլորի հետաքրքրության առարկան հայ-

րենիք-սփյուռք կապն էր, կարոտը հայրենիքի և Ս. Էջմիածնի նկատմամբ և ծանոթացումը Շիրակի թեմի հետ:

Հունվարի 7-ին տեղի ունեցավ Սուրբ Ծննդյան պատարագ ռուս ուղղափառ եկեղեցում: Ալեքսանդրիայի հայոց եկեղեցու Գործադիր մարմնի անդամ տիար Վ. Ալեքսանյանի հետ եղանք ռուս ուղղափառ եկեղեցում և սուրբ պատարագից հետ ներկա եղանք նրանց կազմակերպած ընդունելությանը, որտեղ շնորհավորեցինք ռուս հայրանքի և նրա հոգևոր հովիվ արժանապատիվ Տ. Դմիտրի քահանայի Սուրբ Ծնունդը և Նոր տարին: Ջերմ մթնոլորտում բաժակներ բարձրացվեցին ռուս-հայ և ռուս-արաբ բարեկամության կենացը, Նորին Սրբություն Տ. Պիմեն Պատրիարքի և Տ. Տ. Վազգեն Ա Ամենայն Հայոց Հայրապետի կենացները:

Հունվարի 8-ին վերադարձանք Կահիրե:

Ետդարձի ճանապարհին մտանք ղզա-տիների Սուրբ Մակարիոս վանքը: Մեզ դիմավորեց և բացատրություններ տվեց Տ. Իրենիոս վարդապետը: Երբ ոտաբորիկ մղտնում էինք Աբիսկիրոն եկեղեցին, հայր սուրբը մեզ ցույց տվեց հայերեն գրերը, որոնք վերջերս դուրս էին եկել ծեփերի տակից: Հուզվեցինք և մտքով ետ գնացինք դեպի մեր պատմության էջերը, երբ Գրիգոր Բ Վկայասեր կաթողիկոսը ուխտի այցով եկել էր այս տեղերը: «Շրջեր ընդ ամենայն անապատին Եզիպտացուց... և գնաց բնակել ի լեռնս ընդ միանձինս... և ստացաւ վարս խստակրօնս»: Նման խստակրոնությունը մինչև այսօր էլ կա այս անապատներում, այս վանքում, որ ունի 100 միաբան և 700 գործավորներ:

Հոգեկան մեծ լիցք ստացած բաժանվում ենք մեր քույր Եկեղեցու հպարտությունը հանդիսացող դպտական վանքից: Վանքը հանդիսանում է օպիս անապատում, որովհետև ունի հատուկ մի աշտարակ, որ մի տեսակ ուղեցույց է անապատով գնացողների համար և միաժամանակ ցոյ աահեստ:

Ինչքան ոճվար է սփյուռքի հատության համար՝ հալոնենիքից հեռու, օտար ավերում: Հասնացա և խոռապես թափանցեցի Տ. Ջավեն սոբազանի խոսքերի մեջ, երբ նա մի առիթով ասաց. «Երանի ձեզ, որ աղափսի կարոտը չի մաշեցնում ձեռք»:

Երկու օր հետո «Գեղարվեստասիրագի» ստահում կազմակերպվեց ողջերթի եռեկո: Մեծ շնորհակալական խոսքում անդրադարձանք հատկապես աջխառնի խաղաղության հարգին, որը կենսական անհրաժեշտություն է մանավանդ հայ ժողովրդի համար, և աղափսիաներում է միայն, որ կարելի կլինի

ավելի ամրապնդել Սուրբ Էջմիածին, հայրենիք-սփյուռք կապը: Շնորհակալություն հայտնեցինք առաջնորդ Տ. Չավեն սրբապանին, Կահիրեի և Ալեքսանդրիայի թեմա-

կան-քաղաքական ժողովների հարգարժան անդամներին, բոլոր ղեկավար ներկայացուցիչներին՝ ջերմ ընդունելության համար:

ՆԱՐԵԿ ԵՊԻՍԿՈՊՈՍ ՇԱՔԱՐՅԱՆ

ԱՄՍՏԵՐԴԱՄԻ ՀԱՅԿԱԿԱՆ ԵԿԵՂԵՑՈՒ ՎԵՐԱԳՆՈՒՄԸ

Մայր Աթոռ ռախությունն ունի հայտնելու, որ Փարիզի առաջնորդարանի և Ամստերդամի հայ համայնքի երկարամյա բանակցությունները հուլանդական իշխանությունների հետ պակվեցին հաջողությամբ, և Ամստերդամի հայոց պատմական եկեղեցին քաղաքապետարանի որոշումով պիտի վերավաճառվի հոլանդահայ գաղութին: Եկեղեցին ունի մեծ պատմական արժեք, և նրա վերադարձը իր բնիկ տերերին՝ խորհրդանիշն է Հայ եկեղեցու և սփյուռքահայ գաղութների կենսունակության:

Մեր ընթերցողներին որոշ տեղեկություններ ենք տալիս այդ պատմական եկեղեցու կառուցման և վիճակի մասին՝ ըստ Առաքել Սարուխանի «Ազգային Մատենադարան» մատենաշարով (թիվ ՃԺԴ/114) Վիեննայի Մխիթարյանների տպարանում 1926 թվականին լույս ընծայած «Հոլլանդան և Հայերը» գրքուկի, որտեղ հեղինակը փաստական և փաստաթղթային տվյալներով կառուցում է եկեղեցու պատմությունը՝ ավելացնելով ականատեսի իր վկայությունը:

Ըստ Առաքել Սարուխանի, առաջին հայ քահանան, որ երևացել է Հոլանդիայում, եղել է Մարկոս քին. Աբրահամյանը: Հոլանդացիները անտեղյակ էին հայերին և նրանց պատմությանը, նրանց ճանաչում էին որպես «կաթոլիկներ, որոնք Հռոմից կախում չունենին»: Հիմնականում հայ վաճառականներ էին գալիս Ամստերդամ և հետպիտե հիմնավորվում այնտեղ: Նրանց խորթ էր օտար եկեղեցին և արարողությունը, ուստի Ժեզարի կեսերին ծագեց սեփական աղոթատուն ունենալու անհրաժեշտությունը: 1663 թվականին ժամանակավորապես մի տուն վարձեցին և այն մատուռ դարձրին, Ս. Կարապետ անունով: Առաջին քահանայագործող եկեղեցականը եղավ Անդրիանեցի Կարապետ վարդապետը, որը մեծապես օգտակար դարձավ Ոսկան Երևանցուն՝ նրա տպագրական գործունեության մեջ:

Հաջորդ քայլը եղավ ունենալ սեփական բարեկարգ եկեղեցի: 1713-ին հայ առևտրա-

կանների ավագանին, Պապաջան Սուլթանյանի և Նիկողայոս Թեոդորյանի գլխավորությամբ, խնդրագիր ներկայացրեց քաղաքապետին՝ իրենց սեփական միջոցներով հայկական եկեղեցի կառուցելու համար: Քաղաքապետարանի 1713 թվականի հոկտեմբերի 26-ի որոշման մեջ ասված է. «Այստեղի հայ վաճառականների խնդրանքի հիման վրա, պատշաճավոր խորհրդակցություններից հետո բարի համարվեց արտոնել, որ նրանք այս քաղաքում մի տուն գնեն և եկեղեցիի վերածեն՝ իրենց հատուկ աստվածային պաշտամունքը կատարելու համար»:

Ուստի հայերը այդ ժամանակի քաղաքի կենտրոնական Boomsloot փողոցի վրա մի շենք գնեցին, որ պահեստ էր, քանդեցին բոլորովին և եկեղեցի կառուցեցին՝ բարեկարգ պարդարանքով, եկեղեցական սպասքով և զգեստներով: Անհրաժեշտ էր օծել եկեղեցին, ուստի ժամանակի Աստվածատուր Ա (1715—1725) Ամենայն Հայոց կաթողիկոսին հղեցին հետևյալ աղերսագիրը.

«Հայկապյան տոհմիս երիցս երանյալ Վեհափառ և բարձրագահ Դիտապետիդ, Տեր Աստվածատուր՝ լուսաբնակ Սուրբ Էջմիածնի արժանաժառանգ Աթոռակալիդ և մեր Գերարքիպիարաջ Հոր՝ Լուսավորչի պանծալի Հաջորդիդ՝ ծնրադիր երկյուղածությամբ մատուցում ենք մեր որդիական ողջույնը նաև խնդալից սրտով Ձերդ Սրբության երանելի իշխանությանը շնորհավորում ենք մենք այստեղ՝ Ամստերդամում եղող ներքոգրյալ հայազգի նվաստ որդիները Սուրբ Աթոռիդ:

Մի փոքր հայտարարություն ունենք մեր Հորը: Շատ վաղուց մերազգի վտարանդի վաճառականներս՝ առևտրի համար օրը օրի վրա՝ ավելանալով գալիս ենք այստեղ՝ այս ծովապարտիակ, տիեզերահոջակ, բազմամարդ, սքանչելիորեն ամենահարուստ, մեծապոր և իրավադատ Ամստերդամ քաղաքը, այդ պատճառով էլ հարկավոր համարեցինք ունենալ մեր առանձին տեղը՝ սուրբ պատարագի համար, մեր համար մի առանձին տեղ սահմանեցինք՝ քահանայով հանդերձ, որ-



Ամստերդամի հայկական եկեղեցին

տեղ միջտ և անխափան կերպով լսում ենք աստվածային պաշտամունքը ըստ մեր կարգի և օրենքի:

Բայց քանի որ այդ տեղը վարձել էինք և հարմար չէր, մի տասնամյակ առաջ հայազգի վաճառականներն համաձայնվեցինք այստեղ մի հաստահիմն եկեղեցի կանգնել, սակայն այլևայլ պատճառներով մինչև այսօր չէր իրագործվում: Իսկ այժմ Սուրբ Հոգու բարեհաճությամբ և համախոհ ու միաբան համաձայնությամբ, մենք, այստեղ եղող հայազգի վաճառականներս, գնեցինք մի հաստահիմն եկեղեցու տեղ, քաղաքիս մեծապարիսպի բարձրաբերձ իշխանների հրամանով ձեռնարկեցինք շինել անհրաժեշտ և փափագելի եկեղեցին՝ հաստակառույց հիմքով՝ ի փառս մեր Տիրոջ և ի պարծանս Արամյան ազգիս:

Հետևաբար մեծ թախանձանքով հայցում ենք, որ Սրբազան Հայրդ ունկնդիր լինեք մեր համառոտաբանությանը:

Չեր Սուրբ Աթոռի հրամանով միջտ այստեղ մի քահանա է եղել կատարելու համար աստվածային պաշտամունքը, մինչև Երևանցի Տեր Հովհաննեսի վախճանումը, որից քիչ ժամանակ անցնելուց հետո լուսահոգի Աղեքսանդր կաթողիկոսի հրամանով այստեղ եկավ Հովակիմ վարդապետը և ավելի քան մեկ տարի մնալուց հետո գնաց այստեղից մեծն Հռոմ, որտեղ դեռևս դեգերելով մնում է: Եվ մենք այսպիսի մի գրության մեջ համար մի քահանա խնդրեցինք լուսահոգի կաթողիկոսից, բայց նա վախճանվեց, երբ մեր թուղթը դեռ չէր հասել նրան:

Թեև Հովակիմ վարդապետը այստեղ թողեց իր նորընծա միայնակյացին՝ Տեր Եղիսե անունով, Փիլիպպոսի որդին՝ Սորք գյուղից, բայց սա կամավոր հոծարությամբ չի ուզում մնալ այստեղ, քանի որ տարիքով փոքր է և կրոնականացող, իսկ այս քաղաքը հոլանի և շաքարադեմ:

Ուստի միաբերան համաձայնությամբ խընդրում ենք Չերդ Բալճրագահությունից հոգավ մեզ և արագ կերպով այստեղ մի քահանա ուղարկել՝ տարիքով առույգ և գիտությամբ կատարյալ, ոչ կանամբի՝ կին ունեցող, այլ լինի ըստ Պողոսի սահմանածի Ա Տիմոթեոսի Գ գլխի 2-րդ համարում. աղ լինի, որով անհամը աղի դառնա, և լույս լինի, որ լուսավորի բոլոր մարդկանց: Կարող լինի նաև դիպուկ ժամին ողջամիտ վարդապետությամբ քարոզել և պատասխանել հարցումներին, որ այստեղ տալիս են միջտ այլազգիների բանասերները: Քահանան ընտանիքի հոգս չունենա, այլ այրի կամ կուսակրոն քահանա, որ մինչև կյանքի վերջը այստեղ մնա: Նա թող Չերդ Վեհույունից հրաման ունենա օծելու մեր այս նորակերտ եկեղեցին. ջնորհեցեք նրան երկու թուղթեր, որոն-

ցից մեկը հանձնարարական լինի քահանայի համար, մյուսը՝ պատվիրան այստեղ եղող հայ ժողովրդին, որպեսզի եթե քահանան իր խոսքով կամ գործով վրիպում թույլ տա, կամ խոչընդոտ հանդիսանա մեր եկեղեցական սահմանումների ու կարգերի դեմ, սրանք կարող լինեն խրատել նրան ըստ հանցանքների, որովհետև անհնար է դժվար ժամանակներում անմիջապես տեղեկացնել Սուրբ Աթոռից բոլոր լուրերը, քանի որ այս վայրը շատ հեռու է այնտեղից:

Եվ մենք այստեղ եղողներս խոստանում ենք անձեռնմխելի զանձանակ հաստատել Սուրբ Աթոռից անունով, որտեղ լուծալաչափ պտուղ կմատուցվի Սուրբ Տեղիդ, որովհետև այստեղ մեր ազգից գրեթե ոչ մեկը բնակություն չի հաստատել, իսկ երթևեկող վաճառականներ ավելի քիչ են՝ այսինքն ուսսից երեսուկի շուրջ, այն էլ երբեմն:

Այս է մեր խնդիրը Չերդ Բարձրագահ Վեհափառության, որին միջտ և ամեն ինչում կմանք հարուստ և հնազանդ որդիներ:

Գրվեց Ամստերդամում 1715 Տիրույ տարում և հայոց 1164 թվականին, սեպտեմբերի 20-ին:

Ներքոհիշյալ վաճառականների հավանությամբ այս թուղթը հորինվեց շարադրությամբ և տպագրությամբ Ղուկաս Իսաիր Վանակեցու:

Սորակառույց եկեղեցին օծվում է «յանուն Հոգւոյն Սրբոյ»: Սակայն եկեղեցին իր հաստատուն եկամուտը չունեւ, ուստի գաղութը տարեկան տուրք է նշանակում, «որպեսզի եկեղեցին, որ բովանդակ հայ գաղութի մխթարությունն է, կարենա իր գոյությունը պահպանել»:

1833-ին Ամստերդամ իբրև հոգևոր հովիվ եկավ ձեռնասուն և նվիրյալ Հովհաննես վարդապետ Ամասիացի, որ ժրջան աշխատանքով և իր անձնական ծախսերով 1849 թվականին վերանորոգեց եկեղեցին և բերեց այժմյան տեսքին: Ներքին հարդարանքի ծախսերը հոգաց մի հարուստ վաճառական՝ Առաքել Տեր Առաքելենց:

ԺԸ դարի կեսերից գաղութի թիվը սկսեց նվազել. նոր վաճառականներ այլևս չէին գալիս: 1774-ին եկավ Դանիել քահանա, որ ծուխի նվազմանց և ապրուստի միջոցներից զուրկ լինելու պատճառով 1806 թվականին փակեց եկեղեցին և հեռացավ. այդ թվականից ի վեր հայոց լեզուն և հայ պաշտամունքը լռել են Ամստերդամի եկեղեցում:

Գաղութի վերջին անդամը՝ Ստեփան Գարեթյանը, մահացել է 1835-ին: Երկար տարիներ եկեղեցին իր գույքով վեճի նյութ դարձավ, և հոլանդական դատարանը Ֆրանսուա Թեոդոր Լուրլինեքին խնամակալ կարգեց,

որն իրավունք ուներ եկեղեցին վարձու տալու այլ համայնքի: 1845 թվականին պահանջատեր կանգնեց Մայր Աթոռը, որպես զուգաբոլոր հայկական եկեղեցիների: Դատարանը նախ մերժեց, մինչև որ 1873-ին Հաագի ռուսական դեսպանը պաշտոնագիր ներկայացրեց հոլանդական կառավարությանը, որով հաստատում էր Ամենայն Հայոց կաթողիկոսի իրավական պահանջը: Դատարանը ճանաչեց Մայր Աթոռի իրավասությունը և ամեն ինչ հանձնեց կաթողիկոսի հավատարմատար J. Wertheim-ին: Վերջինս գործելով ըստ հրահանգի, եկեղեցին աճուրդի հանեց 1874 թվականի մարտի 9-ին: Հետաքրքրական է, որ վաճառքի ենթակա չեն եղել հայերեն արձանագրությունները: Գնողը իրա-

վունք է ունեցել դրանք տեղափոխել, բայց «եթե այս տեղափոխության ժամանակ որևէ վնաս կամ կորուստ պատահի, գնողը պարտավոր է հատուցանել վնասը կամ նորոգության ծախսը՝ հոգալ: Գնողը պատասխանատու է այդ իրերի անվնաս պահպանման» (Անդ, էջ 164): Ենթե գնել է Ամենասուրբ Փրկչի Բարեգործական Միությունը, որ որոշել է եկեղեցին և հարակից շենքը օգտագործել միայն կրոնական-բարեգործական նպատակով և ըստ այնմ էլ այն հանձնել է իր կրոնական կարգի մայրապետներին, որոնք հայ եկեղեցու շենքը վերածելով աղջկանց դպրոցի, պահել են այն մինչև այսօր:

ԵՐՎԱՆԻ ՄԵԼՔՈՆՅԱՆ

ՍԱՐԿԱՎԱԳԱՑ ՁԵՌՆԱԴՐՈՒԹՅՈՒՆ ԼԻՈՆԻ Ս. ՀԱԿՈԲ ՀԱՅՈՑ ԵԿԵՂԵՑՈՒՄ

Դեկտեմբերի 1-ին, Հիսնակաց Բ կիրակի օրը, հոգևոր ուրախության և հուպումի բալում պահեր ապրեցին հարյուրավոր լիոնցի և ջրջակայից հայեր՝ ներկա գտնվելով Ս. Հակոբ Մայր եկեղեցում կատարվող եկեղեցական հանդիսություններին:

Առավոտյան ժամը 10-ին սկսվեց հանդիսավոր ս. պատարագը: Օրվա պատարագիցն էր Հայրապետական Պատվիրակի Լիոնի փոխանորդ Գերշ. Տ. Նորվան եպս. Չաքարյանը: Սրբապան հորը ս. խորանի վրա սպասարկում էին Տ. Վրթանես և Տ. Իսահակ քահանա հայրերը և դպրաց դասը:



Մի պահ ձեռնադրությունից

Ս. պատարագի քառաձայն երգեցողությունը կատարում էր եկեղեցու «Կոմիտաս» երգչախումբը՝ ղեկավարությամբ տիար Հովհաննես Պերպերյանի:

Ս. գրական ընթերցումներից առաջ՝ սկսվեց սարկավագաց ձեռնադրության արարողությունը: Երկու ընծայալները՝ Գևորգ Փոխանյան և Սահակ Սուքիասյան, առաջնորդությամբ խարտավիակ Ս. Ջատիկ արեղա Ավետիքյանի, ծնրադիր, շարականների ու սաղմոսների երգեցողության ներքո, մոտեցան ս. խորանին, որից հետո պատարագիչ Ս. Նորվան եպիսկոպոսը, համաձայն ձեռնադրության մաշտոցի, սկսեց արարողությունը: Նորընծաներն իրենց կիսասարկավագության աստիճանն ստացել էին մեկ օր առաջ, նոյեմբերի 30-ին, ջաբաթ երեկոյան, «Կիրակամտից» ժամերգությունից անմիջապես հետո:

Եվ այսպես սաղմոսներ, շարականներ, ընթերցվածներ, աղոթքներ...

Մոտեցավ ձեռնադրության ամենախորհրդավոր պահը: Հնչեց Ս. Հոգու շնորհաբաշխության «Աստուածային և երկնաւոր շնորհըս...» շարական-աղոթքը:

Այնուհետև Սրբազան հայրը ձեռնադրության աղոթքները կարդալուց հետո, նորընծաներին շնորհեց սարկավագության ուրարներ կրելու, ինչպես նաև ս. խորանին սպասարկելու իրավունքը:

Ձեռնադրության արարողության ավարտին Նորվան սրբազանը, շնորհավորելով Գևորգ և Սահակ սարկավագներին, հոգևոր-խրա-

տական քարոզ խոսեց՝ վեր հանելով սարկավագի, որպես եկեղեցու սպասավորի անձնվիրության և հոգևոր ծառայասիրության հատկանիշները և ապա հորդորելով նրանց սասց:

«Բարեշնորհ սարկավագներ,

Հետ այսու ձեր նալվածքը անդուլ լարված պիտի պահեք դեպի Հիսուս Քրիստոս: Վառ հույսերով պիտի նայիք դեպի Մայր Աթոռ Ս. Էջմիածինը, աներկյուղ հավատով պիտի դիտեք Լուսավորչի կանթեղը: Հիշելու եք միշտ սարկավագներու պաշտպան սուրբը՝ Ստեփանոս Նախավկան, որուն բարեխոսության հաճախ պետք է դիմեք՝ խնդրելով, որ Աստված բազմացնե ու շատցնե Հայ Առաքելական Եկեղեցվո սպասավորները, մշակները, որոնցմով երաշխավորվելու է Հայ Եկեղեցվո պայծառությունը և կենսավորվելու է մեր հավաքական կյանքը»:

Եկեղեցական արարողությունից հետո, եկեղեցուն կից «Ազգային տան» սրահում, Ազգային միության վարչությունը, եկեղեցու հոգաբարձությունը և Տիկնանց միությունը, ի պատիվ նորընծա սարկավագների, կապակերպել էին շնորհավորանքի և մաղթանաց գինեձոն, որի ընթացքում փոխանակվեցին ողջույնի և շնորհակալության խոսքեր:

Այս հանդիսությունները լիոնահայ հոգեվոր-եկեղեցական կյանքի համար նոր լիցք ու նոր ամյուն հանդիսացան:

ԶԱՏԻԿ ԱԲԴ. ԱՎԵՏԻՔՅԱՆ

ՍԱՐԿԱՎԱԳԱԿԱՆ ՁԵՌՆԱԴՐՈՒԹՅՈՒՆ ՄԵԼԲՈՒՌՆԻ ՀԱՅՈՑ Ս. ԱՍՏՎԱԾԱԾԻՆ ԵԿԵՂԵՑՈՒՄ

1985 թվականի դեկտեմբերի 15-ին, կիրակի օրը, Մելբուռնի հայոց Ս. Աստվածածին եկեղեցում կատարվեց սարկավագական ձեռնադրություն: Օրվա սուրբ և անմահ պատարագը մատուցեց և ձեռնադրությունը կատարեց Ավստրալիայի և Նոր Զելանդիայի հայոց թեմի առաջնորդ Ս. Աղան եպիսկոպոս Պալիոպյանը: Խարտավիակի պաշտոնը կատարեց Ս. Ներսես քահանա Գրուպյանը՝ սարկավագների խմբի օգնությամբ:

Ընծայալը՝ Վիգեն Ավետյանը, փոքր տարիքից նվիրված է եղել Հայաստանյայց Եկեղեցու ծառայությանը: Նա դպրության աստիճան է ստացել Հալեպում, իսկ ուրար

կրելու իրավունք՝ Մելբուռնում:

Ձեռնադրիչ սրբազան հայրը իր խրատական քարոզում բացատրեց սարկավագության նշանակությունը՝ շեշտը դնելով ծառայասիրության վրա:

Որքան հուպիչ էր պահը, երբ ընծայալը հավատքով ու գիտակցությամբ ծնրադրեց սուրբ խորանի առաջ՝ ստանալու համար այս նվիրական աստիճանը: Կրկնակի հուպիչ էր պահը, երբ ձեռնադրիչ սրբազան հայրը Վիգեն Ավետյանի ուսին գցեց ուրարը՝ որպես նշան քաղցր լուծի, կոչումի ու պոռություն:



Մի պահ ձեռնադրությունից

Ձեռնադրության ավարտին Վիգեն սարկավագ Ավետյանը, պորացած Սուրբ Հոգու շնորհներով, սպասարկեց սուրբ խորանին՝ խնկարկելով ու վերաբերում կատարելով:

Ս. պատարագի ավարտին ձեռնադրիչ սրբական հայրը և Վիգեն սարկավագը ընդունեցին ներկա հավատացյալների շնորհավորանքներն ու բարեմաղթությունները:

ՎԱՐՂԱՆԱՆՑ ՏՈՆԸ ԻՐԱՔԱՀԱՅ ԹԵՄԻ ՄԵՋ

Հինգշաբթի, 6 փետրվար 1986, Տոն Սըրբոց Վարդանանց Չորավարացն մերոց, ցընծալի օր մը եղավ իրաքահայության համար:

Աշխատանքի օր ըլլալուն պատճառով ժամանակե մը ի վեր Վարդանանց հանդիսությունները տեղի կունենան երեկոյան: Այս տարի ևս հոծ բազմության մը ներկայության առաջնորդանիստ Սր. Գրիգոր Լուսավորիչ եկեղեցվո մեջ ս. պատարագ մատուց թեմիս բարեխնամ առաջնորդ Ս. Ավագ Եպիսկոպոս Ասատուրյանը: Պատարագի հոգեղեն երգեցողության իր մասնակցությունը բերավ «Չվարթոնց» երկսեռ դպրաց դասը:

«Հայր Մեր»-են առաջ պատարագիչ առաջնորդ սրբականը իր քարոզին մեջ պանծացուց հիշատակը Վարդանի և 1036 վկաներուն, ի միջի այլոց հաստատելով թե՛

«Քաջամարտիկ Մամիկոնյան սպարապետը ու իր անձևվեր պինակիցները հայոց պատմության ոսկեգիր մատյանին մեջ կնեկայանան որպես անշեջ փարոսներ, որպես մշտավառ լույս, հույսը նավուն՝ փոթորկոտ ծովուն վրա: Ավարայրեն ցայսօր 1500 և ավելի տարիներ վերջ, մերազն ժողովուրդի այն պավակները որոնք սփյուռքյան պայմաններու բերումով կապրին տարբեր երկինքներու ներքո հաճախ ենթակա հավատքի նոսրացման ու ապապգայնացման վրտանգներուն, ահավասիկ Հայ Եկեղեցվո լուսապասկ ճանապարհին վրա, տարին անգամ մը գոնե, կհանդիպին Վարդանին ու Ղևոնդ երեցին, Հովսեփ Հողոցմեցի կաթողիկոսին ու հայ պալատականին, Հայ Եկեղեցվո նվիրյալ սպասավորներուն ու երամ-

երամ հավատավոր ժողովուրդին, հանդիպում՝ որ անպայմանորեն պիտի հագեցնեն մեր ծարավ հոգիները՝ նորոգող կանչ մը հանդիսանալով՝ վերստին վերադառնալու հայ ժողովուրդի ճշմարիտ հոգևոր արժեքներուն ու իրավ ազգային բյուրեղ դիմագիծին:

Վարդանանց հիշատակը մշտական հրավեր մըն է դարերու խորքերեն եկող, կոչ մը

թյամբ ավագության պատիվ և սև ծաղյա փիլոն կրելու իրավունք շնորհվեցավ թեմիս հոգևորականներեն արժ. Տ. Օջական քին. Գլըճյանին իր քահանայական ձեռնադրության 20-ամակին առթիվ:

Պատարագի վերջավորության առաջնորդարանի դահլիճին մեջ տեղի ունեցավ ընդունելություն ի պատիվ նորոգ պարգևատրված Տ. Օջական ավագ քահանայի, որը



Ավագ եպս. Ասատուրյանը կարդում է Վեհափառ Հայրապետի սրբատառ կոնդակը

մերօրյա և գալիք սերունդներուն՝ ամուր պահելու հավատքը հայուն Էջմիածնով նվիրականացած ու պայմանավոր, ինչպես նաև կառչած մնալու մշակութին հայոց՝ Մեսրոպատառ հիասքանչ նշանագրությամբ խորհրդանշված: Այո, Վարդանանք գիտակցաբար ընտրեցին Ավարայրի ճակատագիրը, կամովին ընդունելով նահատակության պանծալի պսակը, որպեսզի հարատև մնան Էջմիածինն ու Այբուբենը ամենայն հայոց, զույգ գրավականները ազգիս հավատքի ու մշակութի անանց գոյության»:

Քարոզի վերջավորության տեղի ունեցավ Հայրապետական մաղթանք, ապա ընթերցվեցավ Ն. Ս. Օ. Տ. Տ. Վազգեն Ա Ամենայն Հայոց կաթողիկոսի սրբատառ կոնդակը, որով առաջնորդ սրբապան հոր միջնորդու-

շնորհակալություն հայտնելով առաջնորդ սրբապան հորը այս վստահության համար, ավելցուց ընելով.

«Այսօր նվիրական այս պահուն, գոհություն և փառք կմատուցանեմ Ամենակալին, որ լիս արժանացուց ավագ քահանայի կոչման Ն. Ս. Օ. Տ. Տ. Վազգեն Վեհափառի սրբատառ կոնդակով: Այս պահուն կմտաբերեմ սաղմոսերգուին՝ հետևյալ խոսքը՝ «Ի քեզ Տեր յուսացայ զի մի ամաչեցից յաւիտեան»—«Տեր, իմ հույսը քու վրադ դրի, որպեսզի հավիտյան ամիթով չմնամ իմ հոգևոր ծառայության ճամբու վրա»:

Սրբապան Հայր, 2երդ Սրբապնության, Ազգային Կեդրոնական Վարչության և Ներկա հավատացյալ ժողովուրդին առջև խորունկ գիտակցությամբ, սրտիս խոր վիրա-

պեն այս պահուս կվերանորոգեն ուխտս՝ հանդես գալու Հայաստանյայց Առաքելական Եկեղեցիի, Մայր Աթոռ Ս. Էջմիածնի ու Վեհափառ Հայրապետի, թեմիս տիրախնամ ա-

ռաջնորդի և Ազգային Կեդրոնական Վարչության»:

ԱՌԱՋՆՈՐԴԱՐԱՆ ՀԱՅՈՑ ԻՐԱՔԻ

ՀԱՅ ԵԿԵՂԵՑՎՈ ՄԱՍՆԱԿՑՈՒԹՅՈՒՆԸ «ՔՐԻՍՏՈՆՅԱՆԵՐՈՒ ՄԻՈՒԹՅԱՆ ԱՂՈՒԹՔԻ» ԾԱԲԱԹԻՆ՝ ՄԻՒԱՆՈՅԻ ԵՎ ԵՐԶԱԿԱ ՔԱՂԱՔՆԵՐՈՒ ՄԵԶ

Կաթոլիկ Եկեղեցվո ղրոշումով, հունվար 18—25-ի ութնօրյա շրջանը հայտարարվեցավ «Քրիստոնյաներու Միության աղոթքի» շաբաթ:

Այս տարի, ինչպես նախորդ տարիներուն, Միանոյի և շրջակա քաղաքներուն կաթոլիկ Եկեղեցիներու ու միաբանություններու հատուկ հրավերով, Իտալիո հայոց հոգևոր հովիվ Սարգիս քին. Սարգիսյան իր անմիջական մասնակցությունը բերավ զանազան հոգևոր պաշտամունքներու և արարողություններու:

Ուրբաթ 17 հունվարին, Միանոյի թեմի ռադիոն, որ իր հաղորդումները կձայնասփռե Լոմպարտիա նահանգի հինգ ու կես միլիոն կաթոլիկ հավատացյալներուն, Սարգիս քին. Սարգիսյանի նախաձեռնությամբ 20 րոպե տևողությամբ տեղեկություններ հաղորդեց հայ ժողովուրդի քրիստոնեության դարձի, Ս. Էջմիածնի կառուցման, գրոց գյուտի, Աստվածաշունչի թարգմանության, Վարդանանց պատերազմի, Ամենայն Հայոց կաթողիկոսության, այսօրվա ծաղկյալ Հայաստանի, Իտալիո հայերու հոգևոր-մշակութային կյանքի և Հայ Եկեղեցվո Էքումենիկ շարժման մասնակցության վերաբերյալ: Հաղորդման վերջավորության ձայնասփռվեցան Եկմալյան պատարագեն հատվածներ:

Նույն օրը երեկոյան, Միանոյի Ֆրանչեսկո Ռոմանա եկեղեցվո մեջ Սարգիս քին. Սարգիսյան նախագահեց Էքումենիկ արարողության մը՝ եկեղեցվո երեք հոգևոր հովիվներու մասնակցությամբ, տասնյակ մը մայրապետներու և հարյուրավոր խաղացի հավատացյալներու ներկայությամբ: Արարողության սկիզբը ան խոսեցավ հայ ժողովուրդի, Հայ Եկեղեցվո և մշակույթի մասին:

Չորեքշաբթի հունվար 22-ին, Սարգիս քահանա Միանո երկրորդ նորակառույց ավանի գլխավոր եկեղեցվո մեջ «Նաղաղական» և «Հանգստեան» ժամերգություն կատարեց, որու ընթացքին Ս. Ներսես Ընոր-

հալի Հայրապետի «Հաւատով խոստովանիմ» աղոթքը խաղերեն լեզվով կարդացվեցավ կաթոլիկ հոգևորականներու և հավատացյալներու կողմէ: Ներկաները հոգևոր պաշտամունքին կիստեմին Հայ Եկեղեցվո հոգևոր երգերուն ու աղոթքներուն խաղերեն թարգմանությունը ի ձեռին ունենալով:

Նույն հոգևոր պաշտամունքը կատարվեցավ նաև հաջորդ օրը՝ հունվար 23-ին, Միանոյեն 40 քիլոմետր հեռու գտնվող Պենրա գյուղաքաղաքի քահանայապետական միսիոնարական կեդրոնի եկեղեցիին մեջ: Նախքան եկեղեցական արարողությունը Սարգիս քահանա մասնակից դարձավ միսիոնարական կեդրոնի հոգևոր ճեմարանի դասախոսական կազմի և ուսանողության հետ սիրո ընթրիքին և անոնց խոսեցավ Հայ Եկեղեցվո դավանության և Էքումենիկ շարժման մասնակցության մասին:

Հունվար 24, ուրբաթ օր, Սարգիս քահանա Պուսթո Արսիցիո քաղաքի միսիոնարական կեդրոնին տեսչության հրավերով տեղվույն Մայր տաճարին մեջ թեմի եպիսկոպոսի ներկայության մասնակցեցավ Էքումենիկ աղոթքի արարողության մը: Նախքան պաշտամունքը սկսիլը, Սարգիս քահանա տասնյակ մը եկեղեցականներու, երեսունե ավելի մայրապետներու և ավելի քան երկու հազար խաղացի հավատացյալներու տեղեկություններ տվավ Հայ Եկեղեցվո, Հայաստանի և Մայր Աթոռ Ս. Էջմիածնի և Իտալիո հայերու եկեղեցական-մշակութային կյանքի մասին: Հոգևոր պաշտամունքի ընթացքին մինչ հոգևորականները և հավատացյալները փրար կողջագուրեին՝ ողջույնի համբույրով՝ Սարգիս քահանա երեցկնոջ հետ կերգեր «Քրիստոս ի մեջ մեր յայտնեցաւ» շարականը:

Չորեքշաբթի փետրվար 12-ի երեկոյան, Միանոյի արվարձաններեն Պաճճոյի նորակառույց եկեղեցվո մեջ, Սարգիս քահանա սիրով ընդառաջելով տեղվույն հոգևոր հո-

վիվներուն հրավերին, «Խաղաղական» և «Հանգստեան» ժամերգություն կատարեց հայերեն և իտալերեն լեզուներով՝ հոծ բազմության մը ներկայության: Արարողության սկիզբը ան խոսեցավ Հայ Եկեղեցվո հիմնադրության, Հայոց Առաքելական հավատքին, Ամենայն Հայոց կաթողիկոսության, Իտալիա բնակություն հաստատած հայերու և Հայ Եկեղեցվո Էռմենիկ շարժման մասնակցության մասին:


«Քրիստոնյաններու Միության աղոթքի» շաբթվան ընթացքին տեղական ռադիոն, հեռուստացույցը, մամուլն ու ծիսական թերթիկները իրենց օրական հաղորդումներով ու հոդվածներով լայնորեն արձագանքեցին տեղի ունեցած արարողություններուն՝ շեշտելով Հայ Եկեղեցվո մասնակցությունը Էքումենիկ շարժման:

Նույն առիթով, Սարգիս քահանա բոլոր հանդիպումներու ընթացքին ներկաներուն ցուցադրեց Մայր Աթոռի հրատարակությունները՝ գունավոր արկումներ, «Էջմիածին» ամսագիր, Նոր Կտակարան, օրացույց, Ս. Էջմիածնի Մայր տաճարի և Ամենայն Հայոց Հայրապետ Նորին Սուրբ Օծություն Վազգեն Ա-ի գունավոր լուսանկարները:

«Քրիստոնյաններու Միության աղոթքի» շաբաթը այս տարի ևս առիթ եղավ հայ ժողովուրդը և Եկեղեցին՝ իր պատմությամբ, Առաքելական հավատքով, ծեսով ու դավանանքով իտալացիներուն ծանոթացնելու, հիմնական նպատակ ունենալով շեշտել Հայ Եկեղեցին իր ինքնագլուխ և ինքնիշխան նվիրապետությամբ, պատմական վարճացման յուրահատուկ ուղիով:

ՍԱՐԳԻՍ ՔԱՀԱՆԱ ՍԱՐԳԻՍՅԱՆ





ՔՐԻՍՏՈՆԵԱԿԱՆ—ՄԱՀՄԵԴԱԿԱՆ ԵՐԿԽՈՍՈՒԹՅՈՒՆ ՊՐԱԳԱՅՈՒՄ

Ս/թ. փետրվարի 1—3 օրերին, Քրիստոնեական խաղաղության Կոնֆերանսի ղեկավարության նախաձեռնությամբ, տեղի ունեցավ Քրիստոնեական-Մահմեդական երկխոսություն՝ նվիրված Մերձավոր Արևելքում խաղաղության պաշտպանման հարցերին:

Սույն երկխոսությանը մասնակցում էին 12 հոգի, որոնցից 10-ը՝ Չեխոսլովակիայից, ԳԴՀ-ից, Հունգարիայից, Լեհաստանից և ՍՍՀՄ-ից ժամանած քրիստոնյաներ էին: Սովետական պատվիրակության կազմում էին Ռուս Եկեղեցու ներկայացուցիչ Ալեքսանդր քին. Կոժան և, հանուն Հայ Առաքելական Եկեղեցու՝ Ադրբեջանի հայոց թեմի առաջնորդ Անանիա եպս. Արաբաջյանը:

Մահմեդական կողմից երկխոսությանը մասնակցում էր Սիրիայի հանրապետության մեծ Մուֆթի Ահմեդ Քաֆթառուն իր որդու հետ և ՍՍՀՄ-ի Եվրոպական մասի Մուֆթի Տալգատ Տաժեցինը:

Երկխոսության նպատակն էր՝ ստեղծել բարենպաստ միջավայր քրիստոնյաների և մահմեդականների միջև, ուղղել նրանց ջանքերը խաղաղության պահպանման, հող պատրաստել քրիստոնյաների ու մահմեդականների հետագա՝ ավելի խոշորաթիվ հանդիպումների համար:

Փետրվարի 1-ին տեղի ունեցավ ժողովի բացումը: Ողջունի խոսքով նրա մասնակիցներին դիմեց ՔԽԿ-ի գլխավոր քարտուղար ղոկ. Միրեժովսկին:

Հաջորդ օրը, փետրվարի 2-ին, լսվեցին երկու պեկույցներ. ԳԴՀ-ի ներկայացուցիչ ղոկտ., պրոֆ. Կարլ-Հայնց Բերնհարդի՝ «Մերձավոր Արևելքում խաղաղության պահ-

պանման ուղղությամբ տարվող ջանքերի կրոնական բնույթը քրիստոնեական տեսանկյունից» և մեծ Մուֆթի Ահմեդ Քաֆթառուի՝ «Մերձավոր Արևելքում խաղաղության պահպանման ուղղությամբ տարվող ջանքերի կրոնական բնույթը ըստ մահմեդականության»:


Չեկուցումների ընթերցումներից հետո, տեղի ունեցավ մտքերի փոխանակում: Իր հերթին խոսք առնելով, Անանիա եպս. Արաբաջյանը ներկաներին պատմեց Ադրբեջանի հայ ժողովրդի և տեղի մահմեդական բնակչության միջև եղող բարեկամական մթնոլորտի մասին: Այսպիսով, եպրափակեց Անանիա սրբապանը, իրականության մեջ մենք արդեն հասել ենք այն վիճակին, որ այժմ ծրագրում է ներկա երկխոսությունը:

Փետրվարի 3-ին, խորհրդակցություններից և քննարկումներից հետո, խմբագրվեցին այն հիմնական սկզբունքները, որոնցով պետք է առաջնորդվեն Մերձավոր Արևելքի հարցերով պաշտոնապես ներկա երկխոսության անդամները: Որից հետո կազմվեցին հաղորդագրություն և հայտարարություն՝ մամուլի համար:

Քրիստոնեական-մահմեդական երկխոսությունը իր էությամբ առաջադիմական երևույթ էր ժողովուրդների մերձեցման ճանապարհին: Միաժամանակ այն ցուցադրեց երկու կրոնների ներկայացուցիչների ձգտումը՝ օգնելու միջուկային աղետը կասեցնելու գործին:

Փետրվարի 5-ին ՍՍՀՄ-ի կրոնական պատվիրակությունը վերադարձավ Մոսկվա:

ԱՆԱՆԻԱ ԵՊԻՍԿՈՊՈՍ ԱՐԱԲԱՋՅԱՆ



ՀԱՅԿԱՍՏԱՆԻ ԱՐԲԵՂԵՑՎՈՐ ԳԱՆՈՒՍՏՅԱՆ

ՀԱՄԱՌՈՑ ԱԿՆԱՐԿ
ՀԱՅՑ. ԵԿԵՂԵՑՎՈՐ ԸՆԴՀԱՆՈՒՐ ԺՈՂՈՎՆԵՐՈՒՆ
ԿԱԶՄՈՒԹՅԱՆ ՎՐԱ

Մեր նպատակը չէ Հայց. եկեղեցվո հատուկ Ընդհանուր ժողովները հանգամանորեն ներկայացնել, այլ լոկ անդրադառնալ անոնց կազմության մասին, թե առհասարակ ո՞վքեր ներկա կըլլային անոնց և ի՞նչ հանգամանքով: Բայց որպեսզի ավելի հստակ գաղափար կարելի ըլլա կազմել այս մասին, անհրաժեշտ է նախ երթալ այդ ժողովներու արմատներուն, այսինքն անդրադառնալ համաքրիստոնեական եկեղեցիներու ժողովներու կազմության, որոնց վրա հիմնված պետք է լինին Հայ Եկեղեցվո ժողովները, իբրև անբաժանելի մասնիկը Մի, Ընդհանրական և Առաքելական եկեղեցվո:

Պետք է հաստատել ամենեն առաջ, թե՛ ըլլա՛ մեր մեջ և ըլլա՛ այլ քրիստոնյա եկեղեցիներու մեջ, ակնարկված այս ժողովները պարբերական կանոնավորությամբ գումարված ժողովներ չեն, օրինակ տարին անգամ մը կամ հինգ տարին անգամ մը կն. այլ՝ կգումարվին երբ անհրաժեշտություն մը կամ պահանջ մը ծագել ժողով գումարելու, այսինքն երբ կարևոր խնդիրներ հարուցվեին եկեղեցիի մեջ, որոնք լուծումի կկարոտեին: Ուրիշ խոսքով՝ ասոնք վարչական ժողովներ չէին. այլ՝ օրհնադրական ու տնօրինական բարձրագույն ժողովներ:

Ա.—ՀԱՄԱՐԻՍՏԱՆԻ ԱՐԲԵՂԵՑՎՈՐ ԺՈՂՈՎՆԵՐ:

Առաջին քրիստոնեական ժողովը գումարվեցավ Առաքելական դարուն, Առաքյալներու նախաձեռնությամբ և գլխավորությամբ, Երուսաղեմի մեջ շուրջ 45 թվականին (ԳՈՐԾ. ԺԵ գլուխ):

ԳՈՐԾՔ ԱՌԱՔԵԼՈՅ գրքին «Ժողովեցան Առաքեալք եւ Երիցունք» բացատրութենէն բացահայտ կերևի որ ժողովի համար հավաքվածները եկեղեցվո պաշտոնյաներն էին: «ԵՐԵՑ» բառը թեև ներկայիս կգործածվի ամուսնացյալ քահանայի իմաստով, բայց ի սկզբանէ այնպես չէ եղած. այսինքն Նոր Կտակարանի մեջ այդ իմաստով չէ գործածված: «Երեցները» Առաքյալներէ ձեռնադրված և լիազորված անձեր էին, որոնք նշանակված էին այս կամ այն տեղական եկեղեցիներու իբրև մեծավոր և առաջնորդ: Առաքյալներու հեռանալէ հետո ասոնք անոնց տեղը կանցնէին և կկառավարէին եկեղեցին առաքելական հեղինակությամբ և իշխանությամբ: Ասոնք ապա սկսան կոչվիլ «Եպիսկոպոս», որ կնշանակէ վերատեսուչ, վարիչ եկեղեցվո: Արդարև Նոր Կտակարանի մեջ այս երկու բառերը անխտիր իրարու տեղ գործածված կտեսնենք (բղղ. Գործ. Ի 17 և 28. Փիլ. Ա 1. Տիմ. Ա 5, 7):

Հաջորդ դարերուն գումարված բոլոր եկեղեցական ժողովներն ալ ունեցան նույն կազմավորությունը, այսինքն միայն եկեղեցիներու վարիչներն և վերատեսուչներն էին որ կհավաքվէին հարուցված խնդիրները լուծելու համար:

Օրինակ. Նիկիո առաջին համաքրիստոնեական ժողովի նախաբանին իսկ բացատրությամբ՝ «անդէն հասանէին ի գումարութիւն եւ ի սահմանադրութիւն գլխաւորք՝ վարդապետք, առաջնորդք, օրէնստւոյցք կարգի ժողովողեան 318 ԵՊԻՍԿՈՊՈՍՔ...»

(ԿԱՆՈՆԱԳԻՐՔ ՀԱՅՈՑ Ա. Վապգեն Հա-
կոբյան, էջ 116):

Պետք է գիտնալ թե այստեղ հիշված «վար-
դապետք, առաջնորդք եւ օրենստւոյցք» բա-
ռերը եկեղեցական կարգ չեն նշանակեր,
այլ ստորոգելիներ են «ԳԼԽԱՒՈՐՔ»-ին,
այսինքն «ԵՊԻՍԿՈՊՈՍՔ»-ին: «Վարդա-
պետ»-ը մյուս եկեղեցիներու մեջ հատուկ
կարգ մը չէ, ինչպէս եղած է մեր մեջ: Հա-
մաքրիստոնեական հասկացողութեամբ ԲՈ-
ԼՈՐ ԵՊԻՍԿՈՊՈՍՆԵՐ, առանց բացառու-
թյան, վարդապետ են, առաջնորդ են և օ-
րենքի ուսուցիչ են: Որով առաջին համա-
քրիստոնեական ժողովի բոլոր ժողովական-
ները ԵՊԻՍԿՈՊՈՍՆԵՐ են. ու եթէ ապագա
Աթանաս Հայրապետը ներկա է այս ժողո-
վին սարկավազ վիճակին մեջ, այնտեղ է
ան պարզապէս իբրև օգնականը և խոր-
հորդականը Աղեքսանդրիո իր Պատրիարքին
և ոչ որպէս ժողովական. արդարև իր անու-
նը չենք իր ժողովի կանոններուն հաջոր-
դող ժողովականներու անվանացանկին մեջ:

Նույն է պարագան երկրորդ Տիեզերական
ժողովին համար. «Ժողովին ի Կոստանդու-
պոլիս ԵՊԻՍԿՈՊՈՍՔ 150» (Անդ, էջ 273):
Նույն է նաև երրորդին համար. «Ժողովեալ
յեփեսոս ԵՊԻՍԿՈՊՈՍՔ 200» (Անդ, էջ
278): Իսկ ժողովի հրավիրողներն են ԿԱՅՍ-
ԵՐԸ, որպէս գործադիր իշխանություն ժո-
ղովներու տալիք որոշումներուն, որոնք պե-
տական օրենք կնկատվեն:

Ասոնցմէ պատ կան նաև 7 տեղական ժո-
ղովներ, որոնք ընդունված են թե՛ մեր և
թե՛ մյուս բոլոր առաքելական եկեղեցիներէ,
որոնց ևս մասնակցողները միայն Եպիսկո-
պոսներ են: Ուրեմն բացահայտ է, թե հա-
մաքրիստոնեական ժողովները ամենքն ալ
կրթական միայն եպիսկոպոսներն:

Բ.—ՀԱՅԱՍՏԱՆՅԱՅՑ ԵԿԵՂԵՑՎՈ
ԺՈՂՈՎՆԵՐ:

Գանք հիմա Հայաստանյայց եկեղեցւոյ
յուրահատուկ ժողովներուն:

Պատմության մեջ հիշված մեր առաջին
ժողովը, որ կրոնական ու եկեղեցական հար-
ցերով պրագված է, Մեծն Ներսէս Հայրա-
պետի գումարածն է 354-ին, ԱՇՏԻՇԱՏԻ
մեջ: Մեծ Հայրապետին կենսագիրը, Փափս-
տոս Բյուզանդացի պատմիչը, այս մա-
սին ունի հետևյալ հատկանշական հավաս-
տումը. Ներսէս «Ժողովէր առ ինքն ՉԱ-
ՄԵՆԱՅՆ ԵՊԻՍԿՈՊՈՍՈՒՆՍ ՀԱՅՈՑ ԱՇ-
ԽԱՐԻՆ... ի գիւղն Աշտիշատ... ի տեղի
լեալ ժողովոց Սիւնհոդոսին» (Փ. Բյուզան-
դացի. Վենետիկ. 1832. էջ 74): Ուրեմն այս-
տեղ ևս կշարունակվի համաքրիստոնեական
եկեղեցիի մեջ ի պորու եղած սովորությունը
կամ Առաքելական ավանդությունը:

Հայց. եկեղեցիի երկրորդ և ամենն կա-

րևոր ժողովներն մեկը եղած է ՀԱՀԱՊԻ-
ՎԱՆԻ մեջ գումարվածը 444 թիվին. և Հա-
յոց ԿԱՆՈՆԱԳԻՐՔԻՆ անցած առաջին հայ-
կական ժողովն է (ԿԱՆՈՆԱԳԻՐՔ ՀԱՅՈՑ
Ա. էջ 422): Անոր հառաջաբանին մեջ (էջ
427) ըսված է. «Գային ժողովէին ի հրա-
մանէ Միաբանութեան յեղեալ կէտն ի Հա-
հապիվան. ի բանակեող թագաւորացն
Հայոց. ի ժամանակի նորաբեր տօնին (պոր
Օրմանյան կուլէ սրբազրել իբրև «ի յամա-
նորաբեր տօնին»): Կշարունակե սույն ժո-
ղովի հառաջաբանը. «Եւ ժողովէին ԵՊԻՍ-
ԿՈՊՈՍՔ 40 եւ Երիցունք եւ սարկաւագունք
բալում եւ նախանձաւոր պաշտօնեայք եւ
համօրէն ուխտ սրբոյ եկեղեցւոյ, ԻՇԽԱՆՔ
ԱՄԵՆԱՅՆ՝ գաւառատեարք, գաւառակալք,
պետք, բռնաւորք, զօրագուլք, հապարա-
ւորք (կարգ մը ձեռագիրներ ունին՝ հապա-
րապետք) կուսակալք, ապաւորք կողմանց
կողմանց աւագ նախարարք աշխարհին Հա-
յոց՝ որք էին նախանձախնդիր օրինաց եւ
սրբութեան, միաբան ասէին այսպէս. թե՛
«Ձեզեալ կարգ Սրբոյն Գրիգորի եւ Ներսէսի
եւ Սահակայ եւ Մաշտոցի, ԴՈՒՔ անդրէն
հաստատեցէք, եւ այլ գլան եւս որպէս եւ
Ձեր կամք են, եւ ՄԵՔ կամաւք եւ ախոր-
ժիւք յանձն առնուք: Քանզի կարգք եկե-
ղեցւոյ թույցան եւ մարդիկ յանօրէնութիւն
դարձան: Արդ՝ օրէնք որ Աստուծոյ հաճոյ
են եւ եկեղեցւոյ նորաշինութիւն, ԴՈՒՔ վայն
կարգեցէք եւ ՄԵՔ հնազանդիւք եւ հաստա-
տուն պահեմք: Եւ եթէ ոք հաստատուն ոչ
պահիցէ վկարգս օրինաց՝ կա՛մ Եպիսկոպոս,
կա՛մ երէց, կա՛մ ապատ, կա՛մ շինական՝
պատուհաս կրեսցէ եւ տուգանս տացէ»
(ԿԱՆՈՆԱԳԻՐՔ ՀԱՅՈՑ Ա. Վապգեն Հա-
կոբյան, էջ 427—429):

Բացահայտ է, որ այս ժողովին ներկա են,
բացի ՔԱՌԱՍՈՒՆ ԵՊԻՍԿՈՊՈՍՆԵՐԵՆ,
նաև «շատ մը երէցներ եւ սարկաւագներ եւ
եկեղեցւոյ նախանձաւոր պաշտօնեաներ եւ
սուրբ եկեղեցւոյ ամբողջ ուխտը»: ՈՒՆՏ
ԵԿԵՂԵՑԻՈՑ բացատրութեամբ կհասկացվի
եկեղեցւոյ ամբողջ պաշտօնեությունը, եկե-
ղեցիին գործնականապէս ծառայողներ: Ա-
սոնց կարգին կան նաև «ԲՈԼՈՐ ԻՇԽԱՆ-
ՆԵՐԸ», որոնցմէ կհիշվին 8 կամ 9 տեսակ
աշխարհիկ պաշտօնակալներ, «Հայոց աշ-
խարհի ավագ նախարարները»:

Այստեղ հարց կծագի, թե ասոնք ի՞նչ հան-
գամանքով ներկա են ժողովին: Պաշտոնա-
կալներու թըվումն են հետո, երկուստեք խո-
սակցություն մը տեղի կունենա «դուք»-ով
և «մեք»-ով: Այս խոսակցությունը ըստ բա-
վականին լույս կսփռէ ներկաներու ժողովա-
կան հանգամանքին վրա: Ուրեմն «Հայոց
աշխարհի ավագ նախարարները, որոնք օ-
րենքի և սրբության նախանձախնդիր էին,

միաբան այսպես կըսեին Եպիսկոպոսներուն. «Ս. Գրիգոր Լուսավորիչի, Մեծն Ներսէս Հայրապետի, Սահակ Պարթևի և Մեսրոպ Մաշտոցի դրած կարգ կանոնը «ԴՈՒՔ» վերահաստատեցեք ինչպես նաև ուրիշ լավ ու պատշաճ կանոններ ևս դրեք, «ինչպես որ ԴՈՒՔ կկանենաք. իսկ ՄԵՆՔ կամափորապես և սիրով հանձն կառնենք» հնապանդիլ: Արդ այս «մենք»-ով խոսողները իշխաններն են. հավանաբար ասոնց հետ են նաև «երեցները, սարկավագները, նախանձավոր պաշտոնյաները և եկեղեցւոյ ամբողջ ուխտը»: Իսկ որոնց որ կուղղվի ասոնց խոսքը «դուք»-ով նույնինքն ներկա քառասուն Եպիսկոպոսներն են. «դուք կարգ ու կանոն դրեք, և մենք կհնապանդինք և հաստատուն կպահենք զանոնք: Ու եթե ուէ մեկը հաստատուն չպահեց դրված կանոնը՝ ըլլա այդ Եպիսկոպոս, կամ երեց, կամ սարկավագ, կամ ապատուրյար կամ շինական՝ պատժի պիտի ենթարկվի և տուգանք պիտի կրէ»: Ուրեմն աշխարհիկ իշխանները, թերևս նաև եկեղեցւոյ ուխտը, այնտեղ ներկա են պահանջելու եկեղեցւոյ հոգևոր իշխաններեն, Եպիսկոպոսներեն, որ նախ թուլցած օրէնքները վերահաստատեն և նորեր ևս դնեն եկեղեցիի վերաշինության համար. «ԴՈՒՔ զայն կարգեցէք եւ ՄԵՔ հնապանդիմք եւ հաստատուն պահենք»:

Ուրեմն այստեղ հիշված «իշխանները» կամ «Ավագ նախարարները» կներկայացնեն աշխարհիկ գործադիր իշխանությունը, համապատասխան Բյուզանդական կայսրերու, որոնք ինչպես տեսանք, ժողովները կհրավիրեին և տրված որոշումները կգործադրեին իբրև պետական օրէնքներ: Ըստ երևույթին օրէնքներու այս թուլացման մեջ պատասխանատվության կարևոր բաժին մը ունեցած են բարձրագույն հոգևորականները, որոնք անփութ գտնված են կարգ կանոնի ուսուցման և գործադրության իրենց առաջնահերթ պարտականության մեջ, և այդ իսկ պատճառով կըսեն իշխանները, «կարգք եկեղեցւոյ թուլացան եւ մարդիկ յանօրէնութիւն դարձան: Արդ՝ օրէնք որ Աստուծոյ հաճոյ են եւ եկեղեցւոյ նորա՝ շինութիւն, դուք զայն կարգեցէք եւ մեք հնապանդիմք եւ հաստատուն պահենք»: Այս խնդրանքին, այս թելադրանքին, վրա է, որ Եպիսկոպոսներ «կարգեցին եւ եղին» 20 խիստ կանոններ: Ու Եպիսկոպոսներ օրինակ ըլլալու համար ամենքին, բարեկարգությունը կսկսին իրենցմէ: Օրէնքներուն գրեթէ կեսը կվերաբերի հոգևորականներուն, ավելի շիտակ կմատնանջե հոգևորականներու մեղքերը, թերությունները և թերացումները, ինչ որ կնշանակէ, թէ Եպիսկոպոսներ լինելով հանդերձ եկեղեցւոյ օրենսդիր իշխանությունը,

օրէնք չեն դնել լոկ աշխարհականներու համար, այլ նաև և առավելաբար՝ իրենց համար:

Այս տեսակետն հատկանշական է այս փառավոր և պատվաբեր ժողովի առաջին կանոնը ընդդէմ Եպիսկոպոսաց: Եթէ Եպիսկոպոս մը ծանր մեղք մը գործէ կամ «վատթար գործ» մը ընէ, իր «առաքելական պատիվը և Եպիսկոպոսական աթոռը անարգած կըլլա»: Եթէ «վկայությամբ» հաստատվի իր մեղքը «Աթոռեն և իշխանությունեն թող մերժվի» և պետք չէ այլևս քահանայագործէ: Տուգանք պետք է վճարէ եկեղեցիին, որ պետք է բաշխվի կարոտյալներուն» (Անդ, էջ 429):

449-ին ԱՐՏԱՇԱՏԻ մեջ տեղի ունեցավ մեր երրորդ ժողովը, պատասխանելու համար Պարսից թագավորի պաշտոնական մեկ հրովարտակին, որով հայերը կհրավիրէր կրոնափոխ ըլլալու, կրակապաշտ դառնալու: Այս ժողովը արքայական այդ հրովարտակին հերքողական ու ժխտական փառավոր պատասխան մը տվավ որուն հաջորդեց Վարդանանց Պատերազմը: Ժամանակակից պատմիչ Ղապար Փարպեցի կըսէ, որ ժողովը գումարված է «ըստ հրամանի տանուտեարցուն Հայոց». իսկ Եղիշէ կըսէ «հաւանություն մեծամեծաց նախարարաց», այսինքն աշխարհիկ իշխանության, նմանողությամբ Բյուզանդիոնի կայսրերուն: Երկու պատմիչներն ալ կհաստատեն որ ժողովին ներկա են 17 Եպիսկոպոսներ գլխավորությամբ օրվան Հովսեփ Հողոցմեցի կաթողիկոսին: Եղիշէ Եպիսկոպոսներու անունները հիշելն հետո կավելցնէ. «բազում քորեպիսկոպոսք եւ պատուական երիցունք, հանդերձ Ս. Ուխտի եկեղեցւոյ»: Իսկ Փարպեցին 17 Եպիսկոպոսներն հետո կավելցնէ. «ի պատուական երիցանց Սուրբն Ղեւոնդ եւ Խորենի Սրենեայ եւ Դաւիթ եւ այլ պատուական երիցունք եւ աւագ վանականք բազումք, հանդերձ սքանչելի եւ հրեշտակակրօն տերամբըն Աղանա, որ էր յազգէն Արծրունեաց»: Փարպեցի կհիշէ նաև անունները 18 նախարարներու, իբրև մասնակիցներ ժողովին, ավելցնելով որ «ավագ սեպուհներ» ալ ներկա եղած են: Իսկ Եղիշէ նախարարներու ո՛չ անունները, ո՛չ ներկայությունը, ո՛չ ալ թիվը կհիշատակէ:

Մեր հաջորդ եկեղեցական ժողովները գումարված են ԴՎԻՆ քաղաքի մեջ, որ Ե դարու վերջերը եղած էր Հայոց նոր մայրաքաղաքը և ուր փոխադրված էր նաև Հայրապետական Աթոռը 480-ական թվականներն սկսալ: Ասոնք թիվով 5 կամ 6 եկեղեցական ժողովներ են, ոմանք իշխաններու մասնակցությամբ, ուրիշներ՝ ասոնց բացակայությամբ: Առաջին ժողովը կգումարվի

506-ին, Բաբգեն Ռթմեցի կաթողիկոսի օրով, եկեղեցական ընթացիկ խնդիրները՝ կարգադրելու համար. «ԵՊԻՍԿՈՊՈՍՈՔ, ՎԱՆԱ-ԿԱՆՈՔ, ԵՆ ՆԱԽԱՐԱՐՈՔ»: Եպիսկոպոսներեն 20 հոգի հիշված են հանվանե, իսկ նախարարներեն 14 հոգի (ԱԶԳԱՊԱՍՈՒՄ, հատված 339): Ըստ Օրմանյանի երկու տարի հետո ուրիշ ժողով մը գումարված է գրեթե նույն ժողովականներով, այսինքն բաղկացած «Եպիսկոպոսաց Հայոց, որք ըստ գաւառաց եւ ըստ տանց... եւ յամենայն ապատաց, մեծամեծաց եւ փոքունց» (ԱԶԳԱՊԱՍՈՒՄ, հատված 343): Այս ժողովին է, որ, ըստ Օրմանյանի, մերժված է Քաղկեդոնի ժողովը և Լևոնի Տոմարը: Ուրիշ ժողով մը գումարված է Ներսես Բագրևանդացի կաթողիկոսի օրով, 554-ին, 18 եպիսկոպոսներով և անոնց ճիշդ կրկին թիվով 36 նախարարներու մասնակցությամբ. ըսված է մինչև իսկ թե «ոչ ոք արտաքոյ մնաց յաշխարհականաց», այսինքն աշխարհական իշխաններեն: Օրմանյան կենթադրե, որ «նախարարներու շատությունը տրվելիք որոշման արտաքին գործադրության պետք ունենալեն հառաջ եկած է»: Ու արտաքին այդ գործադրությունն էր «քանդել ու աւերել պտեղի ապաւինի նեստորականաց» (ԱԶԳ., հտծ. 367—370):

Վերջին ժողովին դրված են նաև 37 կանոններ, որոնք մեր ՎԱՆՈՆԱԳՐՔԻՆ անցած են «ՆԵՐՍԵՍԻ ԵՒ ՆԵՐՇԱՊՀՈՅ» անվան տակ (ՎԱՆՈՆԱԳՐՔ Ա, էջ 175):

Իսկ 607-ին Սմբատ Բագրատունի Վրկանաց Մարզպանի նախաձեռնությամբ Դվինի մեջ գումարված է Եպիսկոպոսաց ուրիշ ժողով մը, ուր սակայն նախարարներու ներկայության նշան մը չկա: Հսկա ժողով մըն է բաղկացած 50 եպիսկոպոսներեն և 390 վարդապետներեն և երեցներեն: Ժողովին նպատակը եղած է օրվան Հայոց կաթողիկոսը ընտրել (ԱԶԳ., հտծ. 410):

Իսկ 645-ին ալ ժողով մը գումարված է Դվինի մեջ Ներսես Իշխանցի կաթողիկոսի օրով: Կհիշվին անունները լոկ 16 եպիսկոպոսներու. իսկ աշխարհականց հիշատակություն չկա (ԱԶԳ., հտծ. 480): Այս ժողովը կսահմանե 12 կանոններ որոնք անցած են մեր կանոնագրքին (ՎԱՆՈՆԱԳՐՔ Բ, էջ 200):

648-ին վերջին ժողովը գումարված է Դվինի մեջ, դարձյալ Ներսես Իշխանցի կաթողիկոսի օրով. «ժողովեցան ամենայն եպիսկոպոսունքն եւ նախարարքն Հայոց Դևուին»: Սակայն ո՛չ եպիսկոպոսներուն և ո՛չ ալ նախարարներուն թիվը հայտնի է (ԱԶԳ., հտծ. 484):

726-ին կգումարվի ՄԱՆԱԶԿԵՐՏԻ Ժողովը Հայ և Ասորի Եկեղեցիներու դավանաբա-

նական համաձայնության համար: Ներկա են Հայոց Հովի. Օձնեցի կաթողիկոսը 23 եպիսկոպոսներով և 8 վարդապետներով. իսկ Ասորիներու կողմե ներկա են 6 եպիսկոպոսներ: Կան նաև, ըստ Օրմանյանի, «այլևս նշանավոր քահանաներ և վանականներ, որոնց անունները չեն հիշվիր»: Ներկա չեն նախարարներ կամ իշխաններ (ԱԶԳ., հտծ. 573):

Եկեղեցական ժողով մը տեղի ունեցավ 768-ին, Սյուն կաթողիկոսի օրով, ՊԱՐՏԱՎԻ մեջ, որ սահմանած է 24 կանոններ (ՎԱՆՈՆԱԳՐՔ ՀԱՅՈՅ Բ, էջ 3): Այստեղ ալ ներկա են Հայոց կաթողիկոսի հետ իր «Եպիսկոպոսակիցները» այսինքն «Աստուածապատի Եպիսկոպոսունք աշխարհին Հայոց». որոնցմե սակայն 4 հոգի կհիշվին անունով: Իսկ իշխաններեն 8 հոգի: Պարտավը Աղվանից մայրաքաղաքն էր, որով Աղվանից կաթողիկոսը և 3 անվանե հիշված Աղվան նախարարներ «այլովք ապատովք» կմասնակցին ժողովին: Անունով հիշված կամ թված ժողովականք 17 հոգի են. 6 բարձրաստիճան հոգևորականներ և 11 նախարարներ: Ժողովի կանոններուն հառաջաբանին մեջ ըսված է, որ շատեր «խափանված» կամ «արգելված» են ժողովին մասնակցելե, բայց գրավոր ձևով իրենց հավանությունը հայտնած են, որ ժողովը գումարվի և հառաջընթացված նպատակները ի գլուխ հանե:

841-ին, եպիսկոպոսներու և նախարարներու «համագունը ժողով» մը գումարված է, հավանաբար ԵՐՆԱՋԱԿԻ մեջ, նախաձեռնությամբ Բագրատունյաց և Սյունյաց իշխաններուն, որդարացնելու և վերստին պաշտոնի կոչելու համար Հովհաննես Դ Ովայեցի կաթողիկոսը, որ անիրավ պաշարտության մը պատճառով հեռացած էր Աթոռեն: Ներկաներու թիվին մասին ոչ մեկ տեղեկություն տրված է (ԱԶԳ., հտծ. 641):

969-ին ԱՆԻԻ մեջ ժողով մը գումարվեցավ Աշոտ Ողորմած Բագրատունի թագավորի հրավերով, քննելու համար օրվան Վահան կաթողիկոսի ուղղափառությունը: Ժողովին ներկաներեն հանվանե կհիշվին մեկ եպս. և երեք վանահայրեր և ապա կավելցրվի. «այլ եպիսկոպոսունք եւ հարք բազումք». ըստ երևույթին առանց աշխարհիկ իշխաններու ներկայության գումարվեցավ այս ժողովը (ԱԶԳ., հտծ. 770):

ԺԱ դարեն սկսյալ հայոց աշխարհիկ և հոգևոր կեդրոնները կյոխարդովին ԿԻԼԻԿԻԱ, ուր ևս բազմաթիվ ժողովներ գումարվեցան: Ասոնցմե առաջինը տեղի ունեցավ Քեսունի ԿԱՐՄԻՐ ՎԱՆՔԸ, Գրիգոր Գ Պահլավունի կաթողիկոսի ընտրությունեն գրեթե անմիջապես հետո, այսինքն 1113-ին, ընդդեմ Դավիթ Թոռնիկյան եպս.ի, որ ապստամբ-

բած և ինքսինքը Աղթամարի կաթողիկոս ձեռնադրել տված էր: Ժողովին ներկա են «սուրբ եւ առաքինեաց արանց ապգիս Հայոց, աւելի քան վերկու հազար եւ հինգ հարիւր», բոլոր եկեղեցական դասակարգերէ, այսինքն «Եպիսկոպոսաց, վարդապետաց, հարց վանականաց եւ միանձանց», որոնք միաձայնութեամբ «նպովնալ հերքեցին յեկեղեցոյ Քրիստոսի՝ ապստամբ Թոռնիկյանը և իր հետևորդները: Իշխաններու անուն կամ ներկայութիւնը չի հիշվիր (ԱԶԳ., հտծ. 929):

Երկրորդ ժողովը գումարվեցավ 1179-ին ՀՌՈՄՎԱԾԻ մեջ Գրիգոր Տղա կաթողիկոսի հրավերով Հունաց հետ միաբանելու նպատակով: Ժողովը բաղկացած է 33 եպիսկոպոսներէ միայն (ԱԶԳ., հտծ. 1009):

1197-ին ալ ՏԱՐՍՈՆԻ մեջ գումարվեցավ ժողով մը Լևոն Ա թագավորի և Գր. Զ Ասիորատ կաթողիկոսի հրավերով լատինաց հետ միաբանելու միտքով: 12 կամ 14 եպիսկոպոսներ միայն ներկա եղած են այս ժողովին (ԱԶԳ., հտծ. 1058): Աշխարհիկ իշխաններու հիշատակութիւն չկա:

ՄԻՍԻ մեջ, 1208 ժողով մը կգումարվի դարձյալ Լևոն Ա թագավորի նախաձեռնութեամբ և Դավիթ հակաթոռ կաթողիկոսի նախագահութեամբ, և մասնակցութեամբ Կիլիկիո «վարդապետաց եւ եպիսկոպոսաց, հարց եւ երիցանց», Հլուսիս. Հայաստանի Զաքարե Հայ իշխանի առաջարկներուն պատասխանելու համար: Աշխարհական իշխաններու հիշատակութիւն չկա (ԱԶԳ., հտծ. 1082):

Ասոր կհաջորդեն բազմաթիվ ուրիշ ժողովներ Սիսի մեջ, առհասարակ ամենքն ալ Կիլիկիո և շրջակայքի եպիսկոպոսներէ բաղկացած: Բացառութիւն է 1307-ին գումարված ժողովը, հրավերով օրվան Հայոց Լևոն Գ, 18 տարեկան լատինամիտ թագավորին և դրդումով իր լատին-կրոնավոր թագավորահոր Հեթում Բ-ի: Օրվան կաթողիկոսը, լատինամիտ Գր. Անավարպեցիին վախճանած էր արդեն: Ներկա են 26 եպիսկոպոսներ, որոնց 16-ը Կիլիկիայէն են, 5—Կիլիկիո շրջակայքէն և մնացյալ հինգն ալ Մեծ Հայքէն: Սակայն այս թիվը ապա կբարձրանա 36-ի, կարգ մը նոր եպիսկոպոսներու ժամանումով: Եպիսկոպոսներէ զատ վարդապետներ ալ կհիշվին թիվով 17: Կհիշվին նաև անունով 9 աշխարհական իշխաններ, ավեցնելով՝ «այլեւ իշխանք եւ ապատորոյիք Հայոց»: Ամենն հետո կհիշվին «բազմութիւն քահանայից եւ կրօնաւորաց»: Թեև մեկ օր միայն տևած է և իբրև օրինավոր ժողով չէ ճանչցված Հայ Եկեղեցիի կողմէ, բայց ներկաներու այլապանութեամբ և բազմութեամբ Կիլիկիո մեծ ժողովներէն մեկն է, այն աստիճան, որ լատին

հեղինակ մը—Կալանոս—կըսէ այդ մասին. «Նա եղել Հայոց ընդհանուր Սինհոդոս, եւ մեծագոյն քան պալլս ամենայն, որք ժողովեցան ի Հայաստանս» (ԱԶԳ., հտծ. 1230—1232):

1317-ին կգումարվի ԱՏԱՆԱՅԻ ժողովը, հրավերովը Օշին թագավորի և Կոստանդին Գ Կեսարացի կաթողիկոսի, վերն հիշված ժողովին որոշումները օրինական դարձնելու միտքով. բայց չի հաջողիր: Ժողովին կազմը վերինին հետ գրեթէ նույն է, միայն թիվերը ավելի պակաս են. 18 եպիսկոպոսներ և 8 վարդապետներ. իշխանները՝ 10 հատ են. հոս ալ կան «բազմութիւնք քահանայից եւ կրօնաւորաց» (ԱԶԳ., հտծ. 1253—1254):

ՄԻՍԻ մեջ ուրիշ ժողով մը տեղի ունեցած է 1343-ին, հայոց վերագրված 117 Մոլորութիւնները հերքելու համար: Ներկա են 30 եպիսկոպոսներ, 15 վարդապետներ, 7 ավագերեցներ և ուրիշ քահանաներ. եպիսկոպոսներուն 21-ը Կիլիկիայէն են. իսկ վեց հոգին Փոքր Ասիո մերձավոր վիճակներէն, երեքը Հայաստանէն: Իշխաններ չկան (ԱԶԳ., հտծ. 1291):

ԺԴ դարու վերջին քառորդին կվերջանա Կիլիկիո տկարացած թագավորութիւնը: Կվտանգվի Հայրապետական Աթոռի կացութիւնը ոչ-քրիստոնյա նոր աշխարհիկ իշխանութեան ներքն՝ լատինական վտանգին ենթակա: Հետևաբար հայոց բնաշխարհի հոգևոր իշխանութեանց մեջ կստեղծվի պորավոր ձգտում Աթոռը իր նախկին կեդրոնը, Ս. Էջմիածին փոխադրելու: Այս նպատակի իրագործումին համար մեծ ժողով մը տեղի ունեցավ 1441-ին ԷԶՄԻԱԾՆԻ մեջ: Ժամանակակից Թովմա Մեծփեցի պատմիչը, որ ներկա է այս ժողովին, եկեղեցական թիվը կնկատէ «աւելի քան վերեք հարիւր անձինս», ինչպէս նաև «այլ բազում վանահարք եւ կրօնաւոր սուրբ հարք եւ պատուական երիցունք»: Աշխարհական ներկայացուցչութեան մասին ալ կավեցվի. «ապատք եւ որդիք ապատագ, ձեռնաւորք եւ տանուտէրք», որոնք, կըսէ Օրմանյան, քաղաքական կարգերու խանգարվելէն ետքը, նախարարներու, սեպուհներու և իշխաններու տեղը կբռնեն: Այս ժողովին մեջ ալ, Պարտավի ժողովին պէս, հատկանշական է, որ այն եպիսկոպոսները և վարդապետները, որոնք հեռավորութեան կամ քաղաքական արգելիչ պատճառներով չէին կրցած գալ, «թուղթով» միաբանած են Էջմիածնի ժողովին: Ասոնցմէ չորսը Կիլիկիան եպիսկոպոսներ են (ԱԶԳ., հտծ. 1453—1454):

Հայ Եկեղեցիի գրեթէ վերջին ժողովը գումարված է ԵՐՈՒՍԱՂԵՍԻ մեջ՝ 1652-ին (Նորայր Արք., Ցուցակ ձեռագրաց Զ, էջ 270), Մայր Աթոռի և Կիլիկիան Աթոռի հարաբեր-

րույթունները բարելավելու նպատակով: Ժողովը կիրառվորեն Ամենայն Հայոց Փիլիպոս կաթողիկոսը: Իր հետ ներկա են արտասահման իր շրջագայության ընկերացող 15 վրդներ. որոնք հիշված են հանվան: Կիլիկիո կաթողիկոսը և իրեն ընկերացող վրդը: Իսկ արտաքին թեմերեն վեց եպիսկոպոսներու անունները կհիշվին, որոնք թերևս ուխտավորաբար Երուսաղեմ կգտնվեն: Երուսաղեմի Պատրիարքը և իր միաբաններեն 4 հոգևորականներ: Ժողովականներուն ամբողջ թիվն է 63 հոգի: Քահանաներ եղած են վաթսուներե ավելի: Իսկ «ժողովրդական ուխտավորներ հազար կամ ավելի», որոնք ավելի իբրև ուխտավոր ներկա են քան իբրև ժողովի հրավիրյալներ կամ մասնակցողներ (ԱԶԳ., հտժ. 1688):

Վերև հիշված ժողովներու գումարման վերաբերյալ տեղեկությունները մենք քաղեցինք առավելաբար Օրմանյանի ԱԶԳԱՍՏՈՒՄԻ երեք հատորներեն: Մեր այստեղ հառաջ բերածները թիվով 22 են, որոնց եթե խտացյալ մեկ համադրությունը ուզենք կատարել, կստանանք հետևյալ տվյալները:

1.—ԳՐԵԹԵ ԱՄԵՆ ԴԱՐՈՒՆ ՌԻՆԵՑԱԾ ԵՆՔ ԸՆԴՀԱՆՐԱՊԱՆ ԺՈՂՈՎՆԵՐ:

Հայոց. Եկեղեցին Դ դարեն սկսյալ մինչև ԺԵ դար՝ բացի երկուքեն, գրեթե ամեն դարուն ունեցած է մեկ կամ ավելի ընդհանրական ժողովները ըստ հետևյալի: Դ դար 1 հատ: Ե դար 2 հատ: Զ դար 3 հատ: Է դար 3 հատ: Ը դար 2 հատ: Թ դար 1 հատ: Ժ դար 1 հատ: ԺԱ դար չկա: ԺԲ դար 3 հատ: ԺԳ դար 1 հատ: ԺԴ դար 3 հատ: ԺԵ դար 1 հատ: ԺԶ դար չկա: ԺԷ դար 1 հատ:

2.—ԿԱԹՈՂԻԿՈՍՆԵՐ ԿԱՄ ՀԱՅ ԹԱԳԱՎՈՐՆԵՐ ԿՀՐԱՎԻՐԵՆ ԺՈՂՈՎՆԵՐԸ, ԵԹԵ ԿԱՆ:


Եթե Հայ ժողովուրդը ժողովի օրերուն հայ թագավոր ունեցած է՝ ան հրավիրած է ժողովը նիստի. օրինակ Անիի Ժողովը—969—Աշոտ Ողորմած Բագրատունի թագավորը հրավիրած է: Տարսնի —1197— և Սիսի Ա —1208— ժողովները Կիլիկիո Լևոն Ա թագավորը հրավիրած է: Սիսի Բ Ժողովը —1307— Լևոն Գ թագավորը: Ատանայի Ժողովը —1377— Օջին թագավորը: Սիսի Գ Ժողովը —1343— Կոստանդին թագավորը: Իսկ թագավորի չգոյության՝ առ հապա-

րակ կաթողիկոսներ հրավիրած են: Երկու պարագային, Դվինի Դ 607-ին և Երևանի Ժողովը, —841-ին, հայ իշխաններ հրավիրած են. որովհետև առաջին պարագային ժողով գումարված է կաթողիկոս ընտրելու՝ իսկ երկրորդ պարագային օրվան կաթողիկոսը պրպարտության մը զոհ դառնալով Աթոռեն մեկուսացած էր, վայն արդարացնելու համար: Իսկ Վաղարշապատի —1441— ժողովը նիստի հրավիրած է Հովհաննես Հերմոնեցի մեծանուն վարդապետը «իբրև ամենեն ավելի հեղինակավոր անձնավորությունը, և Տաթևյան աջակցության պետը, Եռամեծ Տաթևացիին հաջորդը»: Իսկ Շահապիվանի ժողովն ալ հրավիրված է «ի հրամանէ Միաբանութեան»: Ինչ որ ենթադրաբար կնշանակե թե «Միաբանյալ խումբ մը» բարձրաստիճան հոգևորականներու և իշխաններու գլխավորությամբ՝ և ժողովի մը անհրաժեշտությունը պատվով եկեղեցիին մեջ խանդաված կարգ կանոնները վերահաստատելու նպատակով գումարված են «40 եպիսկոպոսներ, երեցներ, սարկաւազներ, բապոււմ նախանձաւոր պաշտօնեայք եւ համօրէն ուխտ սրբոյ եկեղեցւոյ եւ իշխանք ամենայն... աւագ նախարարք աշխարհին Հայոց»:

3.—ԺՈՂՈՎՆԵՐՈՒ ԳՈՒՄԱՐՄԱՆ ՆՊԱՏԱԿՆԵՐԸ:

6 ժողովներ գումարված են բարեկարգական նպատակներով, որոնցմէ չորսը դրած են նաև կանոններ, որոնք անցած են մեր ԿԱՆՈՆԱԳՐՔԻՆ մեջ: 5 ժողով գումարված է պատասխանելու համար Հայ ժողովուրդին ուղղված պաշտոնական նամակներուն: 1 հատը գումարված է Ասորի Եկեղեցիի հետ Հայ Եկեղեցիով հարաբերությունները բարելավելու՝ ու հատ մըն ալ՝ Մայր Աթոռի և Կիլիկիո Աթոռին հարաբերությունները բարելավելու համար: Ժողովներեն մեկը հրավիրված է Հայ և Հույն Եկեղեցիներու միացման նպատակով. իսկ երեքը՝ կաթոլիկ Եկեղեցիի հետ միաբանելու նպատակով: Վերոհիշյալ 22 ժողովներեն երկուքը գումարված են կաթողիկոսը ընտրելու համար: Մեկ ժողով՝ պրպարտյալ կաթողիկոս մը արդարացնելու և ուրիշ ժողով մը՝ Քաղկեդոնական դարձած կաթողիկոս մը դատապարտելու և երրորդ ժողով մը՝ հակաթոռ կաթողիկոս մը նպովելու համար:

(Շարունակելի)



ՀԱՅՐ ՄԻՇԵԼ ՔԵՆԵԼ

(Աստվածաբանության դասախոս)

ԻՆՉՊԵՍ ԿԱՐԴԱԼ ԱՎԵՏԱՐԱՆԸ*

ՍՈՒՐԲ ՄԱՐԿՈՍ

1. ՍԿԻԶԲ (Մարկ. Ա 1)

Ա 1 Հիսուս Քրիստոսի՝ Աստուծո Որդու Ավետարանի սկիզբը:

Այս նախադասության մեջ, որով բացվում է Մարկոս ավետարանի գիրքը, բոլոր բաները կարևոր են: Հեղինակը մեզ հայտնում է; որ մենք մտնում ենք մի եղելության մեջ, որ Ավետարանն է, և որ այդ եղելությունը մեզ բացահայտել պիտի տա երկու բան. այն, որ՝

- Հիսուս՝ Քրիստոսն է:
- Հիսուս՝ Որդին է Աստուծո:

Ավետարան

Այն դարաշրջանում, երբ գրում էր Մարկոսը (շուրջ 65 թվականին Քրիստոսից հետո), ավետարան բառը դեռևս գիրք չէր նշանակում, այլ՝ «Բարի լուր»: Միջերկրականյան աշխարհում այդ բառը դարձել էր գրեթե տեխնիկական մի տերմին, որ նշանակում էր բարի լուրեր, ինչպես, օրինակ՝ մի իշխանի ծնունդը կամ ռազմական մի հաղթանակի ավետումը: Հին Կտակարանում, Երուսաղեմի անկումից և նրա բնակիչների տեղահանությունից հետո, մարգարեներից մեկն օգտագործել է այդ բառը՝ ավետելու

համար Աստուծո թագավորությունը Հրեասանի վերակառուցված մայրաքաղաքի վրա:

Ի՞նչ գեղեցիկ են լեռների վրա
Խաղաղության համբավաբեր ավետարան-
չի ոտքերը,
Իբրև բարության ավետարանիչ,
Որպեսզի լսելի դարձնեմ փրկությունը քո՝
Ասելով Սիոնին. «Աստված պիտի թագա-
վորի քո վրա»:
(Եսայի, ԾԲ 7)

Ինչպես երևում է, Մարկոսն առաջինը չէ, որ կապ է հաստատում Ավետարանի և Աստուծո Թագավորության միջև: Սակայն առաջին անգամ նա է «Ավետարան» կոչել մի ամբողջական եղելություն, որ ընդգրկում է Հիսուսի կյանքը, մահը և հարությունը:

Հիսուս

Սուրբ Մարկոսը մեզ ցույց է տալիս, թե Հիսուս՝ ինքը Քրիստոսն է: «Հիսուս» բառը հունարենից է գալիս և նույն բանն է նշանակում, ինչ որ «Մեսիա» բառը, որը, իր հերթին, ծագում է եբրայեցիներից:

Մեսիան «նա է, ով օծում է ստացել», ինչպես հնում Իսրայելի և Մերձավոր Արևելքի բազմաթիվ այլ երկրների թագավորները:

Սակայն Երուսաղեմի թագավորներից շատերը հուսախաբ էին արել ժողովրդին, և նա

* Michel Quesnel, *Comment lire un Evangile*,
(c) Editions du Seuil, Paris, 1984.

սպասում էր մի Թագավոր Մեսիայի, որը նույնքան հավատարիմ պիտի լիներ Աստծուն, ինչպես եղել էր Դավիթը՝ Քրիստոսից մոտ 1000 տարի առաջ ապրած այն մեծ վեհապետը, որը փաստորեն հիմնադրել էր Իսրայելի պետությունը:

Բարի էր սպասված այդ Մեսիայի դեմքը: Նրա մեջ ինչ-որ բան կար քաղաքական այն ազատարարից, որը պիտի գար հռոմեական տիրապետությունից ազատագրելու Սուրբ Երկիրը: Բայց նա պիտի լիներ նաև արդար և հավատարիմ մի մարդ, որ իր կառողջությունը ի սպա չպիտի դներ իր սեփական անձին. նա հարգել պիտի տար իշխանությունը միակ Աստուծո, որին իրապես պատկանում էր այդ իշխանությունը:

Մարկոսը մեկ ցույց է տալիս, որ Հիսուս հենց այդ սպասված Մեսիան է: Իր գրքի առաջին կեսը նա հատկացրել է դրան: Առաջին բաժնի վերջում նա մեկ ներկայացնում է Պետրոսին՝ տասներկու առաքյալներից մեկին, որն ասում է Հիսուսին՝ դու Քրիստոսն ես (Մարկ. Ը 29):

Որդի Աստուծո

Սա այն արտահայտությունն է, որ ընթերցողը մղվում է վերագրելու Հիսուսին երկրորդ բաժնի վերջում: Այդ արտահայտությունը արտասանվում է մի հռոմեացի հարյուրապետի կողմից, որը, խաչի մոտ կանգնած, ասում է՝ տեսնելով, թե Հիսուս ինչ ձևով է ավանդում իր հոգին.

Իրոք այս մարդը Աստուծո որդի էր (Մարկ. ԺԵ 39)

«Աստուծո Որդի» արտահայտությունը Հիսուսի ժամանակաշրջանում մի տիտղոս էր, որ հրեաները գործածում էին Մեսիայի համար: Սակայն դա, միաժամանակ, ուրիշ բան էր ասում, հնչում էր նվազ «հրեական»: Դա նաև հասկանալի էր հեթանոսների կողմից, ինչպես, օրինակ, այն հռոմեացի պիևկորի, որին Մարկոսը արտասանել է տալիս այդ բառերը: Բացի այդ, դա շատ առանձնահատուկ մի հարաբերություն է արտահայտում Հիսուսի և Աստուծո միջև: Մարկոսի ժամանակաշրջանի քրիստոնյաները, այսօրվա քրիստոնյաների նման, մտածում էին, որ Հիսուս իսկապես Աստված է, ինչպես իր Հայրը: Սակայն Մարկոսը երբեք այդ բանը չի ասում որպես ակնհայտ ճշմարտություն: Դա մի բան է, որ հայտնվում է Հիսուսի հետ կատարված ուղևորության ընթացքում: Իսկ այդ ուղևորությունը կատարել չափապանց դժվար է. որովհետև խոսքը վերաբերում է այն ճանապարհին, որը առաջնորդում է դեպի խաչը:

2. ՀՈՎՀԱՆՆԵՍ ՄԿՐՏԻԶԸ ՀՈՐԴԱՆԱՆՈՒՄ ԵՎ ԱՆԱՊԱՏՈՒՄ (Մարկ. Ա 2—8)

Ա 2 Ինչպես գրված է մարգարեների գրվածքների մեջ.

«Ահավասիկ ես ուղարկում եմ իմ պատգամավորին քո առաջ, որը կատարաստի քո ճանապարհը քո առաջ»:

3 Անապատում կանչողի ձայնն է.

«Պատրաստեցե՛ք Տիրոջ ճանապարհը և հարթեցե՛ք նրա շաղկիները»:

4 Եվ այնպես եղավ, որ Հովհաննեսը մղկերտում էր անապատում և քարոզում առաջխարության մկրտություն՝ մեղքերի թողության համար:

5 Ամբողջ Հրեաստանը և բոլոր երուսաղեմացիները գնում էին նրա մոտ և մկրտվում էին նրանից Հորդանան գետում՝ խոստովանելու իրենց մեղքերը:

6 Հովհաննեսը հագել էր ուղտի մազից պզետ և մեջքին՝ կաշվե գոտի.

նրա կերակուրն էր մորեխ և վայրի մեղր:

7 Նա քարոզում էր և ասում.

«Իմ ետևից կգա ինձնից ավելի հզորը, որի առաջ արժանի չեմ խոնարհվելու՝ նրա կոշիկների կապերն արձակելու համար:

8 Ես ձեզ մկրտեցի ջրով, իսկ նա ձեզ կմկրտի Սուրբ Հոգով»:

Հովհաննես անունը նշանակում է՝ «Աստված շնորհ արեց»: Մարկոսը նրան ներկայացնում է որպես մի մարդու, որ քայլում է Հիսուսի առաջից ինչպես մի հրեշտակ, որ հնչեցնում է փողը այն ճանապարհի վրա, որով Աստված գալիս է միանալու մարդկանց: Թափորի մեջ ամենակարևոր անձը սովորաբար քայլում է վերջից:

Ճանապարհի պատկերը հաճախ է հանդիպում Աստվածաշնչում: Հին Կտակարանն այն օգտագործում է Իսրայելի ժողովրդի պատմության գլխավոր պահերին: Դրա համար է, որ Մարկոսն ավետարանիչը մեջբերում է կատարում Եսայի մարգարեի գրքից.

Անապատում կանչողի ձայնն է.

«Պատրաստեցե՛ք Տիրոջ ճանապարհները, Ուղի՛դ դարձրեք մեր Աստուծո շաղկիները»:

(Եսայի Խ 3)

Այն ճանապարհը, որ պետք էր պատրաստել վերևի տողերը գրվելու ժամանակ, Բաբելոնից Երուսաղեմ գնացող ճանապարհն է, որը կտրում է անապատը: Այդ ճանապարհը թույլ տվեց հրեաներին վերադառ-

նալ իրենց երկիրը՝ 538 թվականին Քրիստոսից առաջ։ Մարգարեն հայտնում է նրանց, թե հասել է ուրախության օրը և վախճանն այն աքսորի, որը տևել էր տասնյակ ու տասնյակ տարիներ։

Մարկոսը հայտնապես խոսում է Եսայու մասին, բայց միայն նրանից չէ, որ մեջբերում է կատարում։ Հին Կտակարանի այն տողերում, որոնք ծառայում են ներկայացնելու Հովհաննեսին, կա նմանապես մի հիշատակություն Ելից գրքից.

**Ահա ուղարկում եմ պատգամաբերին քո առաջից,
Որ ճանապարհին պահպանի քեզ:
(Ելից ԻԳ 20)**

Այստեղ Աստված է, որ խոսում է Մովսեսի հետ՝ վստահություն ներշնչելու համար նրան։ Տերը իսկեց Իսրայելի ժողովրդի վրա նրա ուղևորության ամբողջ ընթացքում, որը նրան հասցրեց Եգիպտոսից մինչև Ավետյաց երկիր։ Միշտ նույն պատկերն է մի ժողովրդի, որը քայլում է դեպի իր նպատակակետը. նա վերադառնում է գերությունից. նրան ապատություն է խոստացված։

Քրիստոսից չորս կամ հինգ դար առաջ ապրած մարգարեների գրվածքներում, այնուամենայնիվ, պատահում է, որ ուղևորությունը լինի հակառակ կողմից։ Այս դեպքում ժողովուրդը չէ, որ քայլում է դեպի իր նպատակը, այլ նրա Տերն է, որ գալիս է իրեն. երթուղին դառնում է ճանապարհին Աստուծո, որը վերստին միանում է մարդկանց։ Այսպիսով Իսրայելի ժողովրդի դերը գերապանցապես լինում է ընդունել Տիրոջը։ Այս հեռանկարով է արտահայտված Մաղաքիայի գիրքը, որ նաև օգտագործում է սուրբ Մարկոսը՝ ներկայացնելու համար Հովհաննես Սկրտչին.

**Ահա ուղարկում եմ իմ պատգամաբերին,
Որ իմ առջևում ճանապարհ պատրաստի:
(Մաղաքիա Գ 1)**

Հրեական ավանդությունն ուղում է նույնիսկ, որ այդ պատգամաբերը լինի Եղիա մարգարեն, հին ժամանակների խստակրոն մի մարդ, որ կրում էր կաշվե գոտի և կենդանու մալից կարած պզտու և վերադառնում էր՝ ընթանալու համար Աստուծո հաղթական թափոռի առջևից։ Արդարև, Աստված գալու է, որպեսզի ցույց տա իր հպորությունը։ Մոտավոր կամ հեռավոր այն օրը, երբ այդ պատահելու է, կոչվել է «Աստուծո օր»։

**Ահա ուղարկում եմ ձեզ Եղիա մարգարեին՝
Տիրոջ մեծ ու երևելի օրը դեռ չեկած:
(Մաղաքիա Գ 23)**

Հին Կտակարանից կատարված այս բոլոր մեջբերումները կարող են շատ բարդ թվալ։ Սակայն դրանք անհրաժեշտ են՝ ըմբռնելու համար մեծությունը մի կերպարի, որը նույնքան բարդ է, որքան Հովհաննես Սկրտչի կերպարը։ Նա այն Եղիան էր, որին սպասում էին հրեաները՝ ավետելու համար այն օրը, երբ գալու էր Աստված իր հպորությամբ փրկելու իր ժողովրդին։ Զմոռանա՞նք, որ Իսրայելի երկիրը գրավված էր հռոմեացիների կողմից։ Այն Հիսուսը, որին նա նախորդում է, ինքը Տերն է, որ գալիս է, էթե նույնիսկ նրա գալուստը սպասվածից շատ ավելի ծածուկ է։

Արդ, ի՞նչ է անում Հովհաննես Սկրտչից։ Նա դարձ է քարոզում և մկրտում։ Դարձի գալ՝ նշանակում է ետ կանգնել չարից՝ գնալու համար դեպի բարին։ Այն մկրտությունը, որ նա կատարում է, մաքրագործող ջրի մեջ թաթախելու մի գործողություն է, որից մարդ դուրս է գալիս իր հանցանքներից մաքրված։

Ով լսում է Հովհաննես Սկրտչի մարգարեին և դառնում նրա աշակերտը, կերպարանափոխվում է. մկրտությունը ներքին դարձի նշան է, նա թույլ է տալիս ընդունել Տիրոջը, որը գալիս է։ Քանզի, միաժամանակ, Հովհաննեսը հայտնում է, որ մոտ է նա, ով իր ետևից է գալիս. նա չի տալիս նրա անունը, բայց Մարկոսի ավետարանի ընթերցողը հասկանում է, որ խոսքը Հիսուսի մասին է։ Հիսուս էլ իր աշակերտներին պիտի մկրտի, նրանց պիտի թաթախի ջրի մեջ։ Դա շատ ավելին կլինի, քան ջրով մկրտությունը, երբ մաքրվում են մեղքերը։ Դա կլինի թաթախում Սուրբ Հոգու մեջ, Աստուծո Հոգու մեջ, որը հանգչում էր մարգարեների վրա և որը Հիսուսի աշակերտներին ուժ ներշնչեց վկայություն տալու նույնիսկ ամենասոսկալի հալածանքների մեջ։ Ավելի ուշ, Հիսուս պիտի ասեր իր աշակերտներին.

«Երբ ձեզ տանեն հանձնելու, առաջուց հոգ մի՛ արեք և մի՛ մտածեք, թե ինչ պիտի խոսեք, այլ ինչ որ ձեզ տրվի այդ նույն ժամին, ա՛յն խոսեցեք, որովհետև դո՛ւք չէ, որ պիտի խոսեք, այլ՝ Սուրբ Հոգին» (Մարկ. ԺԳ 11)։

Հովհաննես Սկրտչից մի մարգարե է, որ նախապատրաստում է հողը։ Հիսուս, երբ գա, շատ ավելին պիտի անի. նա իր աշակերտներից պիտի պատրաստի Աստուծո ժողովուրդ։

3. ՀԻՍՈՒՄ ՀՈՐԴԱՆԱՆՈՒՄ ԵՎ ԱՆԱՊԱՏՈՒՄ (Մարկ. Ա 9—13)

Ա 9 Այն օրերին Հիսուս եկավ Գալիլայի Նազարեթ քաղաքից և Հովհաննեսից մկրտվեց Հորդանանում:

10 Եվ նույն ժամին, երբ ջրից դուրս էր գալիս, տեսավ երկինքը՝ պատռված, և Աստուծո Հոգին, որպես աղավնի, որ իջնում էր իր վրա:

11 Երկնքից մի ձայն եկավ, որն ասում էր. «Դու՛ն ես իմ սիրելի Որդին, որ ունես իմ ամբողջ հաճությունը»:

12 Եվ անմիջապես Հոգին նրան հանեց տարավ դեպի անապատ:

13 Եվ նա այնտեղ էր քառասուն օր՝ փորձվելով սատանայից: Եվ նա գազանների հետ էր, իսկ հրեշտակները ծառայում էին նրան:

Հիսուս բեմ է դուրս գալիս: Նրա անունը նշանակում է՝ «Աստված փրկում է»: Մարկոսն արդեն խոսել է նրա մասին, բայց նա դեռ չի հիշատակել որևէ եղելություն, որտեղ Հիսուս հանդես է գալիս:

Այս առաջին տեսարանը ցույց է տալիս ընթերցողին, թե ով է Հիսուս, մի քիչ նըման այն նախադասության, որով բացվում է գիրքը: «Աստուծո Որդի Հիսուս Քրիստոսի Ավետարանի սկիզբը»: Սակայն Մարկոսի լեզուն էապես խորհրդանշական է: Ի՞նչ է հայտնում նա Հիսուսի մասին:

Հիսուս անցնում է նույն ճանապարհը, որով անցել էին եբրայեցիները Գաղթի ժամանակ: Նա սուլվում է ջրի մեջ և դուրս գալիս այնտեղից. դա հիշեցնում է եբրայեցիների անցքը Կարմիր ծովից: Դրանից հետո քառասուն օր փորձվում է անապատում ճիշտ այնպես, ինչպես քառասուն օր փորձության էր ենթարկվել Իսրայելի ժողովուրդը այնտեղ: Հիսուս Իսրայելի ժողովուրդի հանգման կետն է, այն ժողովուրդի, որի հետ Աստված խոսել էր՝ նրան կոչելով «Որդիս»: Հիսուս միաժամանակ հոտի հովիվն է, մի տեսակ նոր Մովսես: Եսայի մարգարեի զրքում մի կոչ կա ուղղված Աստծուն, որի միջնորդությունները հրեաները սիրում էին ոգեկոչել Գաղթի ժամանակ: Մարկոսն անտարակույս ներշնչվել է դրանից Հիսուսի մղկերթությունը նկարագրելիս.

Ո՛ր է Մովսեսն ու ժողովուրդը նրա.
(Տերն) երկրից հանեց հոտերի հովիվն.
Ո՛ր է (նա), ով դրեց նրանց մեջ
Սուրբ Հոգին:

(Եսայի ԿԳ 11)

Ջրի մեջ սուլվող և այնտեղից դուրս եկող Հիսուսը նաև այն անձն է, որը պիտի անցներ մահվան միջով: Մարկոսի ավետարանում «մկրտվել» բառը կարող է նշանակել «մահանալ», ինչպես այդ թելադրում է թաթախումով կատարվող մկրտության գործողությունը. անհետանում են ջրի մեջ՝ վերստին դուրս գալու համար ապատ օդ, ուր կյանքը կարող է ծաղկել: Խաչելությունից քիչ ժամանակ առաջ Հիսուս հարցրեց Հակոբոս և Հովհաննես առաքյալներին, որոնք ուզում էին բաժանել նրա ապագա փառքը.

Կարո՞ղ եք խմել այն բաժակը, որ ես խմելու եմ, կամ մկրտվել այն մկրտությամբ, որով ես մկրտվելու եմ: (Մարկ. Ժ 38):

«Սիրելի որդի» արտահայտությունը, որ արտասանում է երկնքից եկող ձայնը, մտածել է տալիս Աբրահամի որդի Իսահակի մասին: Նա նույնպես անցել էր մի տեսակ մահվան և հարության միջով, քանի որ մատուցվելու էր իբրև կոհ, բայց ապատվել էր: Աստված ասել էր Աբրահամին.

Վերցրո՛ւ քո սիրելի որդուն՝ Իսահակին, որին սիրեցիր, եվ գնա՛ դու երկիրը բարձրագիր.

Այնտեղ ողջակեղ կանես նրան լեռներից մեկի վրա, Որ ցույց կտամ քեզ: (Ծննդոց ԻԲ 2)

«Որդիս» բառը մեկն է այն արտահայտություններից, որ Աստված տալիս է Մեսիային, այն թագավորին, որին պետք ուներ Իսրայելը և որին դիմում է նա սքանչելի մի սաղմոսում.

Դու իմ որդին ես,
Ծնեցի քեզ ես այսօր:
(Սաղմոս Բ 7)

Այսպես, Հին Կտակարանին և հրեական ավանդություններին վերաբերող մի ամբողջ շարք ակնարկություններով Մարկոսը ընդհանուր գծերի մեջ ներկայացնում է Հիսուսի կերպարը: Հիսուս Իսրայելի ժողովուրդի հանգման կետն է, նա հովիվն է, Մեսիան, բայց նաև՝ Որդին, որը պիտի մահանա:

Մարկոսի մոտ խոսքերն ասվում են կեսբերան: Այստեղ մեծաբարբառ հայտարարությունների հետքն անգամ չկա: Երբ կարդում են Մարկոսի գրվածքը, նկատում են, որ նշանները թողարկված են: Հիսուս միայն տեսնում է երկնքի պատռվելն ու Սուրբ Հոգու իջնելը. դարձյալ նրա՛ն է միայն, որ դիմում է Հոր ձայնը: Ավետարանիչը չի ասում բնավ, որ ներկաներ կային այնտեղ, ի տար-

բերություն Մաթևոսի և Ղուկասի, որոնք շատ ավելի տեսանելի ձևով են նկարագրում երկնային նշանները: Մարկոսը կարծես վերապահորեն է խոսում իր ընթերցողի հետ. նա ուզում է պարզապես ուղու մեջ դնել նրան, որպեսզի ընթերցողն ինքը բացահայտի այն, ինչ բացահայտելու է իր ընթերցման ընթացքում:

Հիսուսի մկրտության և փորձության տեսարանը նման է մի օպերայի նախերգանքի, որտեղ ուրվագծվում են երկի գլխավոր թեմաները, իսկ դրաման հենց նոր է սկսվում:

4. ԱՍՏՈՒԾՈ ԱՎԵՏԱՐԱՆԸ (Մարկ. Ա 14—15)

Ա 14 Հովհաննեսի մատնվելուց հետո Հիսուս Գալիլիա եկավ. նա քարոզում էր Աստուծո Ավետարանը և ասում.

15 «Ժամանակը լրացել է, և հասել է Աստուծո Թագավորությունը. ապաշխարեցե՛ք և հավատացե՛ք Ավետարանին»:

Նախքան Հիսուսի շրջագայության դուրս գալը քարոզության համար, Հովհաննես Մկրտիչը անհետանում է հրապարակից: Մարկոսի գրվածքը մեզ ասում է, որ նա «մատնվեց», ինչպես մատնվելու էր ինքը Հիսուս, իսկ նրանից հետո էլ՝ նրա աշակերտները: Հովհաննեսն արդեն բաժանում է հալածված ապագա քրիստոնյաների ճակատագիրը: Մարկոսի համար թերևս դա մի ձև է նրան կապելու Եկեղեցու հետ:

Հիսուս ինքը վերադառնում է Գալիլիա, այն շրջանը, որտեղից մեկնել էր, որպեսզի զար Հորդանան ու գտներ Հովհաննեսին: Այնտեղ է, որ նա սկսում է քարոզել: Ավետարանիչը տալիս է այդ քարոզության ամփոփումը, որ կոչում է «Աստուծո Ավետարան», այսինքն՝ այն Բարի լուրը, որն Աստուծուց է գալիս և սահմանված է մարդկանց: Ամփոփումը արտահայտված է երկու նախադասությամբ:

Հիսուս նախ հայտնում է մի նոր կացության մասին՝ ասելով.

Ժամանակը լրացել է, և հասել է Աստուծո Թագավորությունը:

Ո՞ր ժամանակի մասին է խոսքը, և ի՞նչ է այդ Աստուծո Թագավորությունը, որը մոտեցել է:

Շատ դժվար է բառերով պատասխանել այս հարցերին: Ավետարանները երբեք Աստուծո Թագավորության մասին որևէ սահմանում չեն տալիս: Այդ մասին Հիսուս միայն առակներ է պատմում, որոնք թույլ են տալիս բացահայտել որոշ երևույթներ. սակայն դա այնպիսի բազմաբովանդակ մի իրողու-

թյուն է, որ հնարավոր չէ ըմբռնել մի քանի նախադասություններով: Թե ինչ բան է Աստուծո Թագավորությունը, կարելի է հասկանալ միայն այն դեպքում, երբ այն ապրում են ներքնապես:

Այսուհանդերձ, ինչ որ Հիսուս ասում է հստակորեն, այն է, որ ինչ-որ բան այլևս առաջվա նման չէ: Նրա մկրտության ժամանակ տեղի էր ունեցել մեծ տակնուվրայություն տարածության մեջ. ջնջվել էին սահմաններ, պատռվել էր երկինքը, հաղորդակցություն էր ստեղծվել վերևի աշխարհի և ներքևի աշխարհի միջև: Այժմ Հիսուս պատգամաբերն է այդ նոր կացության, նա այն դարձնում է իր քարոզության մեկնակետը:

Հիսուսի տված պատգամի երկրորդ մասը շտապեցնող մի հրավեր է.

Ապաշխարեցե՛ք և հավատացե՛ք Ավետարանին:

Բավական չէ գիտենալ, որ Աստուծո Թագավորությունը մոտեցել է: Նրանք, ովքեր թիկունք են դարձնում Աստուծո Թագավորությանը, օտար են մնում դրան: Հարկավոր է նրա կողմը դառնալ, ապաշխարել և եռանդագին ձեռնամուխ լինել որոնելու այդ Թագավորությունը: Հիսուս քարոզում է հանդես բերել դինամիկ մի կեցվածք: Նա հրավիրում է մարդկանց, որ նետվեն մի տեսակ արկածախնդրության մեջ՝ մղված իր իսկ քարոզած Ավետարանի նկատմամբ իրենց ունեցած հավատից:

«Ավետարան» բառը, որն արդեն գործածված էր գրքի առաջին նախադասության մեջ, հետաքրքրական է, որ վերստին երկու անգամ հիշատակվում է վերոհիշյալ հատվածում: Հիսուս «քարոզում է Աստուծո Ավետարանը», գրում է Մարկոսը (համար 14), իսկ Աստուծո այդ Ավետարանի բովանդակությունը հենց «Ավետարանին հավատալն» է (համար 15): Մարդ փորձվում է մաթեմատիկական լեզվով ասել, որ Հիսուս Ավետարանը քարոզում է քառակուսի արմատով:

Ինչո՞ւ այս առանձնահատկությունը: Աստարակույս նրա համար, որ, ըստ սուրբ Մարկոսի, Հիսուս միաժամանակ նա է, որ քարոզում է Ավետարանը, և նա, որին Ավետարանն է քարոզում: Ի վերջո, Բարի լուրը ինքը Հիսուսն է: Այստեղից մեկնելով, գրքի առաջին նախադասությունը՝

Աստուծո Որդի Հիսուս Քրիստոսի Ավետարանի սկիզբը

կարելի է հասկանալ՝

Սկիզբն Ավետարանի, որ է Աստուծո Որդի Հիսուս Քրիստոս (Մարկ. Ա 1):

Հիսուսի և Ավետարանի միջև եղած նույնությունն այսպես թելադրելով՝ Մարկոսը պարզացնում է իր ընթերցողի հասկացողությունը: Բայց միևնույն ժամանակ նա ընթերցողին առաջ է մղում ավելի երկար մի հանգրվանի համար, այն հանգրվանի, որն սկսվում է այժմ և որը նրան հասցնելու է այն բանին, որ նա Հիսուսի մեջ ճանաչի հրեաների կողմից սպասված Մեսիային:

5. ՉՈՐՍ ԿԱՆՉՎԱԾՆԵՐԸ (Մարկ. Ա 16—20)

Ա 16 Երբ նա անցնում էր Գալիլայի ծով-եկրով, տեսավ Սիմոնին և նրա եղբայր Անդրեասին, որոնք ուռկանները ծովն էին գցել, որովհետև ձկնորսներ էին:

17 Եվ Հիսուս նրանց ասաց. «Իմ ետևից եկեք, և ես ձեզ կդարձնեմ մարդկանց որսորդներ»:

18 Եվ իսկույն ուռկանները թողնելով՝ գնացին նրա հետ:

19 Այստեղից մի քիչ առաջ գնալով՝ տեսավ Չեբեդյան Հակոբոսին և նրա եղբայր Հովհաննեսին. սրանց էլ տեսավ իրենց նավակի մեջ, մինչ ուռկաններն էին կարգի բերում:

20 Եվ կանչեց նրանց. և նրանք իսկույն նավակի մեջ թողնելով իրենց հորը՝ Չեբեդեսին, վարձկան ձկնորսների հետ միասին, գնացին նրա ետևից:

Իր խոսքերով ու գործերով Հիսուս հայտնում է, որ ինքը Մեսիան է, Քրիստոսը: Նա աստիճանաբար ճանաչվում է որպես այդպիսին: Նա գործում և խոսում է վկաների առջև, որոնք խոստովանում են՝ այն, ինչ տեսել են: Սիմոնը՝ առաջին երկու մարդկանցից մեկը, որին Հիսուս կանչում է, որպեսզի ուղեկցի իրեն, հենց այն մարդն է, որը պիտի կարողանար ասել.

Դու Քրիստոսն ես (Մարկ. Ը 29):

Երբեմն մարդ նեղվում է՝ մտածելով, թե որքան հապճեպ որոշում են ընդունել Սիմոնն ու Անդրեասը, Հակոբոսն ու Հովհաննեսը: Շատ հաճախ ասում են ինքը քեզ, որ այն ընտրությունները, որոնց վրա մարդիկ կառուցում են իրենց կյանքը, պահանջում են հասունացման երկար ջրջան: Սովորաբար մարդիկ պոռնակում են կատարել մի բան, որ պատահաբար անցնում է իրենց մտքով:

Արդարև, սխալ կլինեք մտածել, որ Մարկոսը կամ միուս ավետարանիչները կարող

էին նկարագրել Հիսուսի աշակերտների հոգեփոխությունը այն պահին, երբ նրանք կանչվեցին: Հնարավոր է և նույնիսկ հավանական, որ Սիմոնն ու ընկերները վաղուց ճանաչած լինեին Հիսուսին, և որ իրենց ընդունած որոշումը հասունացած լինեք ժամանակի ընթացքում: Ինչ որ Մարկոսն արժեքավորում է, դա այն է, որ Հիսուսին հետևելու նրանց որոշումը եղել է արմատական: Նա այդ բանը ներկայացնում է «կանչվելու պատմության» ձևի տակ, որը կանչերը պատմելու մի եղանակ է (շատ գործնական Աստվածաշնչում) և ընդգրկում է չորս փուլեր.

1. Տեղը տեսնում է ապագա աշակերտին.

2. Կանչում է նրան.

3. Կանչվածը իր համաձայնությունը արտահայտում է որևէ շարժումով (վեր կենալ, թողնել պաղումը և այլն).

4. Կանչվածը հետևում է տիրոջը:

Ճիշտ այս ձևով է, որ Մարկոսը նկարագրում է Սիմոնի ու Անդրեասի, ապա նաև Հակոբոսի ու Հովհաննեսի կանչվելը: Պատմելու այս եղանակը հաշվի չի առնում ապագա աշակերտի հոգեկան կամ հոգեբանական փոփոխությունը: Դրան հակառակ, արժեքավորում է երկու հիմնական բան ամեն մարդու համար, որ որոշում է իր կյանքը ի սպաս դնել Աստուծո Թագավորությանը.

Առաջին՝ նա նույնն է մնում իր որոշումից առաջ և հետո. Սիմոնը, որ ձկնորս էր, դառնում է «մարդկանց որսորդ»:

Երկրորդ՝ նա ետին պլան է մղում ամեն ինչ, որ կարող է արգելք հանդիսանալ իր նոր առաքելությանը՝ հանձն առնելով անհրաժեշտ բաժանումները: Սիմոնն ու Անդրեասը թողնում են իրենց ուռկանները: Հակոբոսն ու Հովհաննեսը թողնում են իրենց ընտանիքն ու գործընկերներին: Այս արարքով Հիսուսի աշակերտները հասնում են ապատության, որը թույլ պիտի տա նրանց ամբողջովին նվիրվել իրենց նոր պարտականությանը:

Յուրաքանչյուր կոչում ունի իր պատմությունը, այնքան առանձնահատուկ, որ հետաքրքրական չի լինի նկարագրել նրա բավմատեսակ հանգամանքները: Սակայն միշտ էլ կան պահանջներ, որոնք ընդհանուր են՝

— մնալ այնպես, ինչպիսին կաս,

— դառնալով հանդերձ ավելի պատրաստակամ:

6. ԻՇԽԱՆՈՒԹՅՈՒՆ, ՈՐ ՀԱՐՑՈՒՄ Է ԱՌԱՋԱԴՐՈՒՄ (Մարկ. Ա 21—28)

Ա 21 Եվ մտան Կափառնայում: Հիսուս

- նույն շաբաթ օրն իսկ ժողովարան մտնելով՝ ուսուցանում էր նրանց:
- 22 Եվ նրանք վարմանում էին նրա քարոզության վրա, որովհետև նրանց ուսուցանում էր իշխանությամբ և ոչ՝ ինչպես դավիթները:
- 23 Արդ, նրանց ժողովարանում մի մարդ կար, որի մեջ կար պիղծ ոգի, որն աղաղակեց և ասաց.
- 24 «Թո՛ւյլ տուր, ի՛նչ ես ուզում մեզնից, Հիսուս Նապոլիեցի. մեզ կորստյան մատնելո՞ւ եկար. գիտե՞նք քեզ, թե ով ես դու՝ Աստուծո Սուրբը»:
- 25 Հիսուս սաստեց նրան և ասաց. «Չայնըդ կտրի՛ր և դո՛ւրս ել դրանից»:
- 26 Եվ պիղծ ոգին սաստիկ ցնցեց դիվա-հարին և բարձրաձայն աղաղակելով՝ դուրս ելավ նրանից:
- 27 Եվ ամենքը վարմացան, այնպես որ հարցնում էին իրար և ասում. «Այս ի՛նչ նոր վարդապետություն է, որ իշխանությամբ պիղծ ոգիներին էլ է սաստում, և նրանք հնազանդվում են նրան»:
- 28 Եվ նրա համբավը տարածվեց Գալիլիայի բոլոր կողմերում:

Կափառնայումը մի մեծ գյուղաքաղաք է, որը գտնվում է Տիբերիական լճի արևմտյան ափին: Մարկոսը, չափապանցնելով, այդ լիճը կոչում է «Գալիլայի ծով»: Կափառնայումը հիմնականում ձկնորսների քաղաք է: Թվում է, որ Հիսուս այստեղ է եկել առնվազն մի քանի օրվա համար:

Ամեն շաբաթ օր, առավոտյան, ժողովարանում տեղի էր ունենում աղոթածոթող: Հիսուս գնում էր այնտեղ քաղաքի մարդկանց հետ: Նա այդ բանին սովոր էր դեռևս մանկությունից:

Ժողովարանում ժամասացությունը բաղկացած էր լինում աղոթքներից ու երգերից, որոնք մեծ մասամբ փոխառություններ էին լինում Աստվածաշնչից: Այն ընդգրկում էր նաև երկու ընթերցումներ. մի հատված Օրենքի գրքից կամ «Թորայից» (Աստվածաշնչի առաջին հինգ գրքերը) և մի քաղվածք մարգարեությունների գրքից, ընդհանրապես՝ Եսայի մարգարեից: Այնուհետև ընթերցված գրվածքի շուրջ մի քարոզ էր խոսվում ներկա մարդկանցից մեկի կողմից, որը Աստվածաշնչին բավականաչափ գիտակ մի անձնավորություն էր լինում՝ քաղաքի բնակիչներից մեկը կամ անցորդ մի հյուր: Կրոնական համայնքի ղեկավարները ավելի հաճախ ուրիշ մեկին էին հրավիրում խոսելու, քան իրենք էին խոսում:

Ահա այս շրջանում է, որ Հիսուս սկսում է ուսուցանել: Ներգործությունը լինում է անմիջական. նրա խոսքը տարբեր է այն

կոնցյունկներից, որ մարդիկ լսում են սովորաբար: Այդ խոսքը պարտադրում է իրեն, պարտադրում իր հեղինակությամբ:

Սակայն Հիսուսի հեղինակությունը դրանով չի վերջանում. այն դրսևորվում է նաև այն հնազանդությամբ, որ նրա հանդեպ ցույց են տալիս չար պորությունները, որոնք բնականություն էին հաստատել ժողովարանի աղոթքին մասնակցող մի խեղճ մարդու մեջ, որը երևի լսել էր Հիսուսի կողմից արտասանված քարոզը:

Պարզ չէ մեզ համար, թե ինչպիսի մեկն էր այդ դիվախարը և թե այդ ռոպեին հոգեկան ինչ վիճակի մեջ էր գտնվում: Նրա խոսքերը այն տպավորությունն են թողնում, որ նա մեծ շփոթության է մատնված. ասում է «մենք», ասում է «ես», կասկածում է իր սեփական անձին: Եվ սակայն Հիսուսի մասին նա ունի այնպիսի հստակ պատկերացում, որից պուրկ են մյուսները: Նա գիտի, որ քիչ առաջ խոսող մարդը շատ մոտ է կանգնած Սրբության Աստծուն, որ այդ մարդը նա է, որին Տերը առանձնացրել է բացառիկ մի առաքելության համար:

Դիվախարի հայտարարությունը միանում է այն խոսքերին, որ Հիսուս լսեց երկնքից իր մկրտության օրը՝

Դո՛ւ ես իմ սիրելի Որդին,

Որ ունես իմ ամբողջ հաճությունը

(Մարկ. Ա 11)

Որոշ իմաստով, բնական է, որ մի դև, որը գերբնական աշխարհին է պատկանում, Հիսուսի մասին իմանա այնքան բան, որքան ինքը Աստված: Այսուհանդերձ, Հիսուսի աչքին նա շատ բան գիտե, և Հիսուս լռություն է պարտադրում նրան: Մարկոսի Ավետարանում Հիսուս միշտ մերժում է իր անձի մասին կոպտորեն արված հայտնությունները: Հոգեպես չպատրաստված մարդկանց առաջ իր ինքնության բացահայտումը խորապես չարաղետ է, նույնիսկ՝ դիվական:

Հավատին հասնելու համար հարկավոր է ժամանակ, հարկավոր է անհատական և աստիճանական հայտնագործություն:

Հիսուս, հետևաբար, վտարում է այդ ուժեղ ոգուն, որը շատ բան գիտի. նա ի վիճակի է այդ բանն անելու, որովհետև նրանից ավելի ուժեղ է:

Այս եղելությանը ներկա գտնվողների մեջ առաջանում է կրկնակի վարմանք. նրանք լսում են մի նոր վարդապետություն. վկա են լինում չարի դիմաց հանդես եկող մի արտասովոր պորության: Ուստի, հետևյալ հարցը են տալիս իրենք իրենց, մի հարց, որ գուցե նրանց թույլ կտա առաջ ընթանալ. «Ի՛նչ է սա»:

Ամեն առաջադիմության հիմքում միշտ մի հարցադրում կա, մի կասկածանք իր սեփական համոզմունքների նկատմամբ:

7. ԱՌԱՋԻՆ ԲԺՇԿՈՒՄԸ (Մարկ. Ա 29—31)

Ա 29 Եվ իսկույն, ժողովարանից դուրս ելնելով, եկավ Սիմոնի և Անդրեասի տունը, Հակոբոսի և Հովհաննեսի հետ:

30 Սիմոնի պոքանչը տաքության մեջ պառկած էր. իսկույն նրա մասին ասացին Հիսուսին:

31 Եվ նա, մոտենալով, բռնեց նրա ձեռքը և նրան վեր բարձրացրեց. և տենող նրան թողեց. և նա ծառայում էր ներանց:

Սիմոնի տունը պետք է մոտ եղած լիներ ժողովարանին, որովհետև շաբաթ օրը սովորություն չկար շատ քայլելու: Հենց որ ժողովարանում ժամասացությունը վերջանում է, Հիսուս գնում է այնտեղ չորս ձկնորսների ուղեկցությամբ, որոնք դարձել էին նրա ընկերները:

Տանեցիք օգտվում են Հիսուսի գալստից՝ այդ պահի մտահոգությունը վատահելով ներան: Մի փոքրիկ սենյակում, որը ընդհանուր սրահից բաժանված էր մի վարագույրով, Սիմոնի պոքանչը, տենդից բռնված երկի պառկած էր գետնին: Նա, ով ժողովարանում քիչ առաջ ցույց էր տվել իր խոսքի իշխանությունը և իր պորությունը չարի դիմաց, անկասկած ինչ-որ բան կարող էր անել: Ինչո՞ւ չդիմել նրան:

Արդարև, Հիսուս միջամտում է: Ձեռքի մի պարզ շարժում բավական է լինում, որպեսզի կիներ ոտքի կանգնի և վերսկսի պառկել իր տնական գործերով: Առաջին հերթին, իհարկե, նա իր ստացած նոր եռանդը նվիրում է տանը հավաքված այդ փոքրիկ խմբի՝ Սիմոնի, Անդրեասի, Հակոբոսի, Հովհաննեսի և Հիսուսի ծառայությանը:

Այս խոնարհ կիներ Մարկոսի և նրա ընթերցողների համար դառնում է օրինակելի տիպարը բոլոր այն կանանց և տղամարդկանց, որոնք իրենց անձը նվիրում են Հիսուսի և նրա Եկեղեցու ծառայության գործին:

8. ՀԱՅՈՂՈՒԹՅՈՒՆԸ (Մարկ. Ա 32—34)

Ա 32 Երբ երեկո եղավ, արևի մայր մտնելու ժամանակ, նրա մոտ էին բերում բոլոր հիվանդներին և դիվահարներին:

33 Եվ ամբողջ քաղաքը հավաքվել էր դռների առաջ:

34 Եվ նա տեսակ-տեսակ հիվանդություններից բազում հիվանդներ բժշկեց և բազում դևեր հանեց. և թույլ չէր տալիս դևերին խոսել, որովհետև գիտեին նրան, որ Քրիստոսն է:

Շաբաթ օրն սկսվում է ուրբաթ երեկոյան, երբ երևում է առաջին աստղը: Այն վերջանում է քսանչորս ժամ հետո, այնպես որ շաբաթ օրվա երեկոն տոնական օրվա մաս էլ կապվում:

Կառափնայումի բնակիչները սպասում էին շաբաթ օրվա վերջավորության, որպեսզի եկրակացություններ անեն հուլունալից այդ օրվա մասին: Առավոտից սկսած՝ լեզուները կանգ չէին առնում ժողովարանում տեղի ունեցածի շուրջ: Սիմոնի պոքանչի բժշկումը եթե նույնիսկ տեղի ունեցած լիներ ավելի ծածուկ մի շրջանակում, դարձյալ շրջան պիտի աներ ամբողջ քաղաքում:

Եվ ահա, հապիվ ապատված շաբաթ օրվա պահեցողությունից, երբ արգելվում է որևէ տեղ որևէ բան փոխադրել, մարդիկ սկսում են վազել Սիմոնի տունը (որտեղ գտնվում էր Աստուծո նոր մարդը), յուրաքանչյուր ընտանիք քարշ տալով իր հիվանդ, աննորմալ, տխրեղծ մեկ անդամին՝ ջահերի կամ աստղերի լույսի տակ:

Մի հրաշալի՜ ջբերք...:

Հիսուս սկսում է բժշկել, ինչպես արել էր առավոտվանից ի վեր. ապաքինվում են հիվանդներ, հանվում են դևեր և միաժամանակ դատապարտվում լուրջության, որովհետև Հիսուս միշտ մերժում է իր ինքնության կոպիտ բացահայտումը:

Նրա համար, սակայն, դա մի իսկական հաջողություն է: Մի ամբողջ քաղաք նրա ջնդրիկ մայրել էր հույսի առանձնահատուկ մի պահ:

9. ԱՋԱՍԳՐՈՂ ԱՂՈԹՔ (Մարկ. Ա 35—39)

Ա 35 Առավոտյան մոտ, լույսը բացվելուց առաջ, վեր կացավ և ելավ-գնաց ամայի մի տեղ ու այնտեղ աղոթում էր:

36 Նրա ետևից գնաց Սիմոնը և նրանք, որ նրա հետ էին:

37 Եվ երբ գտան նրան, ասացին. «Ամենքը փնտրում են քեզ»:

38 Եվ նա ասաց. «Եկեք գնանք այլ մոտակա գյուղաքաղաքներ ևս, որպեսզի այնտեղ էլ քարոզեմ, որովհետև հենց դրա համար եմ եկել»:

39 Եվ ամբողջ Գալիլայում նրանց ժողովարաններում քարոզում և դևեր էր հանում:

Նախքան սենյակից դուրս սողոսկելը՝ Հիսուս, անկասկած, խարխափելով ու լոք տալով անցավ մի քանի մարդկանց մարմինների վրայով, որոնք պառկած էին խսիրներով ծածկված այդ փոքրիկ սենյակի հատակին: Կափառնայումը իր դիրքով իշխում էր Տիբերիական լճի վրա: Մի քանի քայլ անելով՝ մարդ կարող էր դուրս գալ քաղաքից և ինքն իրեն գտնել աստղերով ցանցնված լճի անհունության դիմաց:

Երբ Սիմոն ու իր ընկերները արթնացան, շատ վարմացան Հիսուսին չգտնելով այն տեղում, որտեղ նա պառկել էր նախորդ գիշերը: Ո՛ր էր գնացել արդյոք: Կափառնայումի բնակիչների հուսախաբությունը շատ մեծ եղավ. մի երեկո, ինչպիսին նախորդ օրվա երեկոն էր, չի մոռացվի բնավ: Նրանք ուզում էին, որ Հիսուս նորից բժշկի: Ուստի, բոլորը մեկնեցին փնտրելու նրան:

Երբ վերջապես նրան գտան, Հիսուս նըրանց հասկացրեց, որ տոնական օրը վերջանալու մոտ է: Աղոթքի երկար ժամերի ընթացքում, Աստուծո հայացքով կրկին նայելով նախորդ օրվա եղելությունների վրա, նա չափել էր իր հաջողությունը, իր հաջողության սահմանները, հարևան գյուղերի բնակիչների սպասման անսահմանությունը: Կափառնայումն ստացել էր իր բաժինը: Շատ հեջտ կլինեք համենալ այնտեղ այն պատրվակով, որ ամեն ինչ լավ է ընթանում: Սակայն կարևոր էր Ավետարանը սերմանել նաև ա՛յլ վայրերում:

Հիսուսի աղոթքը օգնել էր նրան՝ ապատարվելու ժողովրդականություն ձեռք բերելու հրապուրանքից և ապրելու անհրաժեշտ բաժանումների դառնությունը:

Աստուծո հետ ստիպողաբար հարաբերության մեջ մտնելով է, որ մարդ գտնում է իր ճշմարիտ ուժը: Մարկոսն այդ ապացուցում է Հիսուսի առնչությամբ: Նա նաև հրավիրում է իր ընթերցողներին, որպեսզի համարձակություն ունենան աղոթելու այնպես, ինչպես արել էր իրենց Տերը:

10. ՄԻ ՇԱՏԱՆՈՍ ԲՈՐՈՏ

(Մարկ. Ա 40—45)

Ա 40 Նրա մոտ եկավ մի բորոտ. նա աղաչում էր, ծնկի էր գալիս և ասում. «Տե՛ր, եթե կամենաս, կարո՞ղ ես ինձ մաքրել»:

41 Իսկ Հիսուս, գթալով, ձեռքը երկարեց, դիպավ նրան և ասաց. «Կամենում եմ, մաքրվի՛ր»:

42 Եվ երբ նրան այս ասաց, բորոտությունը իսկույն գնաց նրանից, և նա մաքրվեց:

43 Եվ Հիսուս խստությամբ խոսելով՝ իսկույն դուրս հանեց նրան և ասաց.

44 «Ձգո՛ւյ՛ջ եղիր, ոչ ոքի բան չասես, այլ գնա՛, քեզ քահանային ցո՛ւյց տուր և մաքրվելուդ համար ընծա տուր այն, ինչ հրամայել էր Մովսեսը՝ նրանց համար իբրև վկայություն»:

45 Բայց նա, դուրս գնալով, սկսեց եռանդուն կերպով քարոզել և լուրը տարածել այն աստիճան, որ Հիսուս չէր կարողանում այլևս հայտնապես քաղաք մտնել, այլ մնում էր դուրսը, ամառի տեղերում. և բոլոր կողմերից գալիս էին նրա մոտ:

Դեպքի վայրը հայտնի չէ: Մարկոսը որոշակիորեն չի ասում, թե որտեղ և երբ է տեղի ունեցել այն: Կարող ենք պատկերացնել, որ դեպքը կատարվել է Կափառնայումից Հիսուսի հեռանալուց մի քանի օր հետո, երկու գյուղերի միջև գտնվող մի ճանապարհի վրա, քանի որ բորոտներն ապրում էին մեկուսացված՝ ուրիշների չվարակելու համար:

Հին Կտակարանում, արարել, օրինազրված են բորոտների կյանքի պայմանները: «Լևտացվոց գրքի պատվիրանները, որոնք խմբագրված են վազկատունների համար, տակավին ուժի մեջ էին Հիսուսի ժամանակաշրջանում, երբ Իսրայելի ժողովրդի մեծամասնությունը դարձել էր նստակյաց:

Իր վրա խոց ունեցող բորոտի հանդերձը թող քանդված լինի, և նրա գլուխը մերկ լինի. թող նա իր բերանը ծածկած պահի և պիղծ կոչվի: Իր վրա խոց եղած բոլոր օրերին թող նա պիղծ համարվի. և քանի պիղծ է, առանձին թող ապրի, և նրա բնակարանը թող լինի ճամբարից դուրս:

(Լևտ. ԺԳ 45—46)

Առաջին դարում, ինչպես դեռևս միջնադարյան շրջանում, բորոտությամբ տառապող մեկը ամենից առաջ հասարակությունից արտաքսված մարդ էր: Արդ, այս բորոտը համարձակվում է դիմել Հիսուսին, որի համբավը, այնուամենայնիվ, հասել էր իրեն: Նա ծնրադրում է նրա առջև գրեթե ծիսական մի շարժումով: Նա վստահություն ունի նրա հանդեպ:

Հիսուս խորապես հուզվում է: Նա արքաներին հատուկ մի շարժում է կատարում. ձեռքը երկարում է առաջ, որովհետև դիպչել մի բորոտի՝ նշանակում էր իր անձը ենթարկել վարակումի և անմաքրության վտանգին: Նա պարզ ու մեկին մի խոսք է արտասանում՝ «Կամենում եմ»:

Հիսուս հայտնապես մի նպատակ ուներ. որ հիվանդը լավանար: Նա մաքրվեց: Այժմ թող գնա-գտնի քահանային և տա նրան ապաքինված մի բորոտի համար հրեական օրենքով նախատեսված ընծան. թող բոլորի

կողմից ճանաչվի որպես քաջառողջ մարդ, ուստի և թող ներգրավվի բնականոն կյանքի մեջ, և թող այլևս այդ մասին չխոսվի:

Հիսուս ոչ մի ցանկություն չունի, որ իր կատարածի շուրջ ժողովրդի մեջ որևէ խոսակցություն տարածվի: Այստեղից էլ նրա խոսքերը՝ ուղղված խեղճ մարդուն, որին, որպես առաջին պատվեր, հրահանգվում է լեզուն զսպել:


Սակայն, ավա՛ղ, նա չի հնազանդվում: Հիսուս իշխանություն ունի մարդկանց անմաքրության և հիվանդության վրա, բայց ոչ նրանց խղճի: Ապաքինված բորոտը ջատախոս մարդ է: Հենց որ Հիսուս մի գյուղաքաղաք է գալիս, իր համբավը ավելի արագ

է հասնում այնտեղ, և նա չգիտի ինչ անել, որովհետև դա խաթարում է հարաբերությունները:

Քարոզչական այն շրջագայությունը, որ Հիսուս մտադրվել էր կատարել Գալիլիայի գյուղերում Կափառնայումից հեռանալու ժամանակ, տեղի չի կարող ունենալ: Հետևաբար նա մնում է գյուղում, ասես բորոտությունը կպած լինել նրան, և սակայն, հակառակ դրան, նա դեռևս անհանգիստ է:

Ի վերջո նա վերադառնում է Կափառնայում:

(Շարունակելի)



«ЭЧМИАДЗИН»
ОФИЦИАЛЬНЫЙ ЖУРНАЛ ЭЧМИАДЗИНСКОГО КАТОЛИКОСАТА
(ФЕВРАЛЬ 1986 г.)

1. Энциклика Католикоса всех армян Вазгена I дирекции Галлейского университета и доктору-арменоведу Герману Колцику по случаю 60-летия со дня смерти отца Иоанна Лепсиуса, 10 февраля 1986 г., № 1410 (стр. 3—5).

2. Научное собрание, посвященное 60-летию со дня смерти отца Иоанна Лепсиуса в Галле-Витенбергском университете имени Мартина Лютера Восточной Германии, 18—19 февраля 1986 г. Помещен также доклад проф. Герхарда Басарака на тему «Миротворческая деятельность Армянской Церкви» (стр. 6—13).

3. Праздник свв. Гевондидов в первопрестольном Эчмиадзине 4 февраля 1986 г. (стр. 14—15).

4. Праздник свв. Врданидов и годовщина тезеименштства Католикоса всех армян Вазгена I в первопрестольном Эчмиадзине, 5—6 февраля 1986 г. (стр. 16—22).

5. Праздник Сретения Иисуса Христа и диаконское рукоположение в первопрестольном Эчмиадзине, 14 февраля 1986 г. (стр. 23—26).

6. Церковная хроника первопрестольного Эчмиадзина за февраль месяц (стр. 27—28).

7. Биография священника Езника Петросяна по случаю получения ученой степени доктора богословия в теологическом факультете Афинского университета (стр. 29).

8. Диакон Геворг Мкртчян—Рождение Ваагна (стихотворение)—(стр. 30).

9. Епархиальная жизнь:

Посещение епископа Нарека Шакаряна в армянскую епархию Египта (стр. 31—35).

Ерванд Мелконян—Откуп армянской церкви в г. Амстердаме (стр. 35—38).

Иеромонах Затик Аветикян—Диаконское рукоположение в армянской церкви св. Акопа в г. Лионе (стр. 38—39).

Диаконское рукоположение в армянской церкви св. Богородицы в г. Мольбурне (стр. 39—40).

Праздник Врданидов в армянской епархии Ирака (стр. 40—42).

Священник Саркис Саркисян—Участие Армянской Церкви в неделе «Молитва союза христиан» в г. Милане и близлежащих городах (стр. 42—43).

10. Епископ Анания Арабаджян—Христианско-мусульманский диалог в г. Праге, 1—3 февраля 1986 г. (стр. 44).

11. Архиепископ Шнорк Галустян—Краткий очерк о строении всеобщих соборов Армянской Церкви (исследование)—(стр. 45—50).

12. Отец Мишель Кенел—Как читать Евангелие (перевод с французского)—(стр. 51—60).



"ETCHMIADZIN"
OFFICIAL JOURNAL OF HOLY ETCHMIADZIN
(FEBRUARY 1986)

1. The encyclical of His Holiness addressed to the administration of Halle university and Dr. Hermann Goltz on the occasion of the 60-th anniversary of Father Johannes Lepsius' death, 10-th February 1986, No. 1410 (pp. 3—5).

2. International symposium in the Martin Luther university in the city of Halle-Wittenberg of East Germany, devoted to the 60-th anniversary of the death of Father Dr. Johannes Lepsius, 18—19-th February 1986. Report of Prof. Gerhard Bassarak in the symposium with the topic „Activity of the Armenian Church in favour of peace“ (pp. 6—13).

3. Celebration of Saints Ghevondian in Holy Etchmiadzin, 4-th February 1986, (pp. 14—15).

4. Commemoration of the Day of Saint Vardan in the Holy See, 5—6-th February 1986 (pp. 16—22).

5. The Candlemass-day celebration and ordination of deacons in the Cathedral of Holy Etchmiadzin, 14-th February 1986 (pp. 23—26).

6. Divine liturgy services and sermons delivered in the Holy Cathedral and description of church festivities in the Holy See during the month of February (pp. 27—28).

7. The biography of Father Yeznik Petrossian on the occasion of his receiving the degree of Doctor in the faculty of theology of Athens' university (p. 29).

8. Deacon Gevorg Mkrtchian—The birth of Vahagn (poetry)—(p. 30).

9. Diocesan life:

a. Bishop Narek Shakarian—Visit to the Armenian diocese of Egypt (pp. 31—35).

b. Yervand Melkonian—The purchasing again of the Armenian Church of Amsterdam (pp. 35—38).

c. Reverend Zatik Avedikian—Ordination of deacons in the Armenian Church of Lyon (pp. 38—39).

d. Ordination of deacons in the Holy Virgin Armenian Church of Melbourne (pp. 39—40).


e. The commemoration of the Day of Saint Vardan in the Armenian diocese of Iraq (pp. 40—42).

f. Father Sarkis Sarkissian—The participation of the Armenian Church in Milano (Italy) and the neighbouring cities during the „Week of the prayer for unity of christians“ (pp. 42—43).

10. Bishop Ananya Arabadjian—Christian-Mahometan dialogue in Praga, 1—3rd February, 1986 (p. 44).

11. Archbishop Shenork Galoostian—A brief study on the constitution of the councils of the Armenian Church (pp. 45—50).

12. Father Michel Quesnel—„How to read a gospel“ (translation from french to modern Armenian)—(pp. 51—60).



„ETCHMIADZINE“

ORGANE OFFICIEL DU SAINT-SIEGE D'ETCHMIADZINE
(FEVRIER 1986)

1. Encyclique No. 1410 du 10 février 1986 de Sa Sainteté Vasken Ier adressée à la direction de la Section de Théologie de l'Université de Halle et au Dr. Hermann Goltz à l'occasion de la célébration du 60e anniversaire de la mort du Dr. Johannes Lepsius (pp. 3—5).

2. Symposium international tenu du 18 au 19 février 1986 à l'Université Martin-Luther de la ville de Halle-Wittenberg (RDA) et consacré au 60e anniversaire de la mort du Dr. Johannes Lepsius.

Conférence du Dr. Gerhard Bassarak au Symposium sous le thème: „L'activité de L'Eglise apostolique arménienne en faveur de la paix“ (pp. 6—13).

3. Célébration de la fête des saints Ghévon-dian à Saint-Etchmiadzine (4 février 1986)—(pp. 14—15).

4. Commémoration de la Journée de saint Varjan à Saint-Etchmiadzine (5—6 février 1986)—(pp. 16—22).

5. Célébration de la fête de Chandeleur et ordination de diacres dans la cathédrale de Saint-Etchmiadzine (14 février 1986)—(pp. 23—26).

6. Brèves informations concernant la célébration des saintes messes, les sermons prononcés à cette occasion et d'autres cérémonies religieuses qui ont eu lieu dans la cathédrale de Saint-Etchmiadzine au cours du mois de février 1986 (pp. 27—28).

7. Biographie du Père Yeznik Pétrossian, docteur en théologie de l'université d'Athènes (p. 29).

8. Diacre Guévork Mekertchian—„La naissance de Vahagn“ (poème)—(p. 30).

9. Vie diocésaine:

a) Visite de l'évêque Narek Chakarlan au diocèse des Arméniens d'Egypte (pp. 31—35).

b) Yervand Melkonian—Le rachat de l'église arménienne d'Amsterdam (pp. 35—38).

c) Père Zatik Avétikian—Ordination de diacres dans l'église arménienne St. Jacques à Lyon (pp. 38—39).

d) Ordination de diacres dans l'église arménienne de la sainte Vierge à Melbourne (pp. 39—40).

e) Commémoration de la Journée de saint Varjan dans le diocèse des Arméniens d'Iraq (pp. 40—42).


f) Père Sarkis Sarkissian—La participation de l'Eglise arménienne à la „Semaine de prière pour l'unité des chrétiens“ à Milan (Italie) et dans les villes d'alentour (pp. 42—43).

10. Evêque Anania Arabadjian—Dialogue entre chrétiens et musulmans tenu à Prague du 1er au 3 février 1986 (p. 44).

11. Archevêque Chenorhk Galoustian—„Aperçu sur la constitution des conciles de l'Eglise arménienne“ (Etude)—(pp. 45—50).

12. Père Michel Quesnel—„Comment lire un évangile“ (Traduction du français en arménien moderne)—(pp. 51—60).





ԲՈՎԱՆԴԱԿՈՒԹՅՈՒՆ

ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ կոնդակը Հայրի համալսարանի տնօրենությանը և հայագետ դոկտ. Հերման Կոլցին՝ Հայր Իոհաննես Լեփսիուսի մահվան 60-ամյակի առթիվ	3
Դոկտ. Հայր Իոհաննես Լեփսիուսի մահվան 60-ամյակին նվիրված գիտաժողով	6
ՊՐՈՖ. ԳԵՐՀԱՐԴ ԲԱՍԱՐԱԿ—Հայ եկեղեցու գործունեությունը ի նպաստ խաղաղության	10
Սրբոց Ղևոնդյանց տոնը Մայր Աթոռում	14
Ս. Վարդանանց տոնը և Վեհափառ Հայրապետի անվանակոչության տարեդարձը Մայր Աթոռում	16
Տյառնընդամաք և սարկավազական ձեռնադրություն Մայր Աթոռում	23
ՄԱՅՐ ԱԹՐՈՒՈՒՄ—Եկեղեցական բեմ. լուրեր	27
Եկեղեցի քահանա Պետրոսյան	29
ԳԵՎՈՐԳ ՍՐԿ. ՄԿՐՏՅԱՆ—Վահագնի ծնունդը	30
ԹԵՄԱԿԱՆ ԿՅԱՆՔ	
ՆԱՐԵԿ ԵՊԻՍԿՈՊՈՍ ՇԱՔԱՐՅԱՆ—Եզդյատահայ թեմում	31
ԵՐՎԱՆԴ ՄԵԼՔՈՆՅԱՆ—Ամստերդամի հայկական եկեղեցու վերագնումը	35
ԶԱՏԻԿ ԱՐԵՆԱ ԱՎԵՏԻՔՅԱՆ—Սարկավազական ձեռնադրություն Լիոնի Ս. Հակոբ հայոց եկեղեցում	38
Սարկավազական ձեռնադրություն Մելքումի հայոց Ս. Աստվածածին եկեղեցում	39
Վարդանանց տոնը իրաքահայ թեմի մեջ	40
ՍԱՐԳԻՍ ՔԱՀԱՆԱ ՍԱՐԳԻՍՅԱՆ—Հայ եկեղեցվո մասնակցությունը «Քրիստոնյաներու Միության աղոթքի» շաբաթին՝ Միլանոյի և շրջակա քաղաքներու մեջ	42
ԱՆԱՆԻԱ ԵՊԻՍԿՈՊՈՍ ԱՐԱԲԱԶՅԱՆ—Քրիստոնեական-մահմեդական երկխոսություն Պրագայում	44
ՇՆՈՐՀՔ ԱՐՔԵՊԻՍԿՈՊՈՍ ԳԱԼՈՒՍՅԱՆ—Համառոտ ակնարկ Հայց. եկեղեցվո ընդհանուր ժողովներուն կազմության վրա	45
ՀԱՅՐ ՄԻՇԵԼ ՔՆԵԼ—Ինչպես կարդալ Ավետարանը	51
«Эчмиадзин» официальный журнал Эчмиадзинского Католикосата	61
«Etchmiadzin» official journal of Holy Etchmiadzin	62
«Etchmiadzine» organe officiel du Saint-Siege d'Etchmiadzine	63

ԽՄԲԱԳՐՈՒԹՅԱՆ ՀԱՍՅԵՆ

ՀԱՅԿԱԿԱՆ ՍՍՀ, ԷԶՄԻԱԾԻՆ «ԷԶՄԻԱԾԻՆ» ԱՄՍԱԳՐԻ ԽՄԲԱԳՐՈՒԹՅՈՒՆ

Армянская ССР, Эчмиадзин, Редакция журнала «Эчмиадзин».
Rédaction de la revue «Etchmiadzine», Etchmiadzine. Arménie, URSS

Հանձնված է արտադրության 19.02.1986 թ.: Ստորագրված է տպագրության 2.04.1986 թ.:
Տպագրական 4 մամուլ+2 ներդիր, թուղթ 60×84/4, պատվեր 137:

Մայր Աթոռ Ս. Էջմիածնի տպարան, 1986 թ.